

2. 1. 1. Sallan.





Ex Bibliotheca  
majori Coll. Rom.  
Societ. Jesu

23. 5. 44  
23  
C  
49  
23  
4  
43





1



DE BAPTISMATE  
PASCHALI ET ORIGINE  
AC RITV CONSECRANDI  
AGNOS DEI

L I B E R

Ex Onuphrij Panuinij Veronen.  
Fratris Eremitæ Augustiniani  
Commentarijs

*In historiam Ecclesiasticam excerptus:*  
Cum Corollariis Iosephi Mariæ Suaresij  
Episcopi Vasionensis

AD

ALEXANDRVM VII  
PONT. OPT. MAX.

*Bibl. Secr.  
ex leg.*



*Coll. Rom. S. S.  
Card. Pallan.*

ROMAE.



SANCTISSIMO  
DOMINO NOSTRO  
ALEXANDRO VII  
PONT. MAX.

*Iosephus Maria Suarezius Episcopus Vastionensis  
pedum oscula beatorum.*

BEATISSIME PATER



IVINITVS in throno Pon-  
tificio collocata S.V. tā precla-  
ris virtutum luminibus Uni-  
uersum terrarum orbem velu-  
ti salutare sidus irradiat, ve-  
eorum persbriētus iubare satis  
admirari nequeam in medijs aceruis oc-  
cupationum difficillimis istis temporibus in-  
gruentium sollicitudinem indefessam, & pro-  
videntiam singularem, cum ad cultum Dei pro-  
pagandum, tum ad sacra procuranda honori-  
ficē, ex instituto, atque Vetere disciplina. Sic  
ponis animam tuam pro tuis ouibus; sic diligis  
decorem domus Domini; sic magnifice tractas

sapientiam. Ne Verò pias & assiduas hasce  
curas percenseam sigillatim (hoc enim opus es-  
set iustæ historiæ) obstupui sanè. Vehementer,  
meque detinuit attonitum seria & grauis Ma-  
iestas, quam innata comitate ac humanita-  
te condire Visus es, memorabili exemplo, ra-  
rissimæque mistura, quando certissimas gratiæ  
caelestis tesseræ, & præsentissima contra hostiū  
insidias amuleta, cereos nempe orbiculos conse-  
cratos rite, ac more maiorum nudius tertius  
Clero populoque dilargitus es. Sed quia  
huius sacri ritus initia inumbrata erant aui  
caligine, vitioque temporum, superiori sæculo  
antiquitatis quæ profanæ quæ Ecclesiasticæ  
Vindex acerrimus Onuphrius Panuinius ea  
patefecit Opusculo erudito prorsus ac disertò.  
Verum eas unum aut alterum supererat hic  
exemplum. Ante annos itaque xxvi. me na-  
uante operam, ne labor immortalitate dignissi-  
mus intercideret, lucubratiuncula tam nobilis,  
adaucta Corollario typis recusa lucem rursus  
aspexit. Cum autem nunc quoque animad-  
uerterim repetitam editionem exhaustam, utq;  
prioris, ita posterioris maximam esse in Vrbe  
pe-

penuriam, libellum istum auspicijs S.<sup>ni</sup> V.<sup>ae</sup> tertium proferre in publicum, at textu altero Corollario aggredior: ausimque mihi confidenter polliceri, non ingratum, nec iniucundum fore, S.<sup>ni</sup> V.<sup>ae</sup> meum conatum: quandoquidem ipsa mihi nuper eum indicanti adeo benigne annuit, & me, commentationesque meas placidis oculis, & renidenti vultu excipere, atque intueri semper consuevit. Liquidò constat flagrare S.<sup>tem</sup> V.<sup>am</sup> zelo reuocandi gentes aberrantes ad Ecclesiae Romanae sinum, à quo fraudibus atque technis Hæresiarcharum iam dudum fuerunt abstractæ: eas autem, quæ tanquam sub alio celo natæ vix nouerunt pulcherrimam rerum Romanam, aduocandi desiderio æstuarè, votisque S.<sup>ni</sup> V.<sup>ae</sup> fauere manifestè Numen, uberrima, & ad messem alba segete illis affatim respondente. At vsu quotidiano comprobatur, sacrarum ceremoniarum nitore ac splendore potissimum percelli, suauissimeq; attrahi mortalium animos, cum illas vti religionis sepes a Christo Domino circum Ecclesie florentem hortum consitas, & ab Apostolis vel Christi iussu, vel S. Spiritus, quem

edoctrum omnia, omnemque Veritatem Christus sponderat, instinctu constitutas agnoscunt; earumque argumenta & rationes con-  
discunt, quasque sub corticibus latetia mysteria venerantur. Id egregie prastitisset nunquam satis laudatus Panvinus, nisi acerba & im-  
matura morte fuisset praeceptus. Ego tamen ani-  
mum non despondeo; neque detrecto tanti Viri  
vestigia persequi, eodemque in stadio decurren-  
do, Spartam illam pro modulo meo exornare, si  
placitum sit S<sup>u</sup> V<sup>o</sup> cuius ut lenissimum at-  
que moderatissimum, ita longævum felicissi-  
misque successibus cumulatum imperium, ad Ec-  
clesia reipublicaeque Christianae bonum, & ad  
literarum decus, quemadmodum exopto vo-  
ueoque, sic ab altissimo Deo in dies apprecari,  
Vestregue S<sup>u</sup> bene ominari non desino.

EMINENTISSIMO  
Et Reuerendissimo Domino

FRANCISCO

S. R. E. CARDINALI  
BARBERINO

SANCTAE SEDIS APOSTOLICAE  
VICECANCELLARIO

*Iosephus Maria Suarezus Aemilione felicitatem:*



*Acebat ignotus fere Libellus  
iste, quem de ritu sa-  
crandi cereos Agnos eruditif-  
simus antiquitatis sacrae  
vindex Onuphrius Panu-  
nius conscripserat: Utque*

*literis etiam sua mors est, & quemadmodum  
cecinit Poëta Vetus,*

*Habent sua fata libelli;*

*semisepultus in Bibliotheca circumvolui tene-  
bris obliuionis, & perire sensim Videbatur. Sed  
cum pietas, cuius tam præclarum specimen*

*S.D.N.Vrbanus VIII, Pont. Max. in Agnis  
cereis secundum sacrandis IIII. Non. Aprileis  
exhibuit, meum tetigisset pectus, & excitasset  
ad inuestigandam ceremonie solemnibus ab Vr-  
bano V. Pont. Sanctiss. renouate primaeuam  
originem, perlegi Libellum istum, doluique gra-  
uiter intercideret tam cito dignissimum aeterni-  
tate monumentum. Quamobrem rursus edu-  
ctum in lucem cum Corollario, quod in aula & bi-  
bliotheca Vestra collegi, iure merito E. iie V.<sup>e</sup>  
dedico. Ipsa namque non tantum mel suauita-  
tis & clementiae diffundit in orbem Christia-  
num, Verum & vigilantiae, laborisque ceram  
publicis negotijs impendit, ipsiusque nutu fuit  
instauratum illud ab antiquis Heroibus insti-  
tutum ac intermissum diu certamen, ne quid  
lateat futuris seculis profuturum. Vnde mihi  
persuadere audeo, munus istud gratum ac-  
ceptum fore: Agnumque Dei Venerabundus  
exoro, Ut Sanctissimo D. N. atq; Eminentiae  
Vestrae felicitatis cumulum, Vestraque provi-  
dentia Christianae Reipublicae pacem impertia-  
tur. Romae MDCXXX.*



## ONVPHRII PANVINII VERONEN.

Fratr̃is Eremitæ Augustiniani, de  
Baptismate Paschali, & origine  
consecrandi

## AGNOS DEI.

*Ad Illustriss. & Reuerendiss. Dominum Alexan-  
drum Farnesium Diaconum Cardinalem,  
Sanctæ Sedis Apostolicæ Vicecan-  
cellarium -*



Olemnis & vetus consuetudo  
est, pluribusq; iam sæculis in  
Romana Ecclesia vsurpata, vt  
Pontifices Maximi infra Osta-  
uam Paschatis primi anni  
Pontificatus, & deinceps se-  
ptimo quoque anno, dum in humanis agunt,  
orbes quosdam cereos candidissimos Bene-  
dicant, Consecrent, & (vt eiusdem cæremo-  
niæ vocabulo utar) Baptizent, eosque; populo  
Christiano deuotissimè distribuunt, qui apud  
fideles deuotionis ergo, & in multorum malo-  
rum remedia seruati sanctissimè coluntur. Hi  
è cereis Paschalibus, qui præteritis annis super  
fuere, alia addita cera confici solebant, Agni  
imagine signati, quos vulgo Agnos Dei vocāt.  
Qua cæremonia, quum nihil ferè (vt ego sen-  
tio)

tio) sit notius vulgatiusq; eius tamen origo, &  
 primordia obscura sunt, & à nemine hætenus  
 (quod sciam) explicata. Hac idcirco ratione  
 persuasus rem nō iniucundā omnibus pijs me  
 facturum, atq; Christianæ antiquitatis studio-  
 sis plurimū gratificaturum arbitratus sum, si,  
 quæ de huius vulgatissimæ, & pulcherrimæ cō-  
 suetudinis obscura origine didici, in lucē cum  
 clarissimi nominis tui (Alexander Card. Am-  
 plissime) præscriptione ederem, hoc præsertim  
 tēpore, quo eos Pius Papa IV. religiosissimus  
 & pientissimus Pontifex Benedicere, & Bapti-  
 zare, more maiorum constituit. Tuo enim be-  
 neficio & liberalitate, quū honestissimo mihi  
 otio frui cōcessum fuerit, animus ad eiusmodi  
 tractanda suapte natura incitatus admodum  
 liber est. Atque ideo sub tui nominis Amplif-  
 simi patrocinio, arduam mihi quidē, sed om-  
 nibus mortalibus (vt spero) vtilem provinciā  
 assumpsi, vt historiam omnem Ecclesiasticam,  
 Christianæ religionis instituta, varias consue-  
 tudines, & cæremonias, ac quicquid cognitu  
 dignū in Ecclesia Catholica iam inde ab Apo-  
 stolorum tempestate ad nostra vsque sæcula  
 gestū sit, quantum ratio temporum patitur,  
 illustrarem; atque ea, quæ à me diligentia fieri  
 posset, monumētis traderem litterarum. Quæ  
 omnia quū in his diu, & multū hætenus labo-  
 ra-

ra-

rauerim, propediē in publicā Christianorū om-  
nium vtilitatē me euulgaturū, diuino numine  
fretus, spero, atq; etiā polliceor. Exiguū interim  
hoc opusculū sibi habeat diligēs ac pius Lector  
dū reliqua, quorū tanquā specimē est, adornē.

Rem igitur, cuius initia temporum iniuria  
obscurissima iam facta sunt, explicaturū, illud  
ante omnia scitu dignum animaduertere visū  
est, me nihil, quod huius rei apertē, & clarē mē-  
tionem faciat, haftenus inuenisse; sed quæ me-  
moriæ prodere statui, omnia ex rei ipsius ritu  
& his cæremonijs, quæ hoc etiam tempore in  
eis Baptizandis celebrantur, obseruata collegi.

Quæ omnia quum conuenire omninò anti-  
quissimis Baptizandi Catechumenos, hoc est,  
qui ad Christi fidem veniebant; institutionibus  
demonstrauero, optima certaque coniectura  
persuaderi poterit, eius rei originem, ex hac in  
Baptismate Christianorum vetusta obseruan-  
tia fluxisse. Hæc autē vt facilius, & accuratius ab  
omnibus intelligantur, operæ pretiū est; pri-  
mū ea tradere, quæ apud vetustissimos nostræ  
religionis auctores de Baptismate, eiusq; varijs  
ritibus, & cæremonijs scripta inueni; deinde ea  
his applicare institutis, quæ nunc in horum or-  
biū cereorū Benedictione obseruantur. Quibus  
perceptis, rei ipsius origo, & vnde id institutū  
maſſarit, manifestē intelligi, & cognosci poterit.

Pri-

Primum omnium satis manifestum est, Baptismatis obseruantiam sanctissimum esse Ecclesiæ Sacramentum, à Domino nostro I E S V C H R I S T O ordinatum, atque ab omnibus qui eidem nomina dant, suscipiendum, sine quo regnum Cœlorum ingredi nemo potest; iuxta illud Euangelicum axioma: Nisi quis renatus fuerit ex aqua, & Spiritu sancto, non potest introire regnum Dei.

*Varij  
ritus  
ab antiquis  
entis  
in  
baptismo  
vnde*

Baptizandi porro, vt etiam cæterorum Ecclesiæ Sacramentorum variij ritus, & consuetudines apud veteres Christianos fuerunt. Nam diuersis temporibus, variatis hominum moribus & voluntatibus, multa quoque in Ecclesia mutata sunt. Principio enim sub ipsis Apostolorum temporibus omnes fere, qui regenerationis lauacro abluebantur, adulti erant, quum quotidie multi ex gentibus ad Christianam religionem confluerent: nam eo tempore vbique reperire erat ethnicos Christianis admixtos. Idem quoque obseruatum fuisse primis Ecclesiæ post persecutiones tēpestatibus, exēplo sunt Ambrosius, & Nectarius, quorum ille ex catechumeno Mediolanensis, iste ex gentili Constantinopolitanus Episcopi ordinari sunt. Itē Beatus Pater Augustinus, senior Theodosius Imperator, & alij multi, quos iam adultos per ea tempora baptizatos fuisse constat. Dies etiam baptismatis

incer-

incerti erant, neque solemni obseruantia ordinati. Quin etiam Baptisma ab omnibus conferebatur, siquidem eo tempore omnes docebant, omnesq; baptizabant quibuscunq; diebus, & temporibus se obtulisset occasio. De quibus cæremonijs, & ecclesiasticis nonnullis alijs ordinationibus, post primordia nascentis Ecclesiæ institutis, meminit Rabanus Maurus in epistola quadam ad Regembaldum, quam citat Burchardus Vvormatiensis libro sexto, in quo de Sacramentis loquitur, in hæc verba: Igitur vt B. Ambrosius testatur, postquam omnibus locis Ecclesiæ sunt constitutæ, & officia ordinata, est aliter cõposita res, quàm coeperat. Primùm enim omnes docebant, & omnes baptizabāt, quibuscumque diebus, & temporibus fuisset occasio. Nec enim Philippus tempus quæsiuit, aut diem, quo Eunuchum baptizaret, neque ieiunium interposuit. Neque Paulus, & Silas tempus distulerunt, quo custodem carceris baptizarent cum omnibus suis. Neque Petrus Clericos habuit, aut diem quæsiuit, quando Cornelium cum omni domo sua baptizauit; hoc fecit ipse, nec iussit fratribus, qui cum illo erant apud Cornelium in Ioppe: adhuc enim præter septem Diaconos nullus fuerat ordinatus. Vt ergo cresceret plebs, & multiplicaretur, omnibus inter initia concessū est

est & euangelizare, & baptizare, & scripturas in Ecclesia explanare. At ubi omnia loca circumplexa est Ecclesia, conuenticula constituta sunt & Rectores, & cætera officia in Ecclesijs sunt ordinata; ut nullus de Clero auderet, qui ordinatus non esset, quod sciret non sibi creditum, vel concessum, & cœpit alio ordine, & prouidentia gubernari Ecclesia. In qua si omnes eadem possent, irrationabile esset, & vulgaris res, & vilissima videretur. Inde est origo, unde nunc neque Diaconi populo prædicant; neq. Clerici, vel Laici baptizant, neq; quocumque die credentes tinguntur, nisi egri. Ideo non per omnia conueniunt scripta Apostolica ordinationibus, quæ nunc in Ecclesia sunt, quia hæc inter initia sunt scripta, &c. Atque hætenus D. Rabanus apud Burchardum.

Baptizandi verò ritum, & rationem apud vetustissimos Christianos explicat Q. Septimius Florens Tertullianus multis locis, & primum in libro contra Praxeam prope finem, ubi de Christo loquitur: ait enim: Et post resurrectionem spondens missurum se discipulis promissionem Patris, & nouissimè mandans, ut tingerent in Patrem, Filium, & Spiritum sanctum, non in vnum, nam nec semel, sed ter, ad singula nomina in personas singulas tingimur. Idem in libro de corona militis, Aquam (inquit) adituri  
ibi.

ibidem, ſed, & aliquāto prius in Eccleſia ſub Antiſtitis manu conteſtamur nos renuntiare Diabolo, & pompæ, & Angelis eius; dehinc ter mergimur, amplius aliquid respondentes, quàm Dominus in euangelio determinauit. Inde ſuſcepti, lactis, ac mellis concordia præguſtamus, exquæ ea die lauacro quotidiano per totā hebdomadam abſtinemus. Rurſus in primo libro aduerſus Marcionem Ponticum hæreſiarcham idem his verbis refert: Sed ille quidem uſque nunc nec aquam reprobauit Creatoris, qua ſuos abluit; nec oleū, quo ſuos ungit; nec mellis, & lactis ſocietatem, qua ſuos infantat. De quibus cæremonijs meminērunt etiam alij veteres Scriptores.

Conteſtationis enim, qua Chriſtiani diabolo, & pompæ, & angelis eius renunciabant, pluribus in locis mentionē facit S. Hieronymus, & præſertim in epiſtola ad Ruſticum, quā ad Occidentem verſos facere conſuetudinem fuiſſe ſcribit. Interpres quoque Dionyſij de Eccleſiaſtica Hierarchia: Deinde (inquit) Occidentem verſus illum ſtatuens, intendentem manus ad eandem regionem conuerſas, inſuſflare illum ter Satanā iubet, & præterea abrenuntiationem profiteri. Idq; ſequenti capite exponens docet impulſione manuum Baptizandum obſcuræ militiæ conſortia renuere, & exſuſflare.

Hæc

Hæc ipsa referunt B. Ioannes Chrysostomus in homilia Adami, & Euæ, & super quintumdecimū caput epistolæ prioris ad Corinthios: Item S. Augustinus in sermone secundi diei Paschatis, in libris Symboli, de Dogmatibus Ecclesiasticis, & postremo in epistola ad Sixtum presbyterum S. R. E. finem versus. Vnctionem verò ex sacro oleo idem Dionysius in libro de Ecclesiastica Hierarchia proficitur, qui eam in baptismo vsurpari à sanctis Apostolis ex Christi mandato institutum esse affirmat: quod etiam Adamantius Origenes homilia vij. super Ezechielem recitat, & beatissimus martyr Cyprianus in Epistola ad Antonianum, Rogatianū, & Honoratū Episcopos. Vngi (inquit) necesse est eum, qui Baptizatus sit, vt accepto Chrismate, idest vnctione vnctus Dei, habere in se Christi gratiam possit. Idem Concilia Laodicenū capite xlii. & Arausicanum capite primo obseruari constituerunt. Cæremonia porrò lactis, & mellis ex veteri instrumento assumpta est, in quo subinde mentio fit terræ fluentis lacte, & melle: & ex loco Esaia, Butyrum, & mel comedit. Lac enim infantibus conuenit, quibus assimulantur recens Baptizati. In occidentis vero Ecclesia, de nouo baptizatis vinum, & lac dare veteres consueuisse, refert S. Hieronymus in libro aduersum Luciferianos, & in commentarijs



in Esaiam, vbi locum illum explicat: Venite, emite absque argento, & vlla commutatione vinum, & lac, nempe his verbis de Christo loquens. Quod(inquit) vinum miscuit sapientia in cratere suo, omnes stultos sæculi, mūdique sapientiam non habentes prouocans ad bibendum, vt non solum vinum emamus, sed & lac, quod significat innocentiam paruulorum. Quī mos ac typus in Occidētis Ecclesijs hodie vīq; feruatur, vt renatis in Christo vinum, lacq; tribuatur. Quod autem Tertullianus scripsit, lac, & mel solita fuisse Baptizatis suo tempore dari, fortē S. Hieronymi sæculo in vinum, & lac cōuerterat consuetudo. Ad hæc Dionysius, quem supra citaui, refert sacerdotem Catechumenorum nomina sigillatim rogare solitum; & eos omnes ante Baptismū nomina dedisse, quæ scripto notabantur. Et adiicit: Baptizatis statim Corpus Christi tradi, ipsosq; Chrismate vngi solitos. Fuit etiam vsus in primitiua Ecclesia sal benedictum ori Baptizandorum apponi, vt refert Origenes homilia v. 1. super Ezechielē, vbi etiam Catechumenos hortatur, vt se præparēt sal Christi fieri. S. Ambrosius in libro de ijs, qui mysterijs inītiantur, cōmemorat, nasum, auresq; Baptizandorum Sacerdotes tāgere cōsueuisse. Quarum omnium cæremoniarum vir sanctus Eusebius Emefenus in Homilijs Paschalibus fre-

quenter mentionem facit. Sed quando tot iam  
 cōsuetudinum meminerim, quæ in Baptismate  
 fiebant, cur nō etiam illas apponam, quæ apud  
 Burchardū Vvormatiensem in sexto libro, quī  
 de Sacramentis Ecclesiæ tractat, notatæ sunt,  
 præsertim quum sint cognitu dignissimæ? Sic  
 autē illic legitur: In illo officio primū Paga-  
 nus Catechumenus fit accedēs ad Baptismū, vt  
 renunciet maligno spiritui, & omnibus damno-  
 sis eius pompis. Exsufflatur etiam, vt fugato  
 Diabolo, Christo Domino nostro paretur in-  
 troitus. Exorcizatur, id est cōiuratur malignus  
 spiritus, vt exeat & recedat dās locū Deo vero.  
 Accipit Catechumenus sal, vt putrida, & fluxa  
 eius peccata sapientiæ sale diuino munere mū-  
 dentur. Deinde Symboli Apostolici traditur ei  
 fides, vt vacua domus, & à prisco habitatore  
 derelicta, fide ornetur, & vt præparetur habita-  
 tio Deo. Tum fiunt scrutinia, vt explore-  
 certius, an post renunciationem Sathanæ sacra  
 verba datæ fidei radicatus corde defixerit. Tan-  
 guntur & nares, vt quamdiu spiritum naribus  
 trahat, in fide acceptā perduret. Pectus quo-  
 que eodem perungitur oleo, vt signo Sanctæ  
 Crucis Diabolo claudatur ingressus: signantur  
 & scapulæ, vt vndique muniatur. Item in pe-  
 ctoris, & scapulæ vnctione significatur fidei fir-  
 mitas, & operum bonorum perseuerantia. Et  
 sic

fic in nomine Sanctæ Trinitatis trina submer-  
sione baptizatur, & certè homo, qui ad ima-  
ginem Sanctæ Trinitatis creatus est, ad eādem  
renouatur imaginē, & qui tertio gradu pecca-  
ti, id est consensu, cecidit in mortem, tertio le-  
uatus à fonte, per gratiā surgit ad vitam. Tum  
albis induitur vestimētis propter gaudium re-  
generationis, ad castitatem vitæ, & Angelici  
splendoris decorem. Tum sacro Chrismate ca-  
put perūgitur, & mystico tegitur velamine, vt  
intelligat se diadema regni Sacerdotij dignita-  
tem portare, iuxta Apostolum; Vos estis genus  
regale, & Sacerdotale, offerentes vosmetipsos  
Deo viuo hostiam sanctam, & Deo placentem.  
Sic corpore & sanguine Domini cōfirmatur, vt  
illius sit capitis membrum, qui pro nobis passus  
est, & resurrexit. Nouissimè per impositionem  
manus à summo Sacerdote septiformis gratiæ  
spiritum accipit, vt roboretur per Spiritum  
Sanctum ad prædicandum alijs, qui fuit in Ba-  
ptismo per gratiam vita donatus aeterna, &c.

Baptismi autem dies, quos Apostolorū sæ-  
culo, incertos, & varios fuisse iam demonstraui,  
certis quibusdam, & statis tēporibus, id est bis  
in anno postea firmatos fuisse à Sāctis patribus  
auctor est, quem supra citavi, D. Rabanus. Neq.  
(inquit) quocumq; die credentes tingūtur, nisi  
ægrī. Tempus autem Baptizandi erat Pascha

potissimum, & Pentecoste cum sex diebus se-  
quētib. Qui mos antiquissimus fuit. S. Sylue-  
ster Papa in Synodo Romana CCXXCIV. Epi-  
scoporum, canone xii. ait: Baptismū prædican-  
tes dare omnibus infirmis, sanis autē, sicut veri-  
tas commonet, in Pascha, & Pentecoste. Siricius  
Papa epist. i. ad Himerium cap. 2. Sequitur (in-  
quit) de diuersis Baptizandorū temporibus pro-  
ut vnicuiq; libitū fuerit improbabilis, & emen-  
danda confusio, quæ à nostris consacerdotibus  
nō ratione auctoritatis alicuius, sed sola teme-  
ritate præsumitur, vt passim ac liberē natalitijs  
Christi, seu Apparitionis, nec nō & Apostolorū  
seu Martyrum festiuitatibus innumeræ (vt asse-  
ris) plebes Baptismi mysterium consequantur,  
quum hoc sibi priuilegiū, & apud nos, & apud  
omnes Ecclesias Dominicum specialiter cum  
Pētecoste sua Pascha defendat, quibus solis per  
annum diebus ad fidem cōfluentibus generalia  
Baptismatis tradi cōuenit Sacramenta; his dū-  
taxat exceptis, qui ante quadraginta vel eo am-  
plius dies nomē dederint, & exorcismis, quoti-  
dianisq; orationibus, atque ieiunijs fuerint ex-  
piati, quatenus Apostolica illa impleatur præ-  
ceptio, vt expurgato fermēto veteri noua inci-  
piat esse conspersio. Sicut sacram ergo pascha-  
lem reuerentiam in nullo dicimus esse minuē-  
dam, ita infantibus, qui nondum potuerint lo-

qui

qui per ætatem, vel his, quibus in qualibet necessitate opus fuerit, sacri vnda Baptismatis omni volumus celeritate succurri, ne ad nostrarum perniciem tendat animarum, si negato desiderantibus fonte salutari, exiens vnusquisq; de sæculo, & regnum perdat, & vitam, &c. Itē Gelasius Papa epist. prima Episcopis per Lucaniam, Bruttios, & Siciliam constitutis cap. XI I. Baptizandi sibi quispiam passim quocumque tempore nullam credat inesse fiduciam, præter Paschale festum, & Pentecostes venerabile Sacramentum, excepto dumtaxat grauissimi languoris incurfu, in quo verendum est, ne morbi crescente periculo, sine remedio salutari fortassis ægotās exitio præuentus excedat. Gerundense quoque Concilium can. iv. Catechumeni in Paschæ solemnitatem, vel Pentecostes, ad Baptismum veniant; cæteris solemnitatibus infirmi tantum debent baptizari, qui quocumque tempore sunt baptizandi. Idem refert Concilium Matisconense secundum canone III.

Eadem quoque consuetudo per tempora Caroli Magni, & Hludouici Pij Imperatorum seruata est. Extant enim leges ab illis sancitæ, quibus cauetur, ne quemquam Sacerdotes baptizēt, excepto mortis articulo, præterquam in Pascha, & Pentecoste. Eas sanctiones complectitur volumen Legum Regis Pipini, Caroli



Magni, Hludouici Pij, & Hlotharij Augustorum, quas Ansegisus Abbas collegit, & nunc etiam circumferuntur.

Quum autem antiquitus non nisi adultos baptizari mos fuisset, consuetudo postea inualluit, & quidem ob iustas causas, ut infantes quoque sancto lauacro abluerentur. Eos tamen non nisi in Paschate, aut Pentecoste tingi mos diuturnus in multis Ecclesijs fuit, & per longa tempora obseruatus, hac scilicet ratione, ut infantes post Pascha nati ad Baptismum Pentecostes reseruarentur, & nati post Pentecosten proximo Paschali festo (excepta necessitate baptizandi) una cum adultis Catechumenis, qui ex externis nationibus ad Christi fidem continuo confluebant, Sacerdotibus offerrentur. Quod verò de infatibus Baptizandis dictum est, libri rituales, quos Agēdas vulgo vocant, aperte testantur, dum indicant, quo ordine infantium Baiuli, una cum susceptoribus suis stare debeant. Nec me latet in multis Ecclesijs, & forte ex Papæ Siricij constitutione, quam paulo ante citavi, infantes quocumque anni tempore (quod etiam nunc in usu est) ut parentibus libebat, tingi solitos, idque propter multa pericula, quibus ea ætas subiacet. Qua ratione factum est, ut consuetudo baptizandi in Pascha, & Pentecoste nostris temporibus omnino antiquata sit, quum  
ho.

hodie pauci omnino sint Catechumeni, qui illis diebus baptizandi essent, & pueri siue infantes quocumque anni tempore baptizentur.

Nec mirum esse debet si caeremoniae secundum Ecclesiarum, & Regionum diuersitatem varient, quum suas consuetudines habuerit Oriens, quemadmodum constat ex Dionysio, suas quoque habuerit Occidens.

Vt etiam multis coniecturis assequi potui, priscis temporibus vnicum tantum lauacrum, siue Baptisterium in singulis vrbibus erat, idque propè maius ciuitatis templum, quod matrem Ecclesiam vulgo vocant, fabricatum, quemadmodum nunc est Bononiae, Florentiae, Parmae, & alibi, in quo vno tingebantur pueri, iuuenes, senes, diuites, & pauperes, serui, & liberi, viri, & mulieres. Vnde Gregorius Nazianzenus in oratione de Baptismo obiurgat opulētos, quos pudebat cum pauperibus simul tingi. Romae quoque elegans lauacrum, siue Baptisterium adhuc extat omnibus suis ornamentis (quae multa, & ingentia fuere) nunc expoliatum. Quod Sanctus Syluester Papa ex cōcessione Imp. Caesaris Constantini Augusti, Laterani prope maiorem Vrbis Basilicam, quae Constantiniana appellatur, extruxit, & maximis donis, & ornamentis, quae idem Imperator Constantinus ipsi Sancto Pontifici donauerat, decorauit; quae oīa ab Anasta-

fio S.R.E. Bibliothecario in libro, quem de Romanis Pontificibus scriptum reliquit, in vita S. Syluestri enumerantur; Vulgo nunc dicitur la-uacrum Constantini, vel S. Ioannis in Fonte; in eo extant octo columnæ Porphyreticæ, quas quum ad loci ornatum Imperator Constantinus contulisset, ibidemque extra opus intactas reliquisset, eas postea, vt idem Bibliothecarius auctot est, Sixtus Papa III. additis marmoreis Epistylijs in eam, quā nunc cernimus octā-gulam formā erexit, versibusque Epistylijs incisis ornauit, quos iam exolescentes, & carie, temporeque fere consumptos, ad motis scalis sexennio ante quanta potui diligentia collegi, eosque ne perirent, & quoniam digni visi sunt, qui hic ponantur, quum multa quæ dixi, illis declarari, vel confirmari possint, subieci. sunt autem hi :

*Gens sacrandæ polita, dæ semine nascitur alio ;*

*Quam fecundatis Spiritus edit aquis ;*

*Virgineo sætu genetrix Ecclesia natos,*

*Quos spirante Deo concipit, amne parit ;*

*Cælorum regnum speratè hoc fonte renati,*

*Non recipit felix vita semel genitos ;*

*Fons hic est vita, & qui totum diluit orbem*

*Sumenis de Christi vulnere principium ;*

*Mergere peccator sacro purgande fluente ;*

*Quem veterem accipies, proferet unda nouum ;*

*Insens esse volens isto mundare lauacro,*

*Seu patrio premevis crimine, seu proprio ;*

Nul-



Nulla renascentum est distantia, quos facit unum.  
 Unus font, unus spiritus, una fides;  
 Nec numerus quemquam scelerum, nec forma suorum  
 Terreat, hoc natus flumine sanctus erit.

Hæc autem animaduersa maximam lucem afferunt ad intelligendas cæremonias, & Cantica, Missarumq; mysteria, quibus adhuc in Quadragesima, & Paschalibus ferijs nostra Sancta Ecclesia utitur.

Quum enim (vt dixi) Baptismatis Sacramento dies Paschalis præcipue destinatus fuisset: ex veteri obseruatia, quam ex Siricio Papa paulo ante citavi, necesse erat, vt ad Christianam pietatem conuersi, qui tunc credentes dicebantur, ad minus quadraginta diebus ante Baptismum Christo nomen darent; hoc est, se Episcopo, vel Sacerdotibus præsetarent, nomina sua profiterentur, Baptismaq; peterent. Is dies erat primæ Dominicæ in Quadragesima, qui quadagesimus est ante Dominicam Paschalem, in quo antiquis temporibus eiusdem sanctissimæ Quadragesimalis obseruationis initium erat; quatuor enim dies, qui nunc pari obseruantia ante primam Dominicam Quadragesimæ coluntur, ipsi Quadragesimali sacro à Gregorio XI. additi sunt, quos etiam, vt non ex antiqua obseruantia, Ecclesia Mediolanensis hætenus non agnouit. Dominica igitur prima in Quadragesima introducebantur credentes in Ec-

cle.

Quatuor  
 dies  
 Terrij  
 primæ  
 additæ  
 Quatuor  
 dies  
 in Pascha  
 11.

clesiam vt catechizarentur, quo die eis legebatur Euangelium, in quo Christi quadraginta dierum ieiunium, & à Diabolo tentatio referuntur, innuētes illud veteris Instrumenti scriptum; Fili accedēs ad seruitutem Dei præpara animam tuam ad tentationem. Tunc Exorcismis, quotidianisq; orationibus, atque ieiunijs, vt refert papa Siricius, expiabantur, singulique illis diebus lectione sancti Euangelij explicata per ministros Ecclesiæ instructi, Catechumeni post dicebantur. Hinc ego Quadragesimalium concionum, ieiuniorum, & cæterarum illius temporis obseruationum originē manasse crediderim, quæ certè nō nisi ex Apostolorum traditione institutæ sunt. Extat canon LXXXV. Concilij quarti Carthaginensis, quo iubetur, vt Baptizandi prius nomen suum dent; & diu sub abstinētia vini, & carniū, ac manus impositione & crebra examinatione Baptismum percipiant. Extat & aliud decretum Concilij Laodicensi canone XLIV. ne post duas hebdomadas Quadragesimæ, quisquam amplius ad Baptisma suscipi eo anno possit. Concilium quoque Bracharen. secundum cap. IX. de Catechumenis loquens. Præcipiant (inquit) Sacerdotes eos Quadragesimæ ieiunijs seruire.

Dominica vero tertia Quadragesimæ, qua cantatur euangelium de muto, qui à damone

ob-

obsessus, à Christo liberatus fuerat, pueri & Catechumeni exorcizabantur, vt iubet idem Concilij Bracharenſis ſecundi canon.

Sabbato autem, qui eſt ante Dominicā Palmarum, in quo cātatur Introitus; Miſerere mihi Domine, &c. Sacerdotes Catechumenis iam inſtructis Symbolum Apoſtolorum diſcendum tradebāt; quare is dies hactenus appellatur Sabbathum in traditione Symboli, quemadmodum ex antiquiſſimo libro Rituali conſtat. Huius porro rei extant canones XIII. Concilij Agathen. XLVI. Laodiceni, & Trulli LXXIX. Ante octo ( inquit ) dies Dominicæ Reſurrectionis Symbolum prædicatur, quod poſtea ex decreto Concilij Laodiceni canone XLVI. ſeria V. in Coena Domini, Epifcopo, vel Presbyteris recitabant. Nec quicquam aliud ſonant Introitus, Collektæ, Lectiones, & Euangelia Miſſarum Quadrageſimalium, quàm huiusmodi obſeruantias, & præſertim Collektæ Sabbati ante Palmas, quod dicitur in traditione Symboli, quæ eiſmodi eſt. Proſiciat ( quæſumus Domine ) plebs tibi dicata piæ deuotionis affectu: vt ſacris actionibus erudita quanto maiſtati tuæ, ſit grator, tanto donis potioribus augeatur. Sabbato autem ſancto Paſchæ primo benedicebatur ſons nouus Baptiſmatis, Chriſmatisque noui oleum inſûdebatur ( quod etiam

etiam hodie institutum permanfit ) ad Baptifma, quod proxima hebdomada fieri confueuerat, celebrandum, Catechumeni quoque, dum Miffa eius diei celebratur, Ecclefiam ingreffi, ante Epifcopum alta voce Alleluia canebant; quem ritum nunc, & fancta Romana Ecclefia feruat: Nam Sabbato fancto poft lectam Epiftolam Miffæ, Subdiaconus Apoftolicus procedit ante Pontificem, & ftans alta voce dicit: Pater fancte, Annuntio vobis gaudium magnum, quod eft Alleluia.

Indie verò fancto pafchatif, qui Refurrectioni Dominicæ fpeciatim dicatus eft, qua fancta fides noftra, nouiffimum fuæ perfectionis finem accepit, Sacerdotes Baptifmatis Sacramentum plebi Dei, Catechumenis fcilicet, conferre incipiebant, idque perfequebantur fex diebus fequentibus: quod etiam indicant ipfa Miffarum, & Officiorum Pafchalium folemnia, qualia funt; Hymnus, Rex Sanctorum Domine. Oratio Sabbati Sancti. Deus cuius antiqua mirabilia etiam noftris fæculis corufcare fentimus, dum quod vni populo, à perfequutione Aegyptiaca liberando, dexteræ tuæ potentia contulifti, id in falutem gentium, per aquam regenerationis operaris. Item Refponforium diei Pafchæ. Vidi aquam egredientem de templo à latere dextro & omnes,  
ad

ad quos peruenit aqua ista, salui facti sunt. infra Canonem; Hanc igitur oblationē seruitutis nostrę, sed & cunctę familię tuę, quam tibi offerimus, pro his quos regenerare dignatus es ex aqua & Spiritu sancto, tribuēs eis remissionem omniū peccatorum. Oratio ferię ij. Deus qui solemnitate Paschali mundo remedia contulisti, Introitus ferię iij. Aqua sapientię potauit eos. & huius diei Oratio. Deus qui Ecclesiam tuam semper gentiū vocatione (alias) nouo semper foetu multiplicas. Introitus ferię iiij. Venite benedicti Patris mei. Introitus ferię v. Victtricem manum tuam Domine laudauerunt pariter, quia sapientia aperuit os mutum, & linguas infantium fecit disertas. Et eius diei Oratio. Deus qui diuersitatem gentium in confessione tui nominis Baptismate renouasti, ut sempiternam beatitudinē consequantur. Introitus ferię vj. Eduxit eos Dominus in spe. Secreta. Hostias quęsumus Domine placatus asume, quas & pro renatorū expiatione peccati deferimus, & pro acceleratione celestis auxilii &c.

Ad antiquam vero lactis, & mellis cęrimoniam, de qua supra verba feci, alludit Introitus ferię ij. Introduxit vos Dominus in terrā fluētē lac & mel, vt lex Dñi semper sit in ore vestro.

*Dominica in Albis cur ita dicatur.*

Hebdomada autem Paschalis, in qua Baptismi Sacra-

Sacra-

*recens  
baptizati  
ut  
veste  
alba  
videtur  
hæ*

Sacramentum conferebatur, in Albis dicebatur, ab albis vestibus quibus induebantur recēs Baptizati: verū nostris temporibus hoc sibi rātum cognomen retinuit Sabbatum infra octauam Paschæ, quo omnes qui Baptisma per eam hebdomadam susceperāt, albis vestibus amicti, simul cōueniebant ad Ecclesiam: quod innuit Hymnus, qui eodie cātatur, Ad cœnam Agni prouidi, & stolis albis candidi, post transitum maris rubri Christo canamus Principi &c. hāc autē ob causam albis vestibus induebātur Baptizati, quo meminissent se iam manumissos, & e seruis, ac mancipijs diaboli libertos factos Iesu Christi. Nam Tertullianus libro, qui inscribitur de Resurrectione carnis, ordine recensens manumissionis insignia, albam quoq; vestē adnumerat. Si famulū tuū (inquit) libertate mutaueris, & vestis albe nitore & annuli aurei honore, & patroni nomine, ac tribu, mensaque honoratur.

Color quoque albus innocentiae præcipue conuenit. Eius quoque rei meminit Burchardus, quem supra citavi, & Honoratus Venantius Fortunatus in carmine, cui initium est Salue festa dies etc. vbi ait.

*Rex sacer ecce tui propèrat pars magna tropæi,  
Quum puras animas pura lauacra beant;  
Candidus egreditur nitidis exercitus undis  
Atque vetus vitium purgat in amno none,*

*Ful.*

*Trigentes animas veſtis quoque candida ſignat  
Et grege de niueo gaudi Paſora habes ;*

Baptizatis autem albis indutis Sabbato poſt  
Paſcha ad Eccleſiam conuenientibus Alleluia  
cantantibus Sacerdos Miſſam celebraturus, In-  
troitum Miſſæ illi rei congruentem legebat .  
Eduxit Dominus populum ſuum in exultatione;  
& electos ſuos in letitia, eiſque illam Beati  
Petri epiſtolę partem recitabat, quę etiam ho-  
die legitur, et ſic incipit; Chariffimi, deponē-  
tes omnem malitiam, et omnem dolum, et ſi-  
mulationes et inuidias et omnes detractiōes,  
ſicut modo geniti infantes, etc. et paulo poſt  
Vos autem genus electū, regale ſacerdotium,  
gens ſancta, populus acquisitionis; vt virtute  
eius annuncietis, qui de tenebris vos vocauit  
in admirabile lumen ſuum etc. Dominica ve-  
rò in octaua Paſchę, quę in Albis depositis di-  
cebatur, mane antequam albas veſtes depone-  
rent, adhuc albis veſtiti ad Eccleſiam conflue-  
bant, quibus Sacerdotes Miſſā decantabant re  
illi maximè appoſitam, ſic enim Introitus inci-  
pit; Quafi modo geniti infantes rationabile, ſi-  
ne dolo lac concupiſcite etc. et epiſtolam Ioā-  
nis; Chariffimi, omne quod natum eſt ex Deo  
vincit mundum; et hec eſt victoria quę vincit  
mundum, fides noſtra. Quis eſt autem qui vin-  
cit mundum, niſi qui credit quoniā IESVS eſt  
Filius

Filius Dei? Hic est qui venit per aquam et sanguinem IESVS CHRISTVS . Item Evangelij lectionem ex S. Ioanne , de apparitione Christi resuscitati, et Thomæ incredulitate, vbi postea concluditur; Beati qui non viderunt et crediderunt etc. et paulo post; Hęc autem scripta sūt, vt credatis quia IESVS CHRISTVS est Filius Dei, vt credentes vitā habeatis, in nomine eius . Sicut itaque in precedentib; usdiebus quibus baptizabantur, multoties aquæ et regenerationis mētio est; sic hoc die in Officio Missæ post adeptum Baptisma, non nisi fides, fides, fides inculcatur, et in fide perseuerantia. Finita verò. Missa & sacra concione, omnes Baptizati domos reuertebātur proprias, vestesq; albas exuebāt, à quibus hęc dies Dominica in Albis depositis dicitur. Hęc autem omnia pluribus forte, quā par erat, verbis explicavi, quod feci, vt & res apertius cognosceretur, a qua consuetudo benedicendi Agnos Dei manavit de qua paulo post sum tractaturus; et ne tam digna mysteria obscura iam facta ignorentur, simulq; vt ostenderem totam Paschalem hebdomadam à veteribus fuisse feriando ex Pontificum decretis transactam; quod etiā præcipiūt Imperatores Carolus Magnus, et Hludonicus Pius Augusti in legibus suis, quas supra citavi in capite de Feriarum observatione . His finitis ante.



antequã ad explicationẽ benedictionis Agnorũ Dei deueniã, libet Pontij Paulini versus subiungere, quibus describit Baptismũ, sunt autẽ hi

*Inde parens sacro ducit de fonte sacerdos  
Infantes niueos, corpore, corde, habitu;  
Circundatq; rudes festis altaribus agnos,  
Pura salutiferis imbuat ora cibis;  
Hinc senior sociæ congaudet turba cateruæ,  
Alleluia nouis balat ouile choris.*

His igitur auctoritatibus satis confirmatum esse existimo solemne baptisma in Paschate et Pentecoste fieri solitum. Quum igitur ob eam quam supra dixi rationem hæc baptizandi consuetudo paulatim obsolesceret, Romani Pontifices, ne antiquæ & pulcherrimæ cæremoniæ memoria omnino laberetur in eius consuetudinis memoriam, horum Agnorum Dei benedictionem instituerunt. Quibus benedicendis, omnia fere ea peragunt, quæ veteres sacerdotes Cathecumenis baptizatis facere solebant. Nulla enim vnquam fuit Ecclesia, quæ dignioribus significationibus, & typis mysteria sua consignarit, quam Romana. Quæ omnia vt clarius intelligantur, præcipua quædam subiungere placuit, quibus Romani Pontifices vtuntur in his Agnis Dei consecrandis, quæ antiquæ baptizandi Catechumenos institutioni conuenire omninò demonstrabo. Ac primum de eorundem formatione verba

faciam, quæ non eadem ratione antiquitus cum ea, quæ nostris temporibus vsurpatur, fuit. Olim enim cera alba pura, ex qua formarentur, parata erat per Magistrum ceræ Palatij Apostolici, & per eos, qui pro se Agnos Dei volebant, ponebaturque prius super altare B. Petri, quam deinceps Subdiaconus quispiam Apostolicus de altari accipiens ad Pontificis Palatium defererebat, ubi loco idoneo, ex ea ipse cum alijs Subdiaconis & Acolythis Papæ manibus proprijs formabant Agnos Dei magna cum deuotione, & reuerentia aliquibus necessaria subministrantibus, ceram autem mollificabant cum Oleo sancto, & Chrismatis, quod super fuerat ex anno præterito. deinde Papæ præsentati ab eo benedicebantur, quæ omnia Pont. expensis fiebant. Hoc vero tempore re paululum immutata, Sacrista Papæ cum suis Capellanis, & Clericis Capellæ format ipsos Agnos Dei ex Cereo Paschali anni præteriti, & cera aliunde Papæ expensis allata, illisque non miscetur amplius Oleum sanctum, nec Chrismatis, sed puri, & mundi Papæ præsentantur in cubiculo suo, qui ( vt nunc est consuetudo ) feria V. infra Octauam Paschæ post auditam, vel dictam Missam in sua priuata ædícula indutus Pontificalibus vestibus eos hac ratione benedi-

dicit; Primū enim benedicit aquā simplicē, quę  
 ibidē in vaso magno parata est, benedictione  
 communi, quę passim diebus Dominicis vsur-  
 patur, deinde aliam adjicit orationem, post  
 in eam infundit Balsamum, & sanctum Chris-  
 ma ex duabus ampullis in formam Crucis, di-  
 cens verba Benedictionibus, & Consecratio-  
 nibus apposita, addito in fine, In nomine  
 Patris & Filij & Spiritus sancti. Amen. Be-  
 nedicta & consecrata aqua aliquot orationes  
 dicit super Agnos Dei, qui ibidē etiā in capsis  
 parati sunt, quibus Benedictis, Pontifex ac-  
 cinctus linteo mitratus sedet apud vas aquę.  
 Et cubicularij ad eum portant Agnos Dei in  
 peluibus argenteis, quos Papa immergit in  
 aquam & prælati astantes eos extrahunt, &  
 in eisdem peluibus portantur super mensas  
 mappis candidissimis præparatas, vt siccentur  
 Quibus gestis Papa super eos rursus alias ora-  
 tiones dicens, ipsos iterum benedicit. Qui-  
 bus finitis reponuntur Agni Dei in capsis vs-  
 que ad Sabbatum in Albis, qui post dictum  
 Agnus Dei illius missæ postea distribuuntur.  
 Orationes autem ipsas, siue eorum benedi-  
 ctiones, quę multę, & longę sunt, idcirco non  
 posui, quod omnibus facili est eas in Libro Cæ-  
 remoniarum S.R.E. videre. Sabbato igitur in

Vnde  
 nuber

Albis dicto, Agnus Dei, Missa dici in Capella  
 Papæ à Presbytero Cardinali celebratur .  
 Pontifici sedenti Subdiaconus quispiam Apo-  
 stolicus sacris vestibus indutus, Crucem cum  
 duobus Ceroferarijs & Thuriferario cum  
 Thuribulo fumiganti præcedentibus, desert  
 lancem plenam Agnis Dei bombyce inuo-  
 lutis à Sacrista acceptam, quumque fuerit  
 infra ostium Capellæ, genuflexus alta vo-  
 ce dicit . Pater Sancte, isti sunt Agni no-  
 uelli, qui annuntiauerunt vobis Alleluia, mo-  
 do venerunt ad fontes, repleti sunt claritate  
 Alleluia, Cantores tunc alta voce respondent,  
 Deo gratias, Alleluia. Hoc idem iterum, &  
 tertio facit idem Subdiaconus, eosque Ponti-  
 fici præsentat craterem ipsum manibus tenēs,  
 qui statim ab ipso Papa omnibus Cardinalibus  
 primū, deinde Prælati, & alijs minorum  
 ordinum per ordinem distribuuntur, incipiē-  
 do à dignioribus, qui maxima cum reueren-  
 tia, & deuotione eos à Pontifice genuflexi ac-  
 ciipiunt in Mitris, vel capitijs suis, ne eos ma-  
 nibus attrectent. Finita distributione Papa lo-  
 tis manibus, reliquum Missæ audit, & ea fini-  
 ta in Palatium reuertitur . Tunc vero ab ali-  
 quibus Pontificis familiaribus, quibus id de-  
 mandatum fuerit, omnibus fidelibus distribu-  
 untur, à quibus in Lararijs suis sanctissime  
 fer-

seruatur. Atque hæc est summa huius cæremonia, quam antiquæ baptizandi consuetudini conuenire his rationibus constat. Ante omnia enim hæc Agnorum Dei benedictio, baptizatio appellari solet, quemadmodum & Catechumenorum baptismus dicebatur, non celebratur nisi infra Octauam Paschæ, vt olim baptismus: illa deinde verba: Isti sunt agni nouelli, qui annuntiauerunt vobis Alleluia &c. alludunt ad antiquam cæremoniam, qua Catechumeni coram Episcopo, Alleluia in Ecclesia cantabant: dicuntur agni, vt etiam Catechumeni, nam agnus est omnium animalium mitissimus, vt debent esse fideles. Hoc autem habes apud Pontium Paulinum his versibus; quos etiam supra citauimus.

*Circundatque rudes festis altaribus agnos, itemq.*

*Alleluia nouis balat ouile choris:*

Hic autem typus illius veteris baptizandi in Pascha consuetudinis ideo in his orbibus cereis benedicendis potissimum remansit, vt opinor quod his, qui antiquitus in Pascha baptizabantur, dabatur Bulla cerea candidissima cum imagine agni, quæ è collo ante pectus pendeat, ea confecta erat ex Chrismate, Oleo sancto, Cereis Paschalibus, & reliquis sacris, quæ superfuerant ex anno præterito, quando omnia proxima ante Pascha heb-

domada renouata erant. Bulla autem erat triumphantium, & ingenuorum puerorum insigne: nam sicut per vestem candidam eos è seruis Diaboli libertos factos IESV Christi significabatur; ita per hanc Bullam, qua antiquitus apud Gentiles tantum triumphantibus, & pueris ingenuis vti permissum erat, demonstrabatur eos ingenuos, & ciues factos esse Paradisi, & de Diabolo triumphatores, agni autem imagine signabantur propter mittem, & humanam eius naturam, vt cognoscerent se tanquam agnos esse debere mites, & in omnibus patientes. Hæc autem ex antiquis Ritualibus, vel Cæremonialibus libris Romano, & Burchardi extracta sunt. De Bulla triumphantium, & ingenuitatis signo, vide multa apud Macrobiū libro primo Saturnalium. Eiusmodi autem benedictio ideò non singulis annis celebratur, quòd ad antiquæ consuetudinis memoriam retinendam visum est Sanctis Patribus satis sufficere, si singulo septennio fieret; vel vt ob eorundem raritatem, maiori in prærio, & veneratione apud fideles essent Processu temporis hominum pia credulitas, & sancta religio multa his Agnis Dei consecratis, & miranda attribuit, quæ postea comperta, & re ipsa comprobata maiorem ipsis venerationem attulere. Sanè extant ver-

sus

sus Urbani Papæ V. ad Imp. Constantinopolitanum cum his Agnis Dei missi ; quibus miracula , & commoda , quæ Deus Optimus Max. Christianis continuo concedit per horû cereorum venerationem , continentur , qui sunt hi .

*Balsamus , & cera munda cum chrisma's unda  
Conficiunt Agnum , quod munus do tibi magnum ,  
Fonte velut natum , per mystica sanctificatum ,  
Fulgura de sursum depellit , & omne malignum ,  
Peccatum frangit ut Christi sanguis , & angit ,  
Pregnans servatur , à va partus liberatur ,  
Dona parat dignis , virtutem destruit ignis ,  
Portatus mundè de fluctibus eripit unda .*

Hæc eadem eleganti & erudito carmine explicauit Ianus Vitalis poëta celebris , cuius exemplum , quod dignum est visum , vt hoc loco apponeretur , sequens est .

*Candida cera Dei , diuini ope numinis Agnos  
Agnos nouellos conficit ,  
Adduntur succo mox Balsama pinguis oliui ,  
Et lymphea puri gurgitis ,  
Conceptis verbis , arcano & munere sacrat  
Romanus illos Pontifex ,  
Et quia designant nobis mysteria summi  
Agni polorum Principis ,  
Restituit nobis proprio qui funere vitam ,  
Agni rogat Vicarius .  
Ventorum vt rabiem excutiant , pelagique procellas ,  
Ictusque frangant fulminum ,  
Vt Stygios nostris pellant à sedibus hostes ,  
Vt fixa tergant crimina ,  
Cunstantem educant vtero de sospite fixum ,  
Matris dolores abrogent .*

*Flammarum extinguant incendia dira , bonisque*

*Opes honoris augeant ;*

*Præterea mortis horrenda pericula tollant ,*

*Mortis repente concita ,*

*Sit victor quisquis pugnans dat laudis honores*

*Agnis nouellis debitor ,*

*Exorent nobis dinini numinis auram*

*Opis sequestres cœlitum ;*

*Omnia sint votis nostris , atque omnia possint*

*Culti fideli Spiritu ;*


*Vt sunt in se ipsis pars totum quelibet ; utque est*

*Totum illud absque partibus ,*

*Hæc rogat , & sanctis undis simul abluit agnos*

*Pastor gregis mortalium .*

Hæc porrò omnia ita esse procul dubio ab omnibus,pijs credenda sunt. Quid autem non potest fides , si tamen cum fide accipiant , & tanquam Deo dignum munus venerentur ?







# COROLLARIUM

PRIMUM.

Iosephi Mariæ Suaresij Auenionensis.

## DE AGNIS DEI.

**V**eritas filia temporis est, ut dixit quidam veterum Poetarum; itaque tempore, quod ab Onuphrij Panuini ætate fluxit ad nostram usque, multa, quæ latuerant hæctenus de Agnis Dei, (sunt qui vocent amuleta, sigillaque cerea, sunt qui cereos globos; orbes, orbiculos, cereas Bullas) reperta longè vetustius hoc institutum, quàm videretur, comprobarunt.

Hunc ritum coepisse Christi Domini eiusque Apostolorum temporibus colligit Iodochus Lorichius Tom. 1. Thesauri noui Theologiæ in verb. Agnus Dei, sicut & alias Traditiones ex S. Augustino epistola cxviii ad Ianuarium, relata in c. illa autem, Dist. xij.

Scribit VVidmanstadius Cancellarius Austriæ ad nouum Testamentum Syriacum, Dilingæ typis Syriacis excusum, exstare in Apsti,  
de

de Vaticanæ Basilicæ imagines sacræ illius ceræ, quas Agnos Dei appellant, quasque Marcellus Secundus Pont. Max. olim ei priuatus velut argumentum ceremoniæ ante tempora Constantini Magni vſitatę ostenderit, additque Syros recens baptizatos figilla cerea solitos accipere, sed Apſidē Vaticanæ Basilicæ ab Innocentio III. omninò reſectam fuiſſe cōſtat.

Anno à Chriſto nato MDXLIV. die IV. Februarij Romæ ſub Paulo Tertio cum in ſacello Regis Franciæ, quod Sanctæ Petronillæ vocabatur eratq; vbi nūc exſtat Altare SS. Simonis, & Iudæ in Basilica Vaticana ad fundamēta iaciēda terra foderetur, inuenta eſt arca marmorea, in qua condita fuerat Maria Imperatoris Honorij cōiux, quę Virgo migravit è vita peracerba morte rapta (Sigonius tamē mulierem cenſet) ea in arca multa inuenta, & inter alia in capſula argentea Bulla earum, quas hodię Agnos Dei vocant, cuius in ambitu ſcriptum erat: Maria noſtra florentiſſima. Sebaſtianus Munſterus damnatus auctor li. 2. Coſmograph. Vniuerſalis pag. 148 edit. Baſileenſis, vbi de ampliatiōe Urbis; & Laurentius Surius in Commentario rerum in orbe geſtar. ad Annum MDXLIV.

In Dominica poſt Albas id eſt in Octauis Paſchæ infra Ciuitatem Romanam dantur Agni .

gni cerei ab Archidiacono in Ecclesia poſt Miſſam, & Communionem populo, & ex eis faciunt infra domos ſuas incenſum accendi ad ſuffumigandum in domibus ſuis pro quacumque neceſſitate. Ordo Romanus, quem teſte Cardinale Baronio Tomo viij. Annal. Eccleſ. ad A. DCXCII. conſtantior opinio eſt à Gelafio I. papa collectum, ſicut coniecerat Hittorpius in præſatione Librorum de Diuinis Officijs.

Eadem refert Flaccus Albinus, aliàs Alcuinus Caroli Magni præceptor libro de Diuinis Officijs, vbi de Sabbato Sancto Paſche, additque Agnos, quos Romani faciunt, Agnum, pro nobis factum immaculatum designare, quibus S. Gregorius oleum inſtituit, ſiue ( ut apud Amalarium legitur ) inſudit, quando myſteria Paſchalis Agni reſerauit.

Nonnulli putant hunc ad ritum ſpectare Canonem lxxxij. editum in Quiniſexto Trulano Conuentu, quem reſtituit, & exponit rectè Cardinalis Bellarminus lib. ij. c. viij. de Imaginib. ſancti ex actionibus ij. iv. & vi. ſynodi vij. & de quo Cardinalis Baronius tom. viij. ſs. ad A. C. DCXC. & Ant. Auguſtinus Dialogis vij. & viij. Libri prioris de Emendat. Gratiani.

Anno Chriſti DCCXVI. huiusmodi cereum  
Agnum

Agnus à Leone Papa III. missum fuisse ad Carolum Magnum tradunt ex Apostolico Rege-  
sto Horoscus, Frusus, & alij

Amalarius Fortunatus Albinus discipulus post annum Christi DCCCXXXIII. libro 1. de Offic. Eccles. ad Hludouicum Pium Imperat. cap. xvij ex Romano Libello recenset hunc ritum benedicendi ceram oleo mistam, indeque faciendi Agnos.

Sabbato de Albis manè ad missam statio Lateranensis, vbi Dominus Apostolicus cantat Missam, & postea, dum Primicerius cum schola cantat (Agnus Dei) Dominus Apostolicus expendit, seu distribuit (Vt Cencius scribit) Agnos per populum hac ratione, vt sicut filij Israel in Aegypto positi præcepto Domini de sanguine immaculati Agni in liminibus domorum scripserunt hoc signum † seu T, ne ab Angelo percuterentur, ita & nos de sanguine passionis immaculati Agni Christi debemus hoc signum scribere in limine domorum nostrarum per fidem, ne à Diabolo, & à vitij percuiamur; & à potestate Diaboli liberemur. secundò propter Infantes nouiter baptizatos deponentes veterem cunicam, qui annuntiant Alleluia; id est, gloriam beatitudinis cælestis patriæ: tertio, quia quicumque habebit de cera prædictorum Agnorum, &

ex ea in domo sua Crucem habuerit, vel secum portauerit, non lædetur ab aliquo phantastico spiritu, & à tonitruo. Benedictus Canonicus S. Petri in Libro Cæremoniarum conscripto Anno Christi MCXL. m. s. in Bibliotheca Barberina. Hæc eadem exscribit Cencius S. R. E. Camerarius, qui ad Pontificale culmē euectus Honorius III. appellatus est in libro Rituali, (quem vetustissimum, & ante annū Christi MCXCII. in Ecclesia Romana vsurpatum inseruit volumini suo de Censibus Ecclesiæ Romanæ, & cuius exemplum exaratum calamo extat in Bibliotheca Barberina) adijciens notandum, quod Acolythi Domni Papę prædictos Agnos Dei debent facere, ab altari Sancti Petri x. libras cerę recipientes, & præsentare Domno Papę hora supradicta; debent etiam de prædictis Agnis Dei plenam scutellam argenteam Domno Papæ, dum comedit, præsentare, & aliam Camerario familiæ distribuendam.

Fusè de his Agnis Dei è cera noua benedicta, vel Cerei Paschalis admisto Chrismate confectis, & distribui solitis à papa Guillelmus Durandus Mimatensis Episcopus agit lib. VI. c. lxxix. & cxv. in Rationali Diuinor. Officior. quod collegit Anno Christi MCCLXXX VI. vt ipse testatur lib. viij cap. ix.

M. S. Liber Cereemoniarum Romanę Curie  
 quo Martini Papę V. vt videtur concinna-  
 tus in Bibliotheca Barberina tit. de his , quę  
 fiunt Sabbato in Albis, recenset, & persequitur  
 omnes ritus , qui spectant ad Agnos Dei , an-  
 notans Clementem Papam Sextum Anno Do-  
 mini MCCCCL. dedisse cuilibet Cardinali tres  
 Agnos Dei licet tempore Ioannis Papę XXII.  
 & Benedicti Papę XII. non esset consuetum  
 dare nisi duos Cardinalibus , & Prelatis , &  
 tit. de his quę sunt necessaria pro Agnis Dei ,  
 deque modo eos consecrandi, vbi (antequam  
 narret quod Auctor cereemoniarum S.R.Eccl.  
 lib I. I. de Consecratione : ac distributione  
 Agnorum Dei fusę scribens , tradit se legisse  
 ab Urbano Quinto Pont. Max. missos ad Im-  
 peratorem Gręcorum tres Agnos Dei cum  
 versibus relatis à Panuinio ) exemplum hoc  
 schedulę valuis affigendę inserit.

Sanctissimus in Christo Pater, & Dominus  
 D. Martinus Diuina prouidentia Papa quin-  
 tus intendit in die Iouis proximo instanti cō-  
 ficere, & consecrare sacrum Chrisma, & sacros  
 Agnos Dei, & alia solemniter facere, quę Sum-  
 mi Pontifices ipsa die post suam Consecratio-  
 nem de septennio in septennium facere con-  
 sueuerunt. Quare omnes volentes habere  
 Agnos Dei deferant bona hora ceram albam  
 pu-

puram , & mundam , nec cum alia intermixtā ad domum Domini N. nostri Subdiaconi, aliās, nullo modo recipientur, vel si prædiligant portent pretium ad Altare Beati Petri Principis Apostolorum: & conficient illam ceram cum Chrismate quod remansit anno præterito, vbi ponuntur illa figilla cum formulis ad hoc inuentis.

Idem Auct̃or Cæremoniarum li. i. r. sectione secund. cap. v. commemorat Paulum Secundum Papam, cuius tempore vixisse ille videtur, post prandium distribuisse Agnos Dei Populo Romano, & omnibus vtriusque sexus ad Palatium venientibus. Iacobus Cardinalis Papiensis in epistola ad Aelianum Spinulam hæc scribit: Pontifex, Paulus, à quo filium iam recepisti munere ad Te mittit hunc Agnum Dei circūclusum auro, & vnionibus tredecim. sacratuſ est manibus suis, & ex illo numero sumptus, ex quo munerari Reges est solitus, donum pretio, non magnum, virtute, & gratia maximum, id agit videlicet sancta eius dignatio, vt memor sis eius, vt pignus in Sacratio teneas sui in Te animi, & custodem denique continuum habeas vitæ, & rerum tuarum; accipiendus osculo est, cum deuotione seruandus, virtuti eius credendum, & in comitatu habendus, si quando terra peregrina-  
ris

ris vel mari ; linitus est Sacramentali liquore ,  
 benedictus voce , & manu vicarij IESV  
 CHRISTI , myſterioque magnoꝝ verborum  
 facer identidem factus , ſi credes, in omnem  
 caſum fidum præſidium tenes . Age Pontifici  
 gratias pro reddito filio , & pro hoc  
 dono , in vtroque illi es debitor , quia  
 in vtroque Te exiſtimauit , non cuius  
 ambo hæc obtigiffent. hætenus eruditus Car-  
 dinalis .

Qui deſiderat plura conſulat ſermonem de  
 Origine Agnorum Dei conſcriptum Italica  
 lingua à Fratre Vincentio Bonardo Epifcopo  
 Hieraceniſi, Orationem Ioannis Molani de  
 Agnis Dei, quæ partim eſt ipſius partim Gerar-  
 di Buſæi, in qua referuntur verſus Urbani Papæ  
 Quinti à G. Eſtio perpolitij; Andree Fruſij car-  
 men de Agnis Dei; Cardinalem Baronium to.  
 1. Annal. Eccleſiaſt. ad annum Chriſti LVI 11.  
 Ioannem Horoſcium lib. 1. Emblem. Moral.  
 cap. 111. Iodochum Lorchium L. L. ubi arguit  
 obſetricum prauam conſuetudinem ; Iac.  
 Gretſerum in Examine Myſt. Pleſſ. c. 19. & lib.  
 de benedictionibus; Iosephũ Vicecomitem lib  
 5. de Rit. Ant. Bapt. c. 11. ubi carpit Cartagenã  
 quod laudet perperã Optatum, ipſe vero lau-  
 dat Antiquitatum Liturgicarum Auſtorẽ.

Adeat

Qui  
 de  
 Agnis  
 Dei



Adeat præterea Ioan. Anton. Gabutium lib. II. cap. XI. de vit. & reb. gest. Pij Papæ V. & lib. VI. c. I. Cornelium Schultingium part. I. Tom. II. Bibliothecæ Eccl. de Octaua Paschæ, Martinū Delrio lib. I. Disquis. magic. cap. IV. quæst. IV. & lib. VI. cap. XII. sect. III. quæst. III. & cap. III. ac passim; Petrum Thyraeum part. III. de Dæmoniac. cap. XLV. & lib. I. de Spirit. apparit. cap. XVI. & de Locis infestis part. III. cap. LXX. & LXX. Andreæ Piscaram in Praxi Cæremoniar. lib. II. sect. IX. cap. II. &c.

Legat denique Florianum Canalem in Tractatu de Benediction. & Constitutiones Gregorij Papæ XIII. ne pingantur, neue proponantur venales, dat. Romæ An. Christi MDLXXII & Pauli V. Papæ, qua sacrum opus, munus, officium Agnos Dei in cera signandi, & fractos renouandi demandatur perpetuò Monachis dumtaxat Congregationis Beatæ MARIAE Fulienfis in Vrbe Cisterciensis Ordinis S. Benedicti, cum Notis P. Matthæi, & aliorum. Ac potissimum, ea quæ R. D. Andreas Victorellus vir Antiquitatis Ecclesiasticæ peritissimus annotauit ad vitam Urbani Quinti ab Alphonso Ciaconio relata in Vitis Pontificum, quæ rursus in lucem prodibunt castigatæ, & locupletatæ, ibique versas incerti Poëtæ de Agnis Dei promptos e M. S. Codice.



# COROLLARIUM

## SECUNDVM

Iosephi Mariæ Suaresij Episc. Vasionensis  
*DE AGNIS DEI.*

**O**bscura, & tenuia plerumque videntur initia rituum ecclesiasticorum, quando eorum origo inuestiganda est, & repetenda vel à Christo Domino, vel ab ipsius Apostolis, atque Discipulis, qui scriptis omnia non consignauerunt, sed plura viua voce, quasque per manus tradiderunt, vti liquet e c. 1. epistolæ secundæ S. Pauli ad Timotheum, vbi scribit: Formam habe sanorum verborum, quæ à me audisti in fide. & c. 2. ad Thessalonicenses secundæ: Tenete Traditiones, quas accepistis siue per sermonem, siue per epistolam meam. Illorum verò, qui scripsere Codices bene multi furore, ac rabie Tyrannorum aduersus nomen Christianum sæuientium, perfidiaque Traditorum absumpti flammis exciderunt; sic fundamenta ædificij tam spectabilis, altius abdita, defossaque, imò & compressa delite-  
 scunt.

scunt . At sacri ritus , qui tenebrosis in cryptis fouebantur , inter carcerum pressuras , & horrores cruciatuum , Diuino conseruati nutu , mox parata Ecclesiæ pace , inde feliciter emerferunt , atque publico succreuerunt bono , Spiritus sancti ductu spirantis ubi vult , & adaugentis ornatum , mundumquæ sponsæ suæ mira varietate , ac per charismatum quasi alluionem latenti nonnunquam incremento , interdum fluminis impetu , ac diluuiio lætificantis ciuitatem Dei . Certè cum ad cultum Diuinū cereos ibi cœperunt fideles accendere , non tantum mortalium ex oculis discussere tenebras splendore luminum , sed etiam depulsam ex humanis mentibus errorum caliginem luce fidei significarunt ; dumquæ cereus paschalis illuxit in dierum Dominicorum prototypo prælatus à Christi cultoribus , passim ex ipso particulæ , atque fragmenta consueuerant eximi , gestariquæ ad calamitates auertendas , & amoliendas procellas , ac immissiones , quibus per Angelos malos mulctat iratum Numen , populos luxuriantes ; tunc Agnorum vsus in Ecclesia Romana potissimum inoleuit . quod vt ostendam luculenter , nonnulla præfabor .

## CAPVT PRIMVM.

**A** Pud antiquos Romanos in Saturnalibus inter apophoreta, seu munuscula, cerei à clientibus missitari solebant patronis, e Publicij Tribuni plebiscito; fuerat hic mos institutus ab Hercule, cum docuit Italos vice humanarum victimarum, quibus impiè atque crudeliter Saturno litabant, offerre oscilla, quæ arte ad humanam effigiem simulata erant, accensis luminibus e cera, imò simulacra hominum duo, vnum cereum, & stramineum alterum, e ponte Miluio in Tiberim deijcere, vti tradit Plutarchus περὶ λαθρῶν βιώσεως, Lactantius lib. 1. Diuin. Instit. c. 21. Ouidius in Fast. Lips. lib. 1. c. 16. Saturnal. sermon. Card. Baronius in Notis ad Martyrol. Rom. 2. Februar. Homines quidem & lumina φῶτων nomine Græci nuncupabāt, ista quasi φάινοντα, id est, lucentia; illos quasi φῶντες, seu φάντες id est, loquentes. Festus, Varro lib. 4. de Lingua Latin. A. Gellius lib. 19. c. 9. Noct. Atticar. Macrobius lib. 1. c. 7. Saturnal. Muret. c. 7. lib. 7. var. lect. Valerianus lib. 4. Hieroglyph. S. Gregorius Nazianz. Homil. 40. in Sanctum Baptism. Raderus in Martial. lib. 10. Epigr. 73. & lib. 14. Epigr. 38. Adhibitos etiam cereos in Chloridis, seu Flo-

ra ſacris, conſtat ex Epigrammate prompto e  
vetuſto Codice Cuiacij, quod inter alia incerti  
poetæ reperit etiam apud Gnoſium Stephanus  
Claucrius, vt inquit, in ſuo Claudiano, de Ce-  
reo .

*Flora venit . quæ Flora ? Dea . an de gente Latina ?*

*Non reor, at Chloris dicta per arua fuit .*

*Huius in aduentu radiant de more lucerna ,*

*Nam nitet, atque bilatas Numine cuncta ſuo ;*

*Cerea materies Apibus debetur amicis ,*

*Floribus, atque hortis ſis, precor, aqua meis .*

Hæc ſacra Floræ Floralia dicta, & inſtituta  
vt omnia benè deflorefcerent, 1v. Kal. Martij  
peragebantur à Romanis Oraculorum Sibyl-  
linorum monitu. Alia erant Floralia obſcæna,  
de quibus Roſinus lib. 5. Antiq. Roman. c. 15.  
& Cuiacius in Nouell. 105. & quæ meritò fue-  
runt antiquata . Exaduерſo penes Hebræos  
vti mel non efferebatur in ſacrificijs, ita cera  
non lucebat in Tabernaculo, ſed reſpuebatur.  
obſeruat id Sanctus Hieronymus in xi. man-  
ſione, & in epiſt. ad Gaudentium, vbi ceram  
abs Iſraelitis contemptam aſſerit, quia dulce  
continet, hoſpitiūquè mellis eſt; mel autem  
habebatur voluptatis, atque deliciarum ſym-  
bolū, Eucherio authore quæſt. 34. vet. ac nou.  
Teſtam. Innuit id Rabanus, & gloſſa in c. 24.  
lib. 1. Regum, vbi narratur Ionathas parum  
mellis guſtaſſe, atque mori. & in c. 15. Prouerb.

fufiusquè differit Valesius lib. 1. de fac. philof. c. 16. vnde fcriptor epiftolæ de Cereo Pafchali ad Præfidium Diaconum, falſò attributæ Sancto Hieronymo, insertæquè tomo 4. Operum (vti Poſſeſſinus notat). Lege (inquit) Pentateuchum, Inſtrumentum percurrere vetus; nuſquam in Dei ſacrificijs mella, nuſquam ceræ uſum, ſed lucernarum lumina, & oleo fotos videbis igniculos. In Eccleſiæ verò cunis, & faſcijs mel dari Catechumenis conſuetum fuit; celebratque ſocietatem, & concordiam mellis, quod illi præguſtabant, Tertullianus lib. 1. de Corona militis, & lib. 1. cap. 4. adu. Marcion. Clemens Alexandrinus lib. 1. Pædagog. c. 6. & ipſe S. Hieronymus c. 7. adu. Lucifer. Albaſpineus Epifcopus Aurelianenſis c. 8. lib. de antiq. Eccl. polit. & in Nott. ad Concilia, & Tertullian. Quin & Panuinius bis ſuperiùs illius meminit. Quæ conſuetudo etiamnum ſeruatur ab Aethiopibus, vti conſtat ex Ordine Baptiſmi, tomo 6. Bibliothecæ Patrum intexto, & e Vicecomite lib. 5. de Ritib. Bapt. & e Caſalio lib. de Ritib. vet. Eccleſ. accenſebatur camellis delibatio inter minora ſacramenta, idquè iam adnotaui. Neque ſolùm lampadū, ac lucernarum, quæ oleo nutriebantur inuſo, uſum à Iudæis acceptum retinere Chriſtiani, adauxere inſuper, & plurimum nobilita.

Aethi:  
apel  
dum  
mune  
pote  
mel  
in  
Cypri  
mel

litauere, Cicindelæ, Capitulatis, Cantharis, Pharocantharis, Coronis, & Lychnorum, seu lucernarum bimyxarum, ac polymyxarum varijs generibus excogitatis, de quibus Raderus in Martial. Epigr. 37. lib. 14. In sermone 215. de Tempore S. Augustini (quem Vverlinus in Crise, & Vindingus in Critico castigato abiudicant, quam iustè, in Chronologia Operum S. Augustini disquiro) legitur. Qui possunt aut cereolos, aut oleum, quod Cicindelibus immittatur exhibeant. Sunt Cicindelæ, Festo, candelabra. Martialis lib. 14. Epigr. 36. ita canit de Cicindela (nam perperam scribitur Cādela, egebantquè versus Machaone. *Ancillam tibi fors dedit lucernam, totas quæ vigil exigis tenebras.* Gregorio Turonensi lib. 4. c. 31. Histor. *Cicindelem extinguere voluit; Auctori vitæ S. Cæsarij Arelatensis in Chronol. Lirinens. dum Cicindelam concinnaret.* In charta Tiburtinæ Donationis, à me prolata, donantur *Cicindela argentea cum catenulis suis.* Licinius quasi Lucinius est cicindela lucernæ Isidoro lib. 20. c. 10. Origin. Rosveydo ad v. Idus Decembris in Martyrol. Adonis. Fulbertus Carnotens in epistola ad Odilonem *ardentes Cicindelas Virginum* vocat, quæ vasa lampadum in Euangelio S. Matthæi dicuntur. Ita nuncupatæ fuerūt istæ lucernæ, quia scintillant quasi

Lampyrides, seu vermes ignium more lucen-  
 tes noctu per æstatem, & stellantes volatus,  
 atque noctiluxæ, siue nitedulæ, quæ Aristoteli  
 Pyrolampides, & de quibus copiosè agit Pli-  
 nius lib. 11. c. 28. & lib. 18. c. 26. Nicetas etiam  
 in Histor. & Gaudentius Merula lib. 1. de Gal-  
 lor. Cisalpin. Antiquit. c. 2. Non desunt qui  
 Cicindelas exponant pensiles Lychnos perno-  
 ctes, seu Lampadas, quæ tota nocte seruantur  
 accensæ. Adnumerat S. Augustinus epist. 165.  
 ex Actis proconsularibus Diocletiano Impera-  
 tore confectis, inter vasa, quæ ad ministerium  
 Ecclesiæ composita fuerant, *Capitulatam, &  
 lucernam argenteam*. Erat ( inquit Cardinalis  
 Baronius in Notis ad 7. Augusti in Martyrol.  
 Rom. ) Capitulata illa, quæ multa haberet ca-  
 pita, & quam dicimus hodie *Lampadario*. De  
 Cantharis, Pharocantharis, Coronis, atque di-  
 uersis Lychnis, & lucernis ex Anastasio Biblio-  
 thecario Bulengerus affatim in libro de Dona-  
 rijs Pontificum, sicut Angelus Roccha in No-  
 tis ad S. Gregorij Donationes, vbi de Lumina-  
 ribus, & Loaysa in Concil. Hispan. præcipuè  
 in Notis ad c. 7. Concil. 1. Bracaren, & c. se-  
 cundum secundi, & c. 2. Toletani sub Recare-  
 do, de Lampadibus S. Petri superscriptus Roc-  
 cha, in quibus adiungebatur odor splendori,  
 & olei vice infundebatur Opobalsamum, vt li-  
 quet



quet ex Anastasio in S. Siluestro, & e Cardinale Petro Damiani lib. 1. epist. 20. ad Cada-  
loun. qua de re Sidonius Apollinaris lib. 9.  
epist. 13. Lampridius in Heliogabalo, Torri-  
gius in Crypt. Vatican. & Cardinalis Baronius  
in Annal. ad annos Christi 44. 58. & 324. Erat  
& oleum Nardinum, quod Pharo aureo collo-  
cato ante altare Lateranense ardebat ex dono  
Constantini, vt Anastasius tradit.

## CAPVT SECVNDVM.

**A**ccenderunt etiam Christi cultores ante  
tumulos, & imagines Martyrum cereos,  
frendente nequicquam Vigilantio, quem refel-  
lit egregie S. Hieronymus in epist. ad Ripa-  
rium. At ego (scribit Gregorius Turonensis  
lib. 2. c. 2. de Vita S. Martini) in vita B. Mar-  
tini Antistitis confusus vnum e cereolis trans-  
mitto per puerum, dicens, accendite illum co-  
ram eo, & in contemplatione luminis oratio-  
nem fundite apud Dominum ante imaginem  
suprascripti S. Martini. *Lychnus adest, cuius vi-  
treæ natat ignis in vnda;* canit Paulinus Petro-  
coriensis apud Cardinalem Baronium ad an-  
num C. 400. vbi de oleo salubri oculis, vti For-  
tunatus apud Petram sanctam, de oleo S. Ste-  
phani Martyris suscitante mortuum, ex Euo-  
dio

dio Vzalensi penes S. Augustinum lib. 32. de  
 Ciuit. Dei c. 8. disertissimè Petrasancta tom. 1.  
 c. 53. & tom. 2. c. 8. & 9. Thaumaf. cereos, &  
 lychnos, quibus illustrantur Ecclesiæ, vult esse  
 instar holocaustorum. Prætulerunt & in fune-  
 ribus scolaces, voce à Græcis deriuata, nempe  
 ἀπὸ τῆ σκολίειν, id est, intorquere, vulgò voca-  
 mus intortitia, suntquè intortæ faces funibus  
 cera, pice, ac resina illitis, quæ funalia noctem  
 vincentia cōpellantur à Virgilio. Sic e glossis  
 Isidori, & e Pithæi excerptis, ac e Cardinale  
 Petro Damiani Opusc. de S. Simplic. c. 8. le-  
 gendum scolaces in Actis S. Cypriani, non  
 scholares, vti substituerat Cardinalis Baronius  
 ad Martyrol. 6. Februar. quod παράγραμμα tanti  
 viri arguit Rosveydus in Martyrol. Adonis  
 18. Kal. Octobr. ex Isidoro lib. 20. c. 10. Ori-  
 gin. iunxeruntquè scholacibus cereos. In trās-  
 latione corporis S. Ioannis Chrysostomi gesta-  
 tæ fuerunt accensæ faces, & ardentia funalia,  
 ipsiquè sancto fuit oblatus cereus à populo, vt  
 ex oratione Cosmæ refert Cardinalis Baronius  
 ad annum 438. Santorellus probat cereos  
 prælucentes in pompa funebre delatos lib. de  
 medicand. defunct. c. 30. & Durantus lib. 1.  
 c. 23. de Ritibus sacris, e S. Gregorio Nazian-  
 zeno Orat. 10. in qua narrat Cæsarium fratrem  
 elatum matre Lampadas ferente. De luminibus

accensis super aurea candelabra circū cadauer  
 Constantini Magni, vide Eusebium in libro de  
 Vita Constantini c.66. Idem Gregorius Orat.  
 4. in Iulianum retulit Constantium Augustum  
 demortuum translatum cum hymnis perno-  
 ctando, & cum *σαδ' ουχίας*, quibuscum solent  
 Christiani pium obitum honore prosequi. Il-  
 liberitani, seu Eliberrini Concilij Patrum mē-  
 tem in canone 34. seu 37. quo vetant cereos  
 in Coemeterijs accēdi, ne inquietentur Sancti,  
 haud assequutus Hurtadus Mendoza in volu-  
 mine de Martyrio, ipsum de fratrum ingressu,  
 & egressu exponit. Innuunt enim Patres illi  
 persecutorum Ethnicorum rabiem irritari, &  
 exasperari, quoties animaduerterent à Chri-  
 stianis cereos, vel lychnos in Coemeterijs accē-  
 di, & ita Sanctos inquietari Gentilibus irruen-  
 tibus, & furentibus perinde ac si fieret id ad  
 ipsorum æmulationem, vel Irrisionem; soliti  
 enim fuere Pagani lucernas ad sepulcrales cip-  
 pos accendere, vti liquet e Iurisconsultis in l.  
 Mævia D. de Testam. manum. inque solemnij  
 funerum candelas vsurpare. Pangit quippe  
 Iuuenalis. *At Tuba, candela, tandemquē bea-  
 tulus alio Impositus lecto.* & hoc euincit Sanctæ  
 Emerentianæ Martyrium ad S. Agnetis col-  
 lactaneæ suæ tumulum, ad quē Christiani con-  
 currebant consistentis, & occisæ, e Bollando

c. 3. Actor. S. Agnetis Tom. 2. ad 21. Ianuarij post S. Ambrosium; sed illustrant canonem illum Ferdinandus Mendoza, & Albaspinæus, vt Isæus Lactantium lib. 6. c. 2. Diuin. Institut. Demonstrat idem Durantus illuxisse cereos in sacris Ecclesiasticis lib. 1. c. 8. de sacr. Ritib. Victor Vticensis, seu Vicensis lib. 1. de persecut. Vandal. miscet Cereis Lampadas; & Procopius lib. 3. de bell. Vand. in Ecclesiæ S. Cypriani refecratione (reconciliationem vocant) lychnos præparatos, & accensos, vti Lampadas diuinitus in S. Agathæ S. Gregorius Magnus asserit lib. 3. c. 30. Dialogor. neque tantum in Missarum Vespertinarum solemnij, aut incryptis, defossisque altè specubus, dum præ Tyrannorum metu latitarent ibi Christicolæ, humi scilicet reconditi, vt instar generosorum feminum iactorum, opertorumque tellure feracius e sulcis illis erumperent, vberiusque germinantes efflorescerent in frugem Cœlestibus horreis inferendam, adstabant *auro fixi cerei*, vt testatur Prudentius in hymno de S. Laurentio, *quò tenebræ solatio lucis temperarentur*, e S. Hieronymo contrà Vigilantium; verum etiam per totas Orientis Ecclesias, quando legendum erat Euangelium, accendebantur luminaria *iàm Sole rutilante, atque clara luce*, non vtique ad fugandas tenebras, sed in lætitiæ

tiæ signum, & quia Idololatriæ caligo discussa  
 fuerat Euangelij iubare. Cauctur canone  
 lxxij. Apostolorum, vt si quis Clericus, vel Lai- *Comm*  
 cus à Sancta Ecclesia surripuerit ceram, vel  
 oleum, e consortio seiungatur. vnde patet *72.*  
 Christianos oleo, ceraquè promiscuè vsos es- *plur*  
 se. Cereos super altare collocatos S. Ioannes  
 Chrysostomus Homil. 24. in Genesim indicat.  
 Succinitquè Drepanius. *Inferimus claros san-*  
*ctis altaribus ignes, Vestibus innumeris tereti*  
*circumflua gyro. Aequoream cohibet formatrix*  
*cera papyrus. & mox, Annula sydereis vigilant*  
*funalia flammis.* S. Gregorius M. Expletis ( in-  
 quit loco prolato ) Missarum solemnij, ex-  
 stinctisque lampadibus, cerei autem in Missis  
 accensi gaudium Orbi terrarum affulgens in  
 Ortu Christi, quod Angelus annuntiavit Pa-  
 storibus, significat, teste Timotheo lib. de sacrif.  
 Missæ. Lychniquè, ac faces ardentes denotant  
 nos debere flammis flagrare Diuini amoris, e  
 Goropio lib. 7. Hermathen. Erant indices læ-  
 titiæ cerei incensi, & honoris quoque causa  
 præferebantur, nam excipiebantur cum lumi-  
 ne multo Augusti, ex Ammiano lib. 21. Antio-  
 chus Rex Syriæ ab Iafone Pontifice Hebræo-  
 rum fuit exceptus cum luminibus facularum  
 c. 4. lib. 2. Machab. exponit vir eruditus *μῆτις*  
*δουχίας καὶ βούης*, e Plutarcho in Antonio, qui  
 Athe-

Athenas ingressus est ἀπὸ τῶν πυλῶν λαμπάσαι  
 δαδουχομένης τῆς πόλεως facibus e tectis per Vr-  
 bem fulgentibus, imò illuminata lampadibus  
 Vrbe quasi facibus, vt Imperatoribus à Lam-  
 padario, eorumquè vxoribus, vel sororibus,  
 Consulibus, & Procons. Principibusquè viris  
 ignis olim prælatus fuit in ænea lampade ex  
 Guid. Pancirolo in notit. Orient. c.65. seu in  
 batillo, aut ardentibus tædis, ita Patriarchis,  
 & Episcopis e Codino lib. 3. c.1. de offic. aul.  
 Constantinop. & Balsamone, & Gretsero, Ca-  
 saubono in Sueton. c.13. Caligul. & S. Ioanne  
 Chrysostomo, adde Turnebum lib.1. c.28. Ad-  
 uersar. ex Horatio, Herodianum lib. 4. & 7.  
 & Satyrographum. Monachorum multitudo  
 procedens cum hymnis, & cereis describitur  
 in Actis Ephesinæ Synodi ad annum 431. à  
 Cardinale Baronio in Annal. ardebant in Cō-  
 cilio Chalcedonenſi cerei. ex Actis. in Notitia  
 vtriusque Imperij mensis, in quibus Latercu-  
 la præfectorum, & magistratuū disposita sunt,  
 depicti radiant cerei collucentes super cande-  
 labris, reuerentiæ, ac maiestatis ergo. vide San-  
 ctum Athanasium in epist. ad Orthodoxos cir-  
 cā principium.

## CAPVT TERTIVM.

**I**N Græcorum Τάξη, siue Ministerio Hierarchico Κανδηλάπτης erat, ita dictus à candelis aptandis, siue accendendis, Meurs. in Glossar. Græco-Barb. qui fuit & λαοσυγάτης Gretsero lib. 1. c. 11. de offic. aul. Constant. Codin. At in Ecclesia Romana Ordo est Acolytatus inter minores, ut vocant: Ακολύται Græcis fuere illi Stoici, qui putabant esse turpe mutare sententiam, nullisque poterant minis ab instituto reuocari, vel dimoueri. laudatur quidem Fabritius à recto non deflectens, sicuti nec Sol à suo cursu se auertit, & celebratur ab Horatio vir iustus, ac propositi tenax. Plauto tamen hominem εὐμετάβολον ζῶον esse dixit, & sapientis est mutare consilium, hinc ad Lentulum scripsit Cicero lib. 2. epist. Si recta portum nequeas tenere, id ipsum mutata uelificatione assequi contende; cum autem libertatem affectarent Stoici e Cicerone, ac Plutarcho, verè liberos esse se putabant, quia prohiberi non poterant secundum Epictetum c. 2. & 20. Enchirid. & Arrianum lib. 3. c. 26. nec dissuaderi, Sciopp. c. 130. Elementor. Philos. Stoic. Moral. A Stoicis igitur hisce sunt qui accersant etymon Acolytorum, quod hi nullis terro-

*Acoly-  
thi su-  
nt  
enau  
pus  
Trey*

terroribus adduci possent vt à fide desciscerent; sed constantes in eius confessione, vnanimisque perseuerarent. Alij manasse volunt id nominis, quia licet hic ordo non accenseatur sacris, sed illo insigniti certum tantum habeant officium, non potestatem, neque ius vllum in subiectos; non vetantur, neque prohibentur in sacris ministrare, nec ab illis excluduntur, sed sunt sacrorum administri, & adnumerantur inferioribus Ordinibus; vnde à S. Ignatio Antiocheno fuerunt omissi, vt obseruat Cardinalis Baronius. Demum arbitror ipse ἀπὸ τοῦ ἀκολυθηῖν Acolythorum nomen deductum, quia sunt affecclæ Acoluthi Diaconorum. sic Acoluthus dicitur, qui vbique sequitur Imperatorem, aut eo absente honoratior, Codino, & seruus ponè subsequens apud Hesichium, & in Etymologico: οὐ autem Græcum per u Latinum effertur, sicut υ Græcum e Me Kerchio apud Pamelium in Tertullian. de spectac. sic κόλυθος Poëta Aegyptius scriptor ἀρπαγῆς τῆς ἐλένης, quæ per Cardinalem Bessarionem innotuit, Coluthus à Latinis appellatur. Hi ministri siue Acolythi nuncupantur etiamnum à Græcis Διπράτοι quasi Deputati, seu κηροφόροι, teste Iacobo Goar in Notis ad Eûchologium, vbi profert εὐχην, quæ super illos funditur, Latinis vocitantur & cerofera.



ferarij, de quibus Lacerda c.21. Aduersariorū  
 sacr. gestant enim manibus cereos, & candelabra, præferuntquē Diacono legenti Euange-  
 lium, hocquē ipsorum præcipuum est munus  
 e Concilio Tridentino sess. 23. c. 17. de refor-  
 mat. & sequuntur Diaconos: tenebant patenā  
 inuolutam, dum recitabantur verba Canonis, e  
 Micrologo c. 18. de obseru. Eccles. & e Gem-  
 ma de antiq. Ritu missæ lib. 1. c. 48. pertinet  
 ad illos præparare aquam, & vinum in vrceol-  
 is pro Missæ sacrificio, eosquē ad altare defer-  
 re, Diaconoquē tribuere, e doctissimo Cardi-  
 nale Oregio Theolog. Summ. par. 3. Tract. 2.  
 In primis autem decet vt ferant duos cereos  
 ad Euangelium, dein illos deponant, vt legi-  
 tur apud Isidorum lib. 7. c. 12. Etymol. ex Or-  
 dine Romano, Alcuinum, atque Amalarium  
 lib. 3. c. 18. & lib. 2. c. 17. de offic. Eccles. secun-  
 dum quem duo illi cerei Legem designant, &  
 Prophetas, qui præcesserunt, & præmonstra-  
 runt Euangelium; agitur ibidem de septem  
 cereostatis, quæ ceraptata in Chronico Casi-  
 nensi lib. 1. c. 31. & lib. 2. c. 100. at apud Ana-  
 stasium cerostata, & cerostatæ, in Vigilio, &  
 passim, Flodoardo Ceroferaria in vita S. Remi-  
 gij, & lib. 1. c. 19. Histor. Rem. Græcis *Καυδὴ*  
*Λάγια* e Leunclauio lib. 2. Notator. ad Para-  
 titl. & e Meursio. Candelabra septem in altari

E

locan.

locantur, quoties Pōtifex ſolemniter celebrat, & à ſeptem Acoluthis totidem cum accenſis cereis deferuntur, vt exprimat filium hominis in medio ſeptem candelabrorum à S. Ioanne viſum c. 1. Apocalypſ. Epifcopi Græci ſacris operantes vna manu *δικήειον* ſeu cereum bifidum, altera geſtant *τρικήειον*, ſiue triformem, illo duas Chriſti naturas, iſto Trinitatem perſonarum designantes e Symeone Theſſaloni- cenſi libro de Sacram. De candelabro aureo, quod conſlari iuſſit Moſes, deque x. candelabris Salomonis Morinus diſſerit in Pentat. Samar. Scotulam inſtrumentum dici, cui candelā imponitur ad legendum, docet Gloſſarium vetus exaratum calamo in membrana poſt Alcuinum, e Monafterio S. Andrea ſecus Auenionem, fortè quaſi *σκότον ἔλδυναι*, id eſt, tenebras pellat. Ibi Lucubrum explicatur lucerna lucens in tenebris; hinc nomen lucubrationes fortiuntur, quæ ab his, qui oliuo immoriuntur, impalleſcunt chartis, vtque Demothe- nes plus olei quam vini conſumunt, elaborantur. Ioannes quidem de Indagine Cartuſianus oleū ex Embammate, ſeu ſatyra oluſculorum ſubtrahebat vt in lychno concinnans, & aptans ex illo ellychnium aleret ad ſtudia nocturna, quibus pluſquam Orator ille antelucanā opificum vincebat induſtriam. In Belgio verò

Loua-

Louanij, atque Vltraiecti notissimæ sunt studiose vigilæ Hadriani Florentij, ad Lampadem, quæ ante Sacrosanctam Eucharistiam pensilis ardebat in Ecclesia, pernoctantis, quibus vir doctus, & integer sibi viam muniuit, gradumque fecit ad summi Pontificatus speculam, in qua constitutus Orbi terrarum inuigilaret. memorant Fasti sacri Martyrologij Romani, S. Tharsicium Acolythum corporis Christi sacramenta portantem, mactatumque Martyrem æuo Stephani I. Papæ sanctimonia, & Martyrio quoque insignis 18. Kal. Septembris; in Menologio 8. Idus Septembris recensetur Cyriacus Acolythus pro Christo Alexandria passus, uti Baronius refert: sed de Acolythis fusè S. Cyprianus epist. 56. & 78. S. Cornelius Papa in epist. ad Flavianum Episcopum Antiochenum, S. Silvester Papa in Concil. Romano primo, Patres Concilij Carthagine 4. can. 1. Valentinianus A. in l. Presbyteros, C. de Episc. & Cleric. Philo Carpathius in Cantic. & Eusebius in Vita Cōstantini M. Iodoc. Coccius Tom. 2. Cardinalis Baronius ad annos 44. & 58. Sanctus Martinus ab Hilario Picta- uensi Episcopo in Acolythorum numerum re- ductus legitur, & Gelasius Papa in Epist. ad Episcopos Lucanos in c. si quis 3. dist. 77. me- minit Acolythorum. In S. Agnetis Romæ ex-

tra muros legitur Epitaphium Abundantij Acolythi Regionis iv. Tituli Vestinæ, qui Acolythus erat Regionarius non Stationarius, aut Palatinus apud Bosium in Roma Subterranean. Recenset Simplicius Papa in Epist. 41. Cassiodor. lib 3. Variar. Eufrasium Acolythum in Vrbe. Archiacolynthus præerat Acolythis (erat is Ordo Canoniceorum Capuæ) seu pueris, ad quos (vt habet Rituale antiquum) pertinebat Officium in die festo SS. Innocentiũ, & Michaelis Monachi in Sanctuario Eccles. Capuan.

## CAPVT QVARTVM.

**M**Vnuscule varia offerebantur à Virginitibus Deo deuotis, cum velarentur. in his erant cerei, vt accenso lumine sponsi expectetur aduentus, quod constat ex epistola Sancti Hieronymi ad Marcellam: adhibentur etiã cerei quoties anathematis sententia profertur. Urbanus VI. obsessus Nuceriæ ab exercitu Caroli Tertij Regis Neapolitani ter ad fenestrã quotidie se spectandum præbebat cum ære campano, cumquẽ accensã face militibus Diras intentans, vt narrat Summontius in Histor. Neapolit. Solent Romani Pontifices cum feriunt anathemate impios, & perduelles, ab alta porticu conijcere cereum in solum subiectum

Etum ita vt extinctus, allisusquè confringatur  
 præsertim die feriæ quintæ in Coena Domini,  
 quo faciunt (vt loquitur Bonifacius VIII. in *Quæ*  
 Extrauag. Rem non nouam. de dol. & contum.) *in Coenâ*  
 processus generales, quia tunc Petrus exemit  
 gladium, & percussit Pontificis seruum; Papa *papa*  
 Petri successor spiritalem exserit gladium, ne  
 Malchus impediatur Christum. Præterea quia *profer.*  
 communio tunc vniuersis Christianis indicta *est*  
 est, ab eaque scelerati arcentur potissimum; *maneri*  
 cuius moris Martinus V. renouator fuit ad re-  
 stituendam Pontificum dignitatem labefacta-  
 tam, & imminutam diuturno schismate, (e Co-  
 riolan. in Breuiar. Concill. ad annum 1417.)  
 circa 1420. annum edita Bulla in Coena Do-  
 mini, diu antè anno 1119. Innocentius II.  
 Odonem de Polo in Coena Domini excom-  
 municauit, vt Panuinius refert lib. 3. m. s. de  
 Gente Fraiapan. deinde Innocentius IV. Fri-  
 dericum Imperatorem in Coena Domini, vt  
 auctor est Petrus de Vincis lib. 1. epist. 21. In  
 forma Excommunicationis inserta Operi Gra-  
 tiani c. 106. debent. 11. q. 3. e Burchardo. de-  
 bent x11. Sacerdotes Episcopum circumstare,  
 & lucernas ardentes in manibus tenere, quas  
 in conclusione Anathematis, vel Excommu-  
 nicationis proijcere debent in terram, & con-  
 culcare pedibus, hodiequè candelæ accendun-  
 tur.

tur. Sua quoque fulmina vibrant Græci Patriarchæ Constantinopoli Dominica prima, Quadragesimæ, quam vocant ἑβδομήκινς, sed bruta in Latinos, cum legunt Synodicon septimæ Synodi, Gretsero prodente in c. 15. Codini. idem obseruauit Theuetus lib. 1. de Vir. Illustr. c. 16. feria sexta magnæ Hebdomadæ Alexandriæ, & Hierosolymis factitari. Sed de his fusiùs egi in Honorij Primi Papæ Vindicijs. Omitto quæ de cereis adnotauit R. P. Siluester Petrasancta lib. 2. Thaumasa. de quæ lucernis: de cereis in Basilica Sanctæ Mariæ Maioris, seu Liberiana non deficientibus licet accensis, diuquæ flagrantibus, e Petro Cluniacensi lib. 2. Miracul. c. 30 & spectra calamitatesquæ depellentibus, quæ mira desierunt in Petri Leonis schismate: nec immoror in Atrebatensi cereo, qui quantumuis ardeat, integer perstat, morbosquæ sanat, sicut & cereoli ab ipso excisi, vt attestantur Arnoldus Rayssius in Hierogazophylacio Belgij, & Aubertus Miræus in Fast. Belgic. Cereus etiam tradebatur Baptizatis, qui recens sacris tinctos aquis designaret illuminatos fidei radijs, & Diuinæ Gratiæ claritate coruscare, ipsequæ Baptismus *εὐρισμός* à Græcis dicebatur e Gretsero in Codinum c. 9. lib. 1. ob cereos, quos Neophyti gestabant, ita vt luceret via longo flammarum ordi-

ordine, vtque possent verè dicere, Transiuimus  
 per ignem, & aquam, Loaysa in Cōcill. Hispan.  
 & æmularentur Gedeonis milites, qui tene-  
 bant sinistris manibus lāpadas, & dextris tubas  
 sonantes Iudic. c. 7. Hinc S. Ambrosius lib. 1. de  
 Baptism. Sub fidei arbore (inquit) ab vtero in-  
 nocui cereorum splendent ornatus. & Fortu-  
 natus lib. 5. carm. 5. de Baptism. Iudæorum ab  
 Auito Viennensi Episcopo cōuersorum canit.  
*Vndique rapta manu lux cerea prouocat astra.*  
 hodieque cereolum Baptizato præbet Paro-  
 chus, e Rituali. Cerei Neophytorum aquis im-  
 mersi Spiritum sanctum, vel Christū, vel Neo-  
 phytos significabant. Itaque in speciem lacteæ  
 viæ lacteoli Christi alumni procedebant. de  
 Festo Epiphaniæ, & luminum, in quo Christi  
 recolitur Baptismus, S. Gregorius Nazianze-  
 nus Homilias habuit 39. & 40. agitquē Codi-  
 nus lib. 3. c. 2. vbi Gretserus: sed & Polycande-  
 lis vsa est Ecclesia ex Anastasio in Leone II I.  
 cum catenulis aureis; enumerat in sacra su-  
 pellectile Victor II. candelas pendentes cum  
 clamatarijs suis, seu calamarijs, ad exstinguen-  
 dum, vel accendendum; exstinctoria denomi-  
 nauit S. Carolus Borromæus in Concilijs Me-  
 diolanenē, Victoris Diploma exhibet R. P. V-  
 ghellus Tom. 1. Ital. sacr. Pharus Maior Ha-  
 driani Primi Papæ fuit in Basilica Principis

Apostolorum, qui conformatus in similitudinem, seu typum Crucis pendebat ante Presbyterium, & cōtinebat cereos, seu candelas, 1370. atque ipsas cæli faces fermè numero superabat: accendebatur autem quater in anno, nempe Natali, Paschateque Domini, in Festo Sanctorum Apostolorum Petri & Pauli, & in Pontificis Romani Natali, siue inauguratione, ex Anastasio in Hadriano Primo, & Petrasancta. Nicolaus Primus cruces aliquot argenteas dedit Ecclesiæ Lateranensi singulas libræ vnius, & semis, atque hæ candelabrorum instar ardebant instructæ cereis ante augustissimam Eucharistiā in festis diebus, vti prodit Illustrissimus D. Cæsar Rasponus in libris, quibus non fulcire modò, sed in integrum, pristinoque decori restituere Basilicam illam toto terrarum Orbe celeberrimam, omniumque matricem Ecclesiarum aggressus elegantissimè id præstitit. Erant in Basilicis S. Petri, & Liberiana per circuitum regulæ candelabrorum, seu pēdentes lychni laquearibus aureis incensi, ex Anastasio in Gregor. III. Virgil. Sidon. lib. 9. ep. 13. Lucret. & Hugon. lib. de Stationib. & c. 5. Daniel. Erant & canistra enneaphotia, & hexaphotia, seu ennealitra, & hexalitra, forsan enneaphora, siue hexaphora, sex, aut nouem luminum, vel librarum apud Anastasium in Leon.



Leon. II. & Benedict. III. In Ecclesijs pro reuerentia corporis Dominici perpetuum requiritur luminare, vt scribit Olaus Magnus in Histor. Gent. Septemtrion. Sanctissimam quidem Eucharistiam locauit in naui, de Legati Apostolici consilio, S. Ludouicus Rex Francorum, redux e Syriaca expeditione, atque captiuitate, cereis accensis, qui non consumebantur, deposuisse Memphi in Conclauis oppigneratam, cereosque perdurasse accensos spatium nouem mensium, affirmant Iouius in Elog. Fonsæca par. 1. de Vit. Christ. c. 31. & ipse Serres hæreticus Tom. 1. Inuentar. Franc. fabulam putant. Bosius lib. 19. Histor. S. Ioan. Hierosol. & Matthieu in Vita S. Ludouici.

## CAPVT QVINTVM.

**C**hristiani lucernis, ac lampadibus vsi sunt perinde atque cereis, tum quia Christi Ecclesia ex Hebræis, ac Gentilibus congregata, & coagmentata, Christo lapide angulari faciente vtraque vnum, ad Numinis cultum ab Hebræis mutuata est lucernas, & lampadas, apud eos enim *dispositæ pingues nebulas oluere lucernæ* ex Satyrico, illicque ignauis, & insensatis, veritate licet collucente residentes in umbra, & quamuis Sole iustitiæ splendente, lucisque radios

radios vnde quaque diffundente, hærent affixi lucernario lumini, vt S. Ioannes Chrysoſtomus eloquitur Homil. 39. in c. 16. Genes. etſi lucerna illa, quam matutinis, vespertinisque temporibus ritu veteri Iudæorum Princeps solebat accendere, velut sub medio ſita Legis euanuerit, vti ſcribit S. Ambroſius in c. 11. S. Lucæ lib. 7. Commentar. Troade in vna Sabbati, ſiue Dominica, conuenerant Diſcipuli cum Paulo ad frangendum panem: erant autem copioſæ lampades in Cœnaculo c. 20. Act. Chriſtiani etiam ex Ethnicis cereos, abolita Saturnalium ſuperſtitione, quò traducerentur ad puriores ritus, acceperunt; vel quia cerei vocabantur per ſarcaſmon, atque hoſtilem deriſum, ipſi ob tunicas moleſtas, quibus pice, atque cera illitis induti, fixoque gutture, ſicut Iuuenalis canit, pendeabant e palis, vt liquet e Ioſ. Scaliger. in Chronic. Eusebij, & e Scholiaſte Iuuenal. inque vſum nocturni luminis vrebantur, e Tacito. Ideò gaudebant accenſis cereis Deum colere. hinc Iulianus Chriſto perfidus Imperator nolebat palam bellum indicare Chriſtianis: πάντες γὰρ (aiebat) ὡς ἐπὶ κηρίου μέλισσαι ἤξουσιν ἕως μαρτύριοι πετόμενοι, vti refert S. Ioannes Chryſoſt Serm. in SS. Iuuentium, & Maximum. Quamobrem Eccleſia comparatur Apum alucolo à S. Birgitta lib. 2.

c.9. Reuelat.& populus Dei consistens in fide, ut examen apum cereas ædificans mansiones crescendo, melleis fidei calculis firmatur, apud Victorem Vticēsem lib.de persequit. Vandal. Hurtadus quidem Mendoza Orat.9. de laudibus sapientiæ lib. 6. quam hieroglyphice abs apibus notari tradit, Deborahæ solemne fuisse, narrat multum operæ collocare in lychnis, cereisque conficiendis, quibus inflammatis, dies noctesque religiosissima fana illustraret, e sacrarum litterarum Antistitibus, quos cum non laudet, fides sit penes auctorem. Debora perfectò Hebræis apem significat, à Dabar, id est *βόμβυξ*, seu bombillare. Polluci c. vlt. Onomastic. Apes enim videntur in mellificio uti murmure, ac quodam quasi sermone. Funges in Etymol. Triling. in v. Barbarus. E Petro quoque Damiani Cardinale Opuscul. 18. contra Clericos intemper. dissert. 3. Psalmus primus Dauid inscribitur primario cantori super Nihiloth secundum Hebræos, quod instrumentum est Musicum, sic vocatum à sonoro apum strepitu, & susurro, e S. Epiphan. lib. 3. Panarij adu. Massal. & Rodolph. Magistr. in Psalm. qui nulli Musicæ cedit, si credimus Synesio epist. 147. Manna, quod asseruabatur in Arca, dulcedinem mellis exhibuit, c.16. Exodi, portendebatque misericordiam, Petr. Da-

mia-

miani serm. 10. sicuti virga iustitiam, inde  
*μελίρρουν* dicitur à Patribus sextæ Synodi a-  
 ction. 8. In terram lacte, ac melle manantem  
 induxit populum Israeliticum Dominus. Vade  
 ad apem, monet Sapiens, e Nic. Erythræo par.  
 2. epistol. brevis enim est apis in volatilibus,  
 & initium, id est fructus, seu principatum dul-  
 coris habet, ex Aria Ecclesiastic. c. 11. at in  
 Prouerb. hortatur: Comede fili mi mel c. 16.  
 Certè Sampson mel comedit, fauum nempe  
 repertum in ore Leonis, quem peremerat: Sa-  
 muel etiam mel comedit: vescebatur melle  
 siluestri S. Ioannes Baptista, & habitabat in  
 spelæo cereo, utque Nonnus pangit *μελισσο-  
 βότω δὲ τὴν λόγχην* in Paraphr. Euangel. S. Ioānis,  
 vbi Abraam. Christo nascente concinit Eccle-  
 sia mellifluos cælos: ipse vindex noster Domi-  
 nus Iesus fauos post fella gustauit, Luc. c. 24.  
 Tertullian. c. 14. de coron. Milit. Origenes  
 Christum nuncupat Apem super apes, apud  
 Galfrid. in Euang. Matthæi. S. Birgitta sacra-  
 tissimum Deiparæ Virginis corpus, Apiarium  
 lib. 6. Reuelat. c. 12. Matthæus Euangelista  
 mel exponitur S. Germano Constantinop. Pa-  
 triarchæ in Theoria rer. Eccles. S. Cæcilia quasi  
 apis argumentosa deservisse Deo prædicatur  
 in Passione cum Not. Bosij; S. Augustinus à  
 Seuerò epist. 37. Apis verè artificiosa dicitur  
 instru-

instruxisse fauos Diuini operis plenos, manantes misericordiam, & veritatem. Sanctus denique Bernardus Apis Gallica, Doctorque mellifluus denominatur à R. P. Theophilo Raynaudo lib. de Regimine; vt prætermittam Apum examina confidentia, fauosque fingentia in ore SS. Ambrosij, & Isidori. Comitissa Mathildis abs Abbate Vrspergenfi appellatur in Chronic. altera Debora, siue Apis, quæ Heroïna Constantini Maximi pietatem, & liberalitatem æmulata, Romanam Ecclesiam amplissimo quoque patrimonio munificè donato locupletauit, meritoque propugnaculum Ecclesiæ, ac vindex Ecclesiasticæ libertatis aduersus Schismaticos Principes à Cardinale Baronio cognominatur, ad Martyrolog. die 14. Martij. Sed copiosè de illa in Notitia Patrimoniorum Ecclesiæ Romanæ, quam delineauimus. Præclaram Antithesim Deboræ, ac Mathildis Comitissæ R. P. Lucas Vvadingus non de Ordine solùm Franciscano, verùm de vniuersa Ecclesia optimè meritis, inseruit Commentarijs suis ad Vitam S. Anselmi Lucensis Episcopi, quos euulgaturus est quantocyus. Nunc reuertor ad cereos, quibus illustrantibus non adeò erit obscura origo Agnorū Dei, quandoquidem in luce versabor, & præferet illam, mihi què Pharus erit cereus Paschalis.

## CAPVT SEXTVM.

**P**aschale tempus publico, seu generali Baptismo præstitutum fuisse compertum est e Panuinio, & e Loayfa in Concill. Hispan. tuncque competentes Catechumeni, vel immergebantur fontibus, vel aquis perfundebantur, & aquæ, fontesquæ benedicebantur. quod liquet e Victore Vticensi lib. de perseq. Vandal. Benedicebatur siue consecrabatur, & ingens cereus accensus igne, quem cum ampulla eliciebant à Sole ( vt in Codicibus Remensi, & Ratoldi legitur ) vel e filice solebant excutere; quod iam seruatur ex instituto Zachariæ Papæ, sicuti probat ex eius epistolis Cardinalis Baronius ad annum à Christo nato DCCLI. antea quippe conseruabatur ignis in Lampadibus feria quinta, & ex illis sumebatur Sabbato sancto, quod adnotat Gauantus par. 3. tit. 9. tom. 1. Thesaur. sacr. Rit. Christus namque lapis, & silex dicitur, declaraturquæ à Prudentio in hymno v. Cathemerin; cui Diuina inest persona igne denotata. Exstinctis autem nunc luminibus omnibus nocte feriæ quintæ in hebdomada sancta propter mœrorem, atque tristitiam ex passione Domini, atque morte conceptam, luctu indicto, atque iusti-

iustitio, & ( vt ita loquar ) siliernio, vix, dum  
 Psalmi recitantur, quindecim accenduntur  
 candelæ, quæ XII. Apostolos, & II. Marias,  
 vnâque Sanctissimam Dei Genitricem referūt,  
 & singillatim extinguuntur præter vltimam,  
 quia fides Deiparæ nunquam defecit: tenebræ  
 quoque demonstrantur, quibus Sole insolitam  
 Eclipsim passo terra omnis fuit circumfusa, e  
 Ruperto lib. 5. de Diuin. Offic. & Durando  
 lib. 6. c. 71. Rational. At in ipso quod conse-  
 quitur Sabbato, mane ob lætitiâ Resurre-  
 ctionis Christi, & propter gaudium Baptismi  
 suscitatur etiam ignis in cereo, & benedicitur  
 formulis antiquissimis ab Episcopo & Leuita,  
 moxquæ cerei reliqui, ac lampades vndique  
 succenduntur; canit igitur de Nocte Paschali,  
 quæ in Sabbato mane celebratur, Aufonius.  
*Nox lumen referens funalibus anteferendum.*  
 & Licentius in Carmine ad S. Augustinum in-  
 ter eius epistolas perspicuè morem illum indi-  
 cat hisce versibus. *Et cum Luciferos præconia*  
*Vesper in ortus Distulerit, sanctumquæ super be-*  
*nedixeris ignem, Sis memor ipse mei.* Cum Hip-  
 ponem Regium venisset S. Augustinus, à Va-  
 lerio Episcopo quamuis flens ordinatus fuit  
 Presbyter, cereiquæ Paschalis procœmium, seu  
 Præfationem decantauit in Paschate, vti voluit  
 Riuus in eius Vita, & Gretserus lib. 1. de Be-  
 ne-

nedict.c.31. qui adnotat extare in Bibliotheca Patrum benedictionem cerei Paschalis sub Augustini nomine promptam e m. s. Codice Missali Gotthico, eandem ferè cum Romana, nisi quod in ista encomium Apum omittitur. En illud e Missali Gotthico misto secundum Regulam Isidori dicto Mozarabes, & Toletano. *Non hic Thureis adoletur flamma virgultis, nec in Sabaicis proscinduntur ligna nemoribus, quæ suauitates Cinnamomi rorantes exhalant; sed cera famulatur ex lumine, quæ non polluitur ex parente, cuius natura de flore, cuius ortus e Virgine, cui illa dat genitrix natiuitatis originem, quæ corruptionis nescit errorem.* Sanctus Ambrosius lib. de Pasch. cap. vlt. meminit cereorum Paschalium, & reliquit elegantissimam formulam Benedicendi cereum Paschalem Ecclesiæ suæ Mediolanēsi, quæ habetur tomo 6. Bibliothec. Patr. & in Ambrosianæ Missæ Codice. Meynardus tamen in Notis ad S. Gregorij Sacramentar. ignorari ait à quo sit composita. Auctor Antiquitatum Liturgicarum ita refert. *Decet ergo in hoc Domini Saluatoris nostri Vespertina Resurrectionis aduentu ceream nos adolere pinguedinem, cui suppetit candor in specie, suauitas in odore, splendor in lumine, quæ nec marcescente liquore defluit, nec offensam tetri odoris exhalat.*

Enno-



Ennodius Episcopus Ticinensis, qui obiit anno à Virginis partu D L I. Benedictiones duas cerei Paschalis diserto sanè stylo conscriptas suis intexuit dictionibus diuersas ab hisce. Formula Benedictionis in Codicibus tam Remensi scripto à Lantberto Sacerdote, ac solitario, iussu Godelgrandi Presbyteri Monachi, & Decani anno 799. quàm Rodradi Presbyteri florentis anno 853. & Rattoldi Abbatis Corbeiensis anno 986. differt & à vulgari; nam laudes apum amplissimè prosequitur, sicut altera Benedictio, quam refert Meynardus e m. s. Codice Ioannis Auberti, quamquè lubet hic excerpere. [Apes verò sūt frugales in sumptibus, in procreatione castissimæ, ædificant cellulas cereo liquore fundatas, quarum humanæ peritiæ ars magistra non exæquat magnificentiam; legunt pedibus flores, & nullum damnum in floribus inuenitur, partus non edunt, sed ore legentes concepti fætus reddunt examina, sicut exemplo mirabili Christus ore paterno processit, sœcunda est sine partu virginitas, quam utique Dominus dignatus se carnalem matrem habere virginitatis amore constituit,] & c. neque pigebit recensere alteram erutam e voluminibus exaratis calamo in membrana, quæ in Bibliotheca Barberina seruantur (horum alterum notatū

est numero 2394. aliud varijs pictum figuris ;  
 vtrumque charactere Longobardico . En il-  
 lam Remensi, & Rodradianæ omninò perfi-  
 milèm . [Apis omnibus, quæ subiectæ sunt ho-  
 mini animantibus antecellit; cum sit minima  
 corporis paruitate, ingentes animos angusto  
 versat in pectore, viribus imbecillis, sed fortis  
 ingenio . Huic explorata temporum vice cum  
 caniciem hyberna pruinosa posuerint, statim  
 prodeundi ad laborem cura succedit; disper-  
 sæ illæ per agros libratiss paululum pennis cru-  
 ribus suspensis insidunt, partim ore legere flo-  
 sculos oneratæ victualibus suis ad castra re-  
 meant, ibique aliæ inæstimabili arte cellulas  
 tenaci glutino instruunt, aliæ liquentia mel-  
 la stipant, aliæ vertunt flores in ceram, aliæ  
 natos ore fingunt, aliæ collectis e folijs nectar  
 includunt ! O verè beata, & mirabilis Apis,  
 cuius nec sexum masculi violant, fœtus non-  
 quassant, nec filij destruunt castitatem . Sicut  
 Beata Maria concepit virgo, virgo peperit,  
 virgo permansit .] Esse dicitur & in sacramen-  
 tario Grimoaldi, seu Grimoldi, forsân Grimal-  
 di, Abbatis Canonici S. Galli, & Archicapel-  
 lani Ludouici Pij Aug. à Meynardo, quin &  
 alia à Petro Diacono Casinensi composita, qui  
 anno 1130. vixit, vti testatur auctor Antiqui-  
 tatum Liturgicarum e libello Diuinarum ,  
 Hu-

Humanarumquè Observationum. vnde quot erant Ecclesiæ, quot Episcopi, quot Abbates, tot erant formulæ Benedictionum huius cerei. quod colligitur ex epistola S. Hieronymo adscripta superius à me prolata. Idem Liturgicarum auctor affirmat à S. Gregorio Nazianzeno cereum Paschalem memorari; certè Antistes eloquentissimus oratione quarta de Pascha ita loquitur. *Hæc præclare à nobis, & propria, & publica luminum gestatione nocte illuminata fuit, confluentibus Dignitatibus, & plebe, omniquè genere hominum.* Apud quoque in laudes effunditur in oratione in Nocturnam Dominicam numero 43. Patres Concilij Toletani, qui anno 597. conuenerunt c. 8. In peruigilijs Paschæ lucernam, & cereum penes se benedici referunt, mandantquè intra Vigilijs solemner quoque Benedictionem illam peragi, propter gloriosum Noctis Paschalis Sacramentum; idque apud quasdam Ecclesias Gallæciæ (sunt qui Galliæ legant, puta Narbonensis, cuius Episcopi Toletum ad Synodos adibant, quia subdita Gotthis Regibus erat pars eius Prouinciæ, e Loaisa) in quibus omittebatur. Isidorus canonem exhibet, & ex illo Thomas Valdensis tomo 3. tit. 24. c. 166. Doctrinalis, ubi de Benedictione luminum, & candelabris. Cereus autem ille fuit significatus

à columna ignis, quæ præluxit Israhēlitis iter in solitudine faciētibus noctu ex Amalario lib. i. c. 18. de diuin. offic. vbi Benedictionem inferit cerei; vel à lucerna, quam commemorauī solitam accendi manē, ac vespere ante Arcam Testamenti in Sanctuario, e S. Augustino sermone 166. tertiæ partis de Dedicatione. mel quidem Diuinitatem Christi portendit, at cetera Humanitatem, vti S. Gregorius in Homil. exponit, idemque prodit Amalarius addens accendi duos cereos lib. i. c. 17. & 20. quod & obtinet in Pontificio Sacello. Sacramentarium S. Gregorij duos cereos illuminari narrat, quos tenent duo Notarij, vnus in dextro cornu altaris, & alter in sinistro, tum illa duo cereo. flata, quæ antea fuerant illuminata semper antè Pontificem procedere; vbi Meynardus ex more antiquo cereos ardentes Episcopis præferri probat, seu Lampadem à Lampadario passim per vicos, e Theodoret. lib. 5. Hist. c. 34. vbi de reditu S. Ioannis Chrysostomi, & e Meursio in Gloss. Græco-Barb. sed isti cerei non erant Paschales ritu solemnī Benedicti æuo S. Gregorij Magni. Qui Prudentij hymnum tertium, seu 5. Cathemerinon accipiunt de cereo Paschali, vt auctor Liturgicarum, Gretserus, Gauantus, & Theophilus Raynaudus lib. de Agnis Dei iure nuncupatus alter

Chal-

Chalcenterus, falluntur. Est enim ( vt Meynardus detegit in Sacramentar. & ad §. 2. c. 23. Regular. S. Benedicti ) de lumine vespertino, quod olim quotidie in Ecclesia, solemni etiam quodam ritu accendebatur, dicebaturquè *ω. χαρισία*, seu Psalmus *ἐπὶ λύχνιος* e Davidicis 118. de quo S. Clemens lib. 8. c. 40. Constitur. S. Basilius ad Amphilocho. c. 29. & Interrog. 37. in Regul. & Cassian. lib. 2. recitabatur ille ad Solis occasum cum Deo agerentur gratiæ, e Sancto Ioanne Chrysostomo ad illum Psalmum, & e S. Epiphanio; at à Latinis lucernarius, & lucernalis appellabatur. Profectò non diceret illam noctem Prudentius, si de cereo Paschali caneret, sed istam. Ad cereos istos Paschales collocandos in Vrbe præcipuè candelabra nō lignea, neque Corinthia, seu Corinthio fusa ære, de quibus canit Martialis lib. 14. Epigr. 39. & 40. nec aurea, cuiusmodi erant illa Mo- sis, & Salomonis, ac Constantini, & Christianorum æuo S. Laurentij, & quæ ab eodem Constantino fuerunt donata S. Nicolao Myrensi, vt his inter sacrificandum vteretur, e Lipomano in eiusdē S. Nicolai vita l. 1. Vit. Sanctorum; sed lapidea, seu marmorea præalta, & ingentia quasi Colossæa constructa visuntur in Basilica S. Pauli ( quamvis illi nunc præfixa sit Crux, idque fuerit extrà Ecclesiam erectū,

& in circulo inferiori propè Basem adhuc legitur Leoninis versibus, & inconcinnis cōtexta Epigraphe. [Arbor poma gerit, arbor ego lumina gesto, Porto libamina, nuntio gaudia, sed die fecto Surrexit Christus, nam talia lumina præsto.] In Basilica Liberiana, cuius de cereis iam proloquutus sum, in S. Laurentij in agro Verano, seu extra muros; in S. Apollinaris, in S. Pancratij, in S. Agnetis via Numen-tana, in SS. Nerei, & Achillei, & in S. Cæsarij Ecclesijs, supersunt in hisce duabus ambones, vt in S. Laurentij, & in S. Clemētis, atque S. Mariæ in Cosmedin, siue Cosmidy etiā, seu suggesta, & pulpita, quæ concendebat lecturus Præfationem Diaconus, sicuti delineatū est minio, alijsque coloribus in perantiquo illo volumine Barberinæ Bibliothecæ, cui Pontificis Maximi, & Imperatoris, ac Episcopi, Comitis, & Lenitæ insunt imagines. Stat in ambone Leuita, ad quem vtrimque per gradus est ascensus, at Comes manu gestat accipitrem, vnde aucupem illum Imperatoris crediderim, qui Græcis præfectus *ἱεραγορεύς*, vulgò Falconarius Latinis. In æde Lauretana Virgini Dei Matri sacri Lychnuchi Angelorum specie oblatisunt; ei enim sacrosancta lumina offerri cælitarum par est, quæ à Deo lucem tenebris attulit, e Tursellino in ea Historia. Hierosolymis  
ad

ad sanctum Christi sepulcrum, & Ecclesiam sanctæ Resurrectionis cereus diuinitus e cælo ignem concipiebat, & accendebantur lampades, seu per cælestem Nuntium, siue Angelum Paschali tempore, ex Urbani II. testimonio in Concilio Claromontano, vt alias retuli, perdurauitquæ mirabile hoc incendium donec à Schismaticis occupata fuit Ecclesia, qui fraudulenter illud imitantur.

## CAPVT SEPTIMUM.

**E**X illo itaque cereo Paschali extra Urbem particulæ ( vt in Ordine Romano adnotatur, & post me in Corollario primo refert R.P. Raynaudus ) eximi consuevere, detractæquæ seruabantur & aduersus iniecta omnia, (purâ) incendia, morbos, ruinas, naufragia, cæteraquæ adhibebantur. Hinc in Benedictione Auberti effabatur Pōtifex, seu Presbyter: [ Quo cumque loco ex huius aliquid sanctificationis fuerit mysterio deportatum expulsa Diabolicæ fraudis nequitia, virtus Tuæ Maiestatis assistat. ] & liquet ex Ennodij Benedictione prima. [ Et si quis hinc sumpserit aduersus flabra ventorum, aduersus spiritus procellarū, Tua iussa faciens, sit illi singulare perfugiū, sit murus ab hoste fidelibus, Tu Resurrectionis Tuæ tempore, quo vernal anni reuiuiscens infan-

tia, sumptam ex hoc contrà procellas, & omnes incurfus fac dimicare particulam.] Neque dubium est quin e cereo Paschali fuerit excerpta cera, quæ delata e templo S. Martini Turonis, iniectaque igni flammanti, liquecendo (mirum dictu) grassans exstinxit incendium. quod recenset Coriolanus in Breuiar. Chronolog. ad annum 64. e lib. 6. de miracul. Sancti Martini à Paulino Petrocoriensi, at e Gregorio Turonensi lib. 2. de illis Cardinalis Baronius ad annum 58. Ceram, quæ pallula fuerat inuoluta, templo S. Galli, quamuis nondum illata, quia ipsi destinata erat, permansisse in horrendo incendio illasam Vvalafridus testatur in Actis S. Galli. Ceream tabellam, seu Diptychon, in quo S. Odulphus nomina eorum, pro quibus orabat, describere solitus erat, ignis cellam peruadens, & depascens nec attingit, Surio auctore. Ex Ordine Romano, quem abs Apostolis traditum quasi per manus (nam S. Paulus 1. ad Corinth. c. 11. cætera se dispositurum sponderat) Gelasius Papa concinnauit anno 492. discimus hunc Ordinem Benedicendi Cerei solitum agi in forensibus Ciuitatis; intrà Ciuitatem Romanam non sic. [ Mane itaque primo venit Archidiaconus in Ecclesiam, & fundit ceram in vas mundum maius, & miscitat ibidem oleum, & benedicit



ceram, & ex ea fundit similitudinem Agnorum, & feruat ea in loco mundo.] Hæc tit. de Sabbato sancto, seu ordine Benedicendi cerei, & post tit. in octauis Paschæ. [In Dominica post Albas infrà Ciuitatem Romanam dantur Agni Dei ab Archidiacono post Missam, & Communionem populo, & ex eis faciunt infrà domos suas incensum accendi ad suffumigandum in domibus suis pro quacunque necessitate: similiter & in suburbanis necessitatibus de cereo Benedicto faciunt, ad suffumigandum scilicet in domibus suis, seu ponendum in agris, vel vineis, propter illusiones Diabolicas, siue cōtrà fulgura, & tonitrua.] Apud Albinum, siue Alcuinum, & Amalarium, hæc proferuntur, inque libro vetusto, cui titulus Fragmenta Caroli M. à Lazio in lucem edita, quique continet eadem, quæ Albinus, nisi quod additur in margine. Agnos Dei fieri e butyro in Germania. apud Panuinium itidem in Notis ad Líturgias, & Cæremonialia Cod. m. s. [Archidiaconus ingrediebatur Ecclesiã, ceramquè in vase mundo liquefactam cū oleo miscebat, eamquè Benedicens in Agnorum effigiem efformabat, quos in octaua Paschæ post Communionem fidelibus distribuebat, qui eos pro quacunque necessitate in suis ædibus ad suffumigandum incendebant.] Sic & cerei Liberia-

beriani virtute spectra, calamitatesquè pelle-  
bantur; vti Paschalis Hierosolymitani cera,  
cuius portiuncula seruatur adhuc Vasionense  
in Ecclesia inter Ceimelia, & Lipsana sacra.  
Meynardus quidem Agnorum cereorum ritum  
putat Romæ coepisse, cum desijt cerei Pascha-  
lis benedicendi ritus, & consuetudo, hoc est  
apud Zosimum Papam, qui anno 417. sedit, &  
à quo constitutum fuit vt cereus Paschalis Be-  
nediceretur per Parochias, e Pontificali libro.  
Cum enim Romæ Agni e cera oleo subacta,  
effingerentur, & pia, religiosaquè Encaustice  
Benedicerentur, vice nempe illarum particu-  
larum, quæ Paschali e cereo eruebantur, vti  
solemne fuit Ecclesiæ Romanæ magnificentiùs,  
& illustriùs omnia perficere, quodque vbique  
gentium ad cultum Diuinum vsurpabatur in  
melius versum, atque celebriùs exornatum.  
cohonestare, ac decorare. Consuetudo Pa-  
schalis Cerei Benedicendi exolefcebat inter-  
missa in Parochijs forensibus, seu in Suburba-  
nis Ecclesijs. Certè in cella Regis Franciæ re-  
perta Bulla gemmis intertexta eas litteras con-  
tinens MARIA NOSTRA FLORENTIS-  
SIMA probat vsum cereorum Agnorum Zo-  
simo antiquiorem, vt iam notauimus, & astipula-  
tur Lucius Faunus lib. 5. de Antiq. Urb. De-  
fuescebat (inquam) Benedictio cerei Sabba-

to sancto . Eam igitur retineri mandauit, obferuarique per Parochias, siue in suprascriptis forensibus, & suburbanis Ecclesijs; quod an-  
sam præbuit nonnullis affirmandi Zosimum  
auctorem fuisse Benedicendi cereum Pascha-  
lem, & Alcuinus c.2. de Sabbato sancto de  
Diuin.Offic. ac Amalarius c.18. tribuunt tan-  
tum Zosimo Decretum, quo iubetur Benedici  
cereus per Parochias, ipsique addi, ac inseri  
Thuris frustula quinque, vt designent totidem  
vulnera Christi Domini, quæ resurgens ser-  
uauit, vt in libro de Clauis Crucis Domini re-  
tuli, vel vt denotent aromata, quæ compara-  
runt vnguentiferæ mulieres vt eius corpus de-  
linirent, e Durando, Amalario, & Valramo, ac  
Photio in *μυριοβιβλω*, vbi de Modesto . Anno  
Christi 462. Gelasio sedente perstabat Agno-  
rum cereorum vsus, vt mox patuit ex Ordine  
Romano, oleum verò illis affusum ad annum  
598. seu 600. iussu S. Gregorij M. Papæ, con-  
stat ex Alcuino, & Amalario, quando myste-  
ria Paschalis Agni reserauit, ab eoque duos  
Agnos auro inclusos Agilulpho Regi Longo-  
bardorum missos, qui Modoëtiæ asseruantur,  
Torrignus in Crypt. Vatican. prodit. Oleum  
nempe S. Crucis, ita enim Chrisma sanctum  
vocare videtur S. Gregorius lib.7. epist. 34.  
quòd eo Ecclesia vti soleret, vt animaduertit

Car-

Cardinalis Baronius ad annum 324. seu Benedictum. imò nomine olei arguit eruditè R. P. Raynaudus lectionis vir inexhaustæ Chrisma intelligendum; Balsamus verò, ut in Urbani V. Carmine legitur, siue potius Opobalsamum, sicuti canit Estius, adhibetur, quando neque sine illo Chrisma conficitur, olei vice Lampadibus infusum superiùs edocui. Lumini vespertino insuper primævi Christiani admiscebant Chrisma, quod innuit Prudentius hisce versibus. *Lumen, quod famulans offero, suscipe tinctum pacifici Chrismatis unguine*, nisi de se tincto, & vncto canat, id est, baptizato, & confirmato. Non ambigendum ex his sub Gregorio M. vsum Agnorum cereorum in Ecclesia Lateranense viguisse, idque abundè probatum est, & ordinem Romanum ipse seruauit, & interpolauit; Paschalis verò cerei benedicendi ritum in Parochijs tantum forensibus fuisse retentum. Itaque Theodorus Papa, qui anno Epochæ Christianæ 640. præfuit Ecclesiæ Romanæ, renouauit, & reuocauit hunc ritum Benedicendi cerei Lateranense in Basilica. Hinc errant Martinus Polonus, & alij, qui adscribunt huic Theodoro institutum Benedicendi cerei: fallitur in primis Fauchetus, qui seram istam consuetudinem, tardèque constitutam affirmat in Annall. Franc. Theodorus enim

enim cerei Benedictionem cum vfu Benedictionis Agnorum coniungens restituit. Leo dehinc Papa III. Carolo Magno Imperatoria Corona donato Agnum Dei vnum obtulit, teste Scortia in Theorematis circum annum 796. vti putant Horoscias, & Frusius, qui missum autumant, vti Torrigius referens ad annum 787. Cæterum ex Albino, & Amalario consequitur eo tempore, proximoquè Agnorum Dei vsum perseuerasse nempe Caroli M. & Ludouici Pij Augg. æuo, e Benedicto Canonico S. Petri, ad annum 1140. e Cencio Camerario, ad annum 1192. Hos verò adduxi superiori Corollario. anno 1627. Romæ cū disijceretur summum fastigium Turris Comitum, quæ ruinam, casumquè minabatur, iussu Excellentissimi Ducis Poli Lotharij e nobilissima illa gente, repertum fuit inter macerías vas e creta ollæ instar, cui cereus inerat Orbis maiusculus, sed contractus cum superstitibus hisce litteris ECCE, quas sequebantur haud dubiè istæ AGNVS DEI, sed comminutæ fuerant, doctique Antiquarij consenserunt abs Innocentio III. Papa conditore Turris pinis fuisse inditum aduersus procellas, & fulmina, dum Durandus Mimatensis Episcopus florebat ad annum 1286. Agnos consecrabat cereos Summus Pontifex, vt ex ipso claret in

Ra-

Rationali. sub Ioanne XXII. Benedicto XII. & Clemente VI. Cæremonia illa obseruata fuit: post Urbanus V. misit tres Agnos ad Ioannem Palæologum Imperatorem Constantinopolitanum, & versibus ritum istum insigniuit, vt Bzouius asserit, quos & Ioannes de Glen recenset in Historia Pontif. e Cæremoniali S. R. E. libro. R. P. Raynaudus illos concinnat, nihiloseciùs Benedicebatur cereus Paschalis, tantumquè ardebat per octauas Paschæ Romæ in Lateranense, sicut in Parochijs, quod colligitur vt e Ritualibus libris, sic ex Ordine Romano, quia per Octauas illas ex eo segmenta distribui mandantur. in Annalibus Minorum traditur à laudatissimo P. Vvadingo in Comitijs Ord. S. Frãcisci Pisani, quibus S. Bonauentura Minister Generalis præfuit ad annū 1263. statutum vt accensus flagraret vsque ad solemnitatem Ascensionis in Missis saltem solemnibus, festiuis diebus. idque obseruatur etiamnum, quia tunc Dominus videri desijt in terris corpore, cum ad Cœlos euectus propria virtute conscendit, illudque intulit, & immisit in æternæ gloriæ possessionem. Thomas Valdensis ait non esse necessum, vt inscribatur cereo numerus annorum ab Orbe condito, quia multis in terris (vt loquitur) ei nihil inscribitur: tamen e S. Thoma Aquinate Quodlibet.

liber. 3. annus ille describatur in tabella, quæ titulum Crucis notabat, vt apud Durandum legi. Monachi Cistercienses annum Incarnationis, Epactam, & Indictionem exarare solent: Beda inscribi solitum annum Resurrectionis tradit: in Codicibus Remensi, & Ratoldi præcipitur, vt fiat Crux de incenso in cereo, noteturquæ annus Domini cum A. & ω. Sed annum Incarnati Verbi, & annum ab Orbe condito recurrentem exprimi voluit doctissimus Carolus Moronus Canonicus Basilicæ S. Laurentij, Eminentissimi Cardinalis Fræncisci Barberini Bibliothecarius, & verè spirans Bibliotheca. Cerei Paschalis prolixiorẽ Inscriptionem e Bibliotheca Floriacense R. P. Menochius in suis Storeis par. 5. c. 40. exhibet.

## CAPVT OCTAVVM.

**O** Misso cereo Paschali, ad Agnos reuertor, quorum materies cera est, Chrisma, seu oleum Benedictum cum Balsamo, & aqua, vt consentit & P. Raynaudus, de aqua tamen, deque immergendis illi Agnis, & extrahendis in Ordine Romano ne verbum quidem. vnde cum Panuinio crediderim id coeptum, posteaquam solemnis mos publicè Baptizandi fideles in Paschate desijt, nisi potiùs dum vsurpabatur

batur vterque ritus cerei, & Agnorum, exortum est, imitando immersionem, ac extractionem cerei ex aqua; vel cum intermissa fuit ipsius cerei Benedictio, vsque ad Theodorum Papam, eius vice Agnos immergendo, & extrahendo. Hic enim aqua hærere cogimur, tantumquæ conijcere licet, nec in hoc vado dux ullus est. Pontifex equidem cum Cardinalibus, secundum Rituales libros à tribus, quatuorue sæculis conscriptos, immergit cereos Agnos aquæ Benedictæ in peluibus capacioribus, tum extrahit cum cochlearibus colatorijs ex argento. Forma est Benedictio, seu Consecratio, quæ peragitur formulis precum ad Deum conceptis, quas olim fundebat Archidiaconus Sabbatho sancto, qui dein Agnos distribuebat Dominica in Albis, nunc ipse Summus Pontifex per dies Hebdomadæ Paschalis Benedictioem illam, seu Consecrationem perficit, Agnos abluens sacratis aquis, & recitans preces cum Cardinalibus, quas fusè prosequitur Chrisophorus Marcellus electus Archiepiscopus Corcyrensis lib. 1. sacr. Cæremon. c. 8. & lib. 2. c. 6. tum Sabbatho in Albis diuidit eos Clero, & populo. Cæremoniæ varix, seu ritus, qui obseruantur, ab eodem differtè præscripti sunt, & in antiquis Codicibus librorum Ritualium tam Vaticanæ, quam

Bar-



Barberinæ Bibliothecæ. De schedulis affigi solitis superius dictum est. Tempus præstitutum fuit Sabbatum primum post Pascha, quod in Albis dicitur, manè primo, distributioni; anteriores verò Paschalis Hebdomadæ dies, consecrationi, quam in illis exsequitur Pontifex anno primo Pontificatus, ac deinceps septimo quoque. Gregorius XIII. & primo, & septimo anno Pontificatus Agnis benedixit, & 305. capfas illis toties repleuit, e quibus plurimos Cardinalibus, Episcopis, Prælatiis, populoquè dedit, ac Principibus viris, perque omnes Christiani Orbis Prouincias misit. Præste-Ianni etiã Abyssinorum Regi vnum porrigi iussit; ille verò piè, reuerenterquè accepit, auctore Scortia in Theoremat. Sacrauit & Paulus V. Agnos e cera effictos, vt refert Laurus lib. de Annul. pronub. Virg. Erogat Agnos cereos Pontifex, si sacra celebret ipse, post inuocatum ter Agnũ clamando, Agnus Dei, sicut in Angelico Hymno, & in Litanijis, non Agne Dei, vti cauillantur Grammaticastri, trlicanturquè pronuntiandum in casu vocandi, quos refellit Serarius lib. 6. Litan. quin & in vocatiuo Deus ad euitãdam Cacophoniã enuntiari solet. In sacrorum solennijs, ex instituto Sergij Primi, propter trinam Hostiæ diuisæ à Sacerdote portionem ter acclamatur *Agnus Dei*, teste Card. Baronio ad

annum 700. nam in Liturgia S. Petri antea tantum semel proferebatur, ter etiam respondebatur ex eodem instituto, *Miserere nobis*, ut in Basilica Lateranense, tamquam aulae coelestis simulacro, ac effigie, ubi vera pax, adhuc mos est, ex Luone Carnotensi lib. de conuen. nou. & vet. Testam. Alberto de Offic. Miss. Durand. c. 52. Rational. propter varia deinde bella, & praesertim ad sedandum, & extinguendum atrox, & cruentum, ac internecinum bellum, quod inter Anglos, Gallosquē recruduerat, Ioannes XXII. edixit, ut tertia responsio verteretur in *Dona nobis pacem*, ex Angelo Rocca lib. 1. c. 18. de Campan. si Pontifex nō celebraret, sacris operabatur Prior Episcoporum, idque muneris ipsi incumbit; illisque cōpletis, Agni Dei expendebantur, ut aiunt Rituales Scriptores. Locus, in quo Benedicuntur Agni Dei, nunc est Aula, seu Procoeton Pontificis in Palatio Vaticano, vel Quirinali: ibi erigitur ara, & instruitur, ac ornatur, ad quam Pontifex fundit preces; olim erat ipsa Basilica Lateranensis, ubi Statio habebatur, & augustiorem in modum ritus illos obire Summus Pontifex consueuerat, uti notat Illustrissimus Cæsar Rasponus in libris de Lateranense Basilica, in quibus elegantissimè de Agnis Dei disserit. At locus, in quo distribuuntur,

est

*ma  
bellu  
riue  
Basilica et aduina bella publica in  
duo Palatij illa capu*

est Sacellum Pontificum, in quo sacra celebrantur, siue Vaticanum, siue Quirinale. Fuit quōdam Lateranensis Basilica, cui Sacella ista successerunt, ex quo Pontifices Auenioni subfidentes, quas obire non poterant Stationes intermiserunt, & Ecclesiarum vice, quas lustrare religiosè, & in quibus sacra peragere moris erat, Sacella in Auenionensi Palatio excitauit, ibique ea munia perfecerunt. Qui post eà Romam redierunt, & ibi resederunt, imitati Antecessores Auenionis inquilinos, Sacella quoque construxerunt nouis in Palatijs, vbi sacra fierent, Stationibus, ad quas solemniter procedebatur, omiſſis hucusque; nisi quod Sixtus Quintus eas renouare nisus est. Cardinales, & Episcopi, si Pontifex celebrat solemniter, adstant parati: sin, Cardinalium Prior sacris litat: stant cum cappis, seu byrrhis suis vsque ad inuocationem Agni, tunc parant se, sui quisque scilicet ordinis induit vestimēta, Episcopi pluualia, casulas Presbyteri, dalmaticas Diaconi, & accedunt ad Pontificem, qui Agnos illis porrigit, & omnibus consistentibus in Capella intra Regias tantum, duos cuilibet Prælato, & alijs vnum, nunc autem fasciculos papyro, & gossipio quasi pelle, ac vellere obuolutos maiores, minoresuè pro cuiusque dignitate. Sunt autem Regiæ non portæ tantum, vt aliqui

explicant æneas Regias à Leone III. positas in Monasterio S. Stephani cata Galla Patricia, & apud Anastasium etiam in Conone, Gregorium Turonensem lib. 4. c. 13. Vitæ S. Mariæ Aegyptiæ auctorem c. 5. sed cancelli, quibus Episcopi, Presbyteri, Clerici, & honorati, à reliqua plebe secernuntur. Effingebantur Agni Dei dudum, & efformabantur ab Archidiacono, tum à Subdiaconis Apostolicis, dein ab Acolythis, mox à Sacrista; qui parabant typos, & formas æneas, ferreasquæ, & imprimebant illis ceram. Insculptæ his erant Agnorum imagines cum Cruce, vnde illis nomen, aut Christi Domini, vel Deiparæ Virginis, siue aliorum Sanctorum, variaquæ mysteria, vt e cera exhiberentur; quod factitatur hætenus à Monachis S. Bernardi Congregationis Fuliënsis, qui vti præmonui, eo funguntur munere, ac officio. Cur orbicularis, ac rotunda, siue ouata forma fuerit Agnis Dei potius aptata; multis argumentis prætermisissis, satius ducam proferre Alphonsi Salmeronis Presbyteri & Soc. Iesu clarissimi doctrina, & sanctimonia; verba, ille in epist. data Neapoli die S. Marci anno 1572. ad Antonium Cardinalem Carasam inter alia exarat ista. [Quod scribis de distribuendis Agnis Dei in Patres à Te nominatos, id quidem à me fiet diligenter, ac fideliter,

Salmeron

ter, deinde quanto est illud præferendum magis, quod Tu magnus in Ecclesia Dei Princeps magna ex caritate, magno sanè, sacroquè ac præclaro nos affeceris munere, postea neque rursus exiguum, paruum, aut leuidense quid; sed præclarum, excelsum, ac magnificum tale donum esse existimamus. nam vt omittam, communes illas, & omnibus notas huius rei ad nos missas virtutes, ac fructus; sanè illo ad assiduam Christi innocentissimi Agni pro nobis in Cruce immolati memoriam colendam excitamur, & ad imitandam illius mansuetudinem, innocentiam, simplicitatem, atque adeò iugem nostrum ipsorum oblationem spiritalem, atque immolationem Deo præstandâ erudimur. Habent etiam peculiarem significationem, & gratiam ouatæ formæ Agni Dei, quòd collo appensi gestari faciliè valeant, vt quemadmodum Sanctissima Deipara Iesum infantem brachijs suis, & pectori admotum gestabat, illoq. quasi delicatissimo, ac fortissimo clypeo seipsam muniebat; ita nos delicias has, quæ Christum referunt, & suauissimum pondus, quo ab omnibus aduersis protecti esse valeamus, summa volūtate portemus. Si quos igitur in his planè heroicis, & excellētibus virtutibus progressus fecerimus, tātī doni gratia cōmonefacti partē Te non minimā habiturū profitebimur.]

## CAPVT NONVM.

**S**ed Agni Dei potissimū in speciem Agnorū finguntur, eaque forma ipsis præcipuè inuritur varijs de causis, e quibus nonnullas Benedictus Canonicus attulit, quasque repetere putidum esset, ac tautologum. Attexam igitur alias. Symbolum nempe Agnum esse filij Dei, ex usu Hebræorum rei pecuariæ addictorum, & pastorum, ut ipsi confitebantur c. 46. & 47. Genes. hinc apud illos Agnus idem est, quod filius. in Psalmo quidem 28. duplex retinetur versio. *Afferte Domino filij Dei, Afferte Domino filios arietum*: nam eisdem litteris significantur filij Dei, & filij arietum, siue Agni Hebraicè. Raynaudus fusissimè de Christianis, qui filij Dei adoptiui sunt, & imagines quædam Christi filij naturalis Dei viuæ, vnde in vetustis picturis, & musivis passim delineantur, & pinguntur Agnorum specie, & vocitantur Agni Christiani, Christianæquè Agnæ, & propria nomina sunt Christianus, & Christiana, uti Christinus, & Christina. Agna quoque filiam significat, & Natalem, ac Renatā. Agneli dicuntur in primis, qui sunt recens tincti, seu Baptizati. ΑΓΝΟΣ, id est, vitex, & ΑΓΝΟΣ, id est, castus confusi, quia Græca vocabula sine accen-

accentibus. olim scribebantur, e Iosepho Scaligero in Not. ad Euseb. Chronic. Est autem vitex frutex felix, & amaritudine sua excitat ad castitatem, mansuetudinem, simplicitatem, aliasquē virtutes. Solebantquē Matronæ Athenienses in Thesmophorijs ἀγρεύειν, seu in castro Cereris agere, & ideo ἀγρὶς καὶ κορύζης folia sibi substernere e Casaubon. ad Idyll. Theocrit. & Ios. Scaliger. in Varron. Amara quidem est castitas, sed dulcedinem incredibilem affert. In Agnis Dei cera corpus Christi, animam aqua, balsamum Diuinitatem, chrisma vnionem hypostaticā denotant: præsignauit olim Christi humanitatem aries in sacrificio Isaac vnigeniti, dilectiquē filij, qui eius vice fuit ab Abrahamo immolatus Deo, vnde distichon illud rude at priscum, atque Mysticum, *Nil Isaac patitur, aries dum victima; Christi Nil Deitas patitur, cum patiatur homo.* Verum quā purius expressit Agnus, quē Moyse abs Israëlitis in Phæse, seu Paschatis celebritate coqui, & comedi statuit, quemque non coquendum ab Herode scilicet in lacte matris suæ, siue à bimatu, & infra, sicuti veruit Deuteron. c. 14. ita prædixit; at in ara Crucis torridum Sacerdotem, hostiamquē fuisse Numini acceptissimam ad expianda mortalium peccata, odorante Domino suauitatem odoris, agnoscimus, &

prædicamus . Ne verò loca Isaïæ, & Hieremiæ proferam, quæ congeffit S. Gregorius Nazianzenus oratione 42. in Pascha, vbi Christi, & Agni parallelum eloquentissimè describit. Protenso digito indice Ioannes Baptista, & Præcurzor, quem descripsit indice, pollicequè adductis Ioannes Euangelista, & Apostolus c. 1. Apocalypsi. & epist. 1. c. 1. Andreas utique Apostolus fratri suo Petro, qui minor ætate, ac vocatione posterior, sed dignitate maior, Apostolorum quippe *Coryphæus*, vt consonat. Petrus *quasi Agnum immaculatum Christum* vocat epist. 1. c. 1. Andreas Aegæ Proconsuli respondit : *Se quotidie Deo immolare immaculatū Agnum in altari, quem posteaquam omnis credentium populus manducauit, Agnus, qui sacrificatus est, integer perseuerat, & viuus*, vt habent Acta Passionis S. Andreæ à Presbyteris Achaïæ perscripta. *Episcopus* ( vt scribit S. Hieronymus in epist. ad Fabiolam ) *carnes Agni ore sacro conficit*, id est Christi. Pierius Valerianus docet in Hieroglyphicis, Christum significatū per Agnum purpureum ; quia sanguine suo profuso purpuratus nos redemit, vt effatur S. Augustinus serm. de Cain, & Abel, & in Ioan. & Rupertus Abbas Tuitiē. lib. 3. c. 11. de Victor. verb. Dei egregiè, per Paschalem præsertim e S. Augustino lib. 2. sentent. seu Quæst.

Anto-



Antonius Brixianus in Commentar. Symbolic. Agnum visum super altari Card. Petrus Damiani prodit lib. 6. epist. 25. In labro fontis Lateranensis Agnus ex auro purissimo pensans libras 30. fundebat aquam sub Constantino Aug. e Baronio. in Apside Templi SS. Cosmæ, & Damiani Romæ tempore Felicis IV. Papæ constructa, Musiuoque decorata, visuntur Agni, qui sanctissimos Christi Apostolos exhibent, auctore Bosio lib. 6. cap. 12. *della Croce Trionfante*. At in Musiu antiquæ Basilicæ S. Petri, quod Innocentius III. instauravit, hinc expressa erat Hierusalem, inde Bethlehē, ex utraque Agni exhibant, qui Christianos referrent, pensilesque ardebant in portis Lampades, quæ Fidei veræ lumen exortum, radiantque signarent. In Baptisterio Cōstantini, quod omnibus suis ornamentis denudatum, quo tēpore scribebat Panuinius, restituit nunquam satis laudandus, & omni laude maior gloriosissimæ memoriæ Urbanus VIII. Pont. Max. & picturis, columnis, ac laqueari affabrè sculpto, deauratoque magnificè illustravit, incisi versus nuncupant Agnos luculenter primæuos Christianos e fonte Baptismi emergentes. *Circumdatque rudes festis balatibus Agnos.* apud Paulinum epist. ad S. Seuerum id probatur dilucidè. Ἀγνοὶ χερσὺν πάντοι pannierant, in-  
qui-

quibus Agni pictura texta visēbatur, siue imago Agni, qua Iesus Christus Dominus noster verē demonstratur in *ἐπιτραχηλῳ*, siue orario, quod Sacerdotes circa collum gestant, e Bullialdo in Nott. ad Histor. Ducæ. Narniæ super ianuam cryptæ S. Iuuenalis in marmore spectatur Crucis sculptura, & duorum Agnorum hinc inde sese respicientium, qui S. Cassium, eiusquē coniugem Faustam denotant. erat ille Episcopus, & ista soror e coniuge facta, vti Therasia Paulino. Episcopus pallium habet humeris circumtectum, instar Pastoris imponentis humeris suis ouem, quam perdidit inuentam c. 15. S. Lucæ, vt explicat Isidorus Pelusiota lib. 1. epist. 136. cuiusmodi effigies erat incisa Calici, e Tertulliano lib. de pudicit. Card. Paleottus de Imagin. lib. 2. c. 48. Pallium illud e lana contextum Agnorum, quod Episcopis tribuitur ex priuilegio, at Archiepiscopis ex dignitate tot tit. ext. de auctor. & vsu Pall. Christum exprimit, qui hominem errantem in cælum reportauit quibus humeris Crucem tulit. Sumitur ex altari S. Petri, cui superponitur. vt in lib. 1. sect. 9. c. 2. Cæremon. S. R. E. Agni, e quorum lana cum alia mista pertexebantur pallia Episcopalia, nutriebantur olim Romæ à Monialibus Monasterij Sancti Andrea, quod erat inter S. Marcelli Ecclesiam,

*Pallium  
Agnorum  
priuileg.*

fiam, & Basilicam SS. Apostolorum, ad quam propiùs accedebat, & in quo erat Oratorium S. Thomæ, vbi vestem ad altaris vsum obtulit Stephanus Papa VI. anno circiter 885. & eligebantur candidi, ac sine macula. Postea cura translata fuit ad Moniales S. Agnetis via Numentana extra Urbem; hodie spectat ad Virgines Deo deuotas, & Moniales S. Franciscæ, seu Turris Speculi: dūquē canitur Agnus Dei inter Missarum solemnias, offeruntur Agni super altare. Sed plura Panuinius in *Y. Pallium Interpret. voc. obscur. Eccles.* & ego in *Diatriba*, quam de pallio, vestibusquē sacris cōsarcinaui. Vti Thomas Morus pro baculo Pastorali Episcopis cereū adsignauit in sua *Vtopia*, ita Horoscus pro vellere aureo, seu tor-  
*ly*  
*que*, quo Rex Hispaniæ, vt heres Burgundiæ Ducum, fidos, delectosquē consueuit Equites insignire, tribuit Episcopis Agnos Dei. Eque-  
*volley*  
strem aurei Velleris ordinem instituit Philippus Bonus Dux Burgundiæ anno 1431. Vvindelino in Encæn; siue illud vellus à Ge-  
deone, siue ab Iasone mutuatus sit, vti visum Genebrardo in Chronograph. Gulielmus Baldefanus ad Thebæos milites retulit e Pancirolo in c.48. Notit. Imper. Orient.

## CAPVT DECIMVM.

**A**ltius originem Agnorum Dei perscrutari libet. Neque desunt, qui eos excogitatos arbitrentur, solemnemque ritum ijs benedicendi, & eos gestandi, ad abolendam corruptelam, profanumque morem, & consuetudinem prauam, ac superstitionem tollendam ferendi *περὶ βασιλίσκου*, bullas re turpicula sæpius consignatas, & obscœna, Præbia, Phylacteria Magica, Encolpia, & Periapta, Charagmas, & torques, annulos, gemmas, & quæ Arabes perperam Græcissantes pro *πεπαιωμένους* Talisman appellauerunt, de quibus & Diatribam cōscripsi. Bullam ceream Agni Dei e collo demissam vocat Franciscus Scorsius in Latio Christiano laudatque Propertij versum, *Hic ubi bulla rudi demissa est aurea collo*. Sed quid opus erat, cum tam multa essent apud Christianos amuleta sacra etiam e collo pendula? Nam & Reliquiæ Sanctorum suspensæ ferebantur e collo, ut docet Loaisa in notis ad Concil. Hispan. & sacrosancta Eucharistia in pyxide appensa collo gestabatur, ita Saturus frater S. Ambrosij, ut ipse Sanctus testatur Orat. de illius obitu, ita Birinus Episcopus ab Honorio I. missus in Angliam gestasse illam traduntur à Coriolano  
in

in Breuiar. Concill. Cruciculam argenteam. Zacharias dispensator S. Ioannis Eleemonis Alexandrini Patriarchæ, e Leontio in eiusdem Sancti Vita, cuius successori Gregorius Magnus transmisit quoque *Crucem paruulam, in qua de catenis SS. Petri, & Pauli erat inserta. Benedictio, quæ assidue supponitur eius oculis*, lib. 11. epist. 49. & ad Dynamium Patricium Massiliæ Rectorem curantem Patrimonium S. Petri in Gallijs lib. 2. epist. 33. apud Baronium etiam ad annum 593. Crucem itidem paruulam, in qua *de catenis Petri beneficia sunt inserta, quæ illius quidem ad tempus ligauerunt, sed istius colla in perpetuum à peccatis soluant*. ipse S. Gregorius Crucem pectoralem ad collum ferre consueuerat Reliquijs Sanctorum referatam, comprehenditurquæ nomine Phylacteriorum apud Ioannem Diaconum in Vita Sancti Gregorij M. lib. 4. c. 20. apud Baronium insuper ad annum 604. Episcoporum collo appensam Crucē cum Reliquijs, catenulaquæ aurea obseruauit Filescus de sacr. Episc. auctoritate. Ab antiquis vsque temporibus misit Phylacteria S. Gregorius M. ad Theodelindam Longobardorum Reginā, similia lib. 12. epist. 7. & Crucem, cui eius, in qua Christus pependit, lignum erat inditum, Adulovvaldo filio; ac Recaredo Hispaniæ Regi *clauim paruulam à*  
*sacra-*

*sacratissimo Beati Petri Apostoli corpore sumptam, in qua inest ferrum de catenis eius inclusum; ut quod collum illius ad Martyrium ligauerat, eius collum ab omnibus peccatis soluat lib.7. epist. 26. & apud Baronium ad annum 599. ne quid dicam de gemmis annulorum, in quibus primæui Christiani curabant insculpi, vel incidi naues, columbas, anchoras, pisces, piscatores, ut meminissent Apostolorum, & Christi potius, Græcè namque ἰχθυὶς dictus fuit: eum, si expendantur singulæ litteræ, conficiant initia vocum. IHCOTC. XPICTOC. ΘΕΟΤΙΟC. ΣΩΤΗΡ. & Christianos in aqua Baptismi natos significaret e Clemente Alexandrino lib.3. c.11. Pædagog. Tertullian. lib. de Baptism. c.1. Optato Mileuitano, apud Rurgerium c.1. lib.6. var. Lect. neue in aures recenseam, de quibus mox agam, & ne immorer in exiguis imaginibus S. Meletij Antiocheni Archiepiscopi, quas in palis annulorum, in poculis, in phialis, in thalamorum parietibus expressas Antiocheni ferebant, e S. Ioan. Chrysoft. Homil. 45. de S. Meletio. aut in imaginibus paruulis Symeonis Stylitæ, quas Romani Opifices in omnium Officinarum vestibulis, & in porticibus affigebant hinc sibi auxilium, ac tutelam parantes, ut scribit Theodoretus in eius vita die 5. Ianuarij apud Surium, & refert*

fert Cardinalis Baronius in Martyrolog. ne denique me demittam ad cucurbitas vasculorū, in quibus imprimebant Romani effigies Apostolorum. id testatur S. Hieronymus in c. 4. Ionæ, quæ Gaucomaria vocant, seu Cucumaria, & Galli *Coquemaris* à voce Cucumis, de qua Cuiacius c. 7. lib. 6. & c. 15. lib. 10. Observat. Iur. & Alciatus lib. 12. Parerg. de caucis, caucalis, seu caucalibus, vnde Gallorum *gobelets*, & Itatorum *boccali* trahuntur, copiosè Salmasius in Histor. Aug. & Rosvveydus in Onomast. ad Vitt. Pat. ego potius à bucca deduxerim. S. Cæcilia semper Euangelium Christi gerebat in pectore Act. Passion vbi Bosius. & S. Barnabas, & collo appensum mulieres, de quibus S. Ioannes Chrys. Homil. 73. in Matth. & S. Thomas 1. 2. quæst. 96. art. 4. Successerunt SS. Petri, & Pauli *flanneæ*, & *plumbeæ* iunculæ, quæ Romæ Peregrinis solebant distribui, vt docet ex Innocentio II. Torrigius in Cryptis Vatic. sacra etiam ex ære, varijsque prætereà metallis Numismata, quæ Pius V. sanctissimæ memoriæ Pontifex induxit, vt in Belgio potissimum Catholici distinguerentur à Gueusij Hæreticis numos plūbeos, & æreos collo apponentibus, vt auctor est Gabutius in Vita Pij V. lib. 6. c. 2. ac paupertatis falsa specie inhiantibus auro Ecclesiarum, quas spoliarūt,  
& imi.

& impiè, ac sacrilegè denudantes expilarunt. de Bullis Pignor. in mensa Isiaca, & Ioa. Iacob Chifflet. in Anastas. Childer. atque Antiquarij. De Phylacterijs, Ligaturis, Pyctaciolis, Breuicollis, & alijs remedijs superstitiosis S. Augustin. lib. 2. c. 26. & 29. de Doctrin. Christ. Gratianus in c. Romana 15. dist. c. si quis dist. 79. & tota caussa 26. quæst. 5. l. eorum, §. nullis, C. de Malef. & Math. Plutarch. Plin. Sosipater Charis. Ammian. Marcellin. Sammonic. Seren. Turnèb. Casaubon. Ios. Scaliger. deque auertendo fascino, quo Agui quoque impetebantur, vnde apud Virgilium queritur Pastor. *Nescio quis teneros oculus mihi fascinat Agnos.* De amuletis, & periaptis Aegyptiorum, deque icunculis fictilibus, quæ reperiuntur in thoracibus cadauerum conditorum, R. P. Athanasius Kircherus Soc. Iesu Presbyter omnigenæ promus condus eruditionis Tom. 3. Oedip. Aegypt. Syntagm. 19. & Tom. 1. Syntagm. 1. c. 7. qui censet eas esse Teraphim, seu Idola Labani, de quibus c. 31. Genes. & ipse Syntag. 463. Sacerdotes Aegyptiorum in gemma exculptam veritatis effigiem e collo pendentem habuere ex Aelian. Polyh. l. 14. c. 35. & Diodor. Sicul. ac Iunio l. 2. de pictura vet. At Deus Opt. Max. iussit vt Pontifex Hebræorum Rationale portaret ante, & super pectus suum, quod

Kircher  
my



quod ex auro, Hiacynthis, purpura, cocco bis  
 tincto, & byffo retorto constaret, intextis 12:  
 gemmis, seu lapillis pretiosis, essetquè affixum  
 Superhumerali catenulis aureis, doctrinam-  
 què ac veritatem contineret, vti describitur  
 Exodi c. 12. vetus quidem est artificium Dia-  
 boli, cuius innumerabiles exstant nocendi ar-  
 tes, cerea signa effingere ad cruciandos, & ne-  
 candos homines. Hypsipyle apud Ouidium  
 in Epist. ad Iasonem canit de Medea. *Deuouet*  
*absentes, simulacraquè cerea fingit, & medium*  
*tenuis in iecur urget acus*, apud illum lib. 3. A-  
 mor. Eleg. 6. *Sagaque Phœnicea desigis nomina*  
*cera*, cum eodem pentametro, Fastor. etiam lib. 2.  
 Horat. lib. 1. Satyr. 8. Virgil. Eclog. 8. vbi  
 Seruius: *Limus ut hic durescit, & hic ut cera li-*  
*quescit*. M. Delrio lib. 3. Disquis. Magic. q. 3.  
 sect. 1. par. 1. & q. 4. sect. 5. Crespet. de odio  
 Satan. disc. 20. Paul. Aemyl. lib. 8. Hist. Franc.  
 Iunius lib. 3. de pictur. vet. Non tamen ad hæc  
 depellenda, nec ad eliminandas, abigendasquè  
 superstitiones illas primariò fuit inuectus in  
 Ecclesiam Agnorum cereorum Dei vsus, ne-  
 que vice Bullarum profanarum, & amuleto-  
 rum dati fuerunt initio, nec ea mens directæ  
 fuit Romanorum Pontificum. nihilominus  
 cum Agni Dei à Christianis gestati fuerunt e  
 collo pensiles pia cum fiducia, & illa maleficia

repressa sunt, ac contusa, & profana, superstitionisquæ amuleta, eorumquæ abusus penitus exoleuerunt cedente Cacodæmone potentia Diuinæ, & discussis, fugatisquæ præstigijs vanis, quibus tamquam offusa caligine ille humanis mentibus illudebat, ob splendorem irradian-tem e Rationali veritatis, & doctrinæ, ex Agno nempe viuo cereorum Agnorum exemplari.

## CAPVT VNDECIMVM.

**O** Pinati sunt alij Agnum Dei fuisse apud Christianos symbolum, & typum, seu figuram Agni Paschalis, quem solemnibus cū cæremonijs comedebant Hebræi, sicuti præscriptum erat c. 12. Exodi. Hos inter existit R. P. Vincentius Bonardus Ordinis Prædicatorum, cuius opus de Agnis Dei Italico conceptum idiomate, & editum Romæ anno 1586. in quarto, versumquæ in Gallicum prodiit, & Lugduni anno 1603. in octauo; eratquæ in Bibliotheca Cordesiana: Hic vero ad Episcopatum Hieracensem deinde prouectus est: Antonius Marfilius Columna Salernitanus Archiepiscopus sect. 3. Hydragiol. Benedictiones recensens, quibus Ecclesia vtitur ad sanctificationem, eiusque vim per Diuini auxilij imploratio-

rationem, adnumerat illis Benedictionem Agnorum e cereo Paschali à Romano Pontifice diffundi solitam, & istum Bonardum eorum originem disertè persequutum affirmat; Præterea contendit Bonardus cereum Paschalem typum esse columnæ, quæ noctu deduxit Israelitas in solitudine, igneaquæ præiuit, uti narratur c. 13. Exodi, exponitquæ Amalarius c. 18. de Diu. Offic. & videtur alludere Præfatio, quam canit in Ecclesia Diaconus cereo Benedicens hisce verbis, *Sed iā columnæ huius præconia nouimus, quam in honorem Dei rutilans ignis, accendit.* Obseruat verè R. P. Raynaudus haud solitam Ecclesiam ritus Iudæorum, vel facta recolere, neque Cæremonias Ecclesiæ typos esse Cæremoniarum Synagogæ certum est, cum ipso in primo Concilio ab Apostolis habito Hierosolymis Actorum c. 16. iugum illud impositum populo duræ cervicis excutiendum, nec ab hominibus bonæ voluntatis, quibus in ortu Christi pacem nuntiarant Angeli, ferendum illi censuerint c. 2. ad Galat. cumque omnia Israelitis contingerent in figura, significarentque potiùs res à Christo gerendas, & portenderent Ecclesiæ mysteria: notat Genebrardus Archiepiscopus Aquësis Psalmos plerosque inscriptos *ἐς τὸ πλὸς* ad finem, referri ad Ecclesiam, siue ad tempora Christi,

quæ appellantur à S. Ioanne epist. 1. c. 2. nouissima, quia his nulla successura sunt, & in ipsis erit consummatio. lxx. Interpretes perpetuò reddiderunt, ad mysterium; in tit. Psal. 4. Rabbi Kimhi, ad futurum venire, seu ad Messiaæ sæculum, deque vocatione gentium Theodoretus in c. 17. explanat. Christus profectò τέλος fuit, & πλήρωμα, seu plenitudo, & *finis legis*, e S. Paulo ad Roman. c. 10. ad quem, velut ad centrum lineæ concurrunt ductæ à circumferentia; ita paginae omnes, actusque antiqui foederis contenderunt, idque Christus Dominus insinuauit c. 16. S. Matthæi, & c. 5. S. Lucæ. dum ait: *Iota unum, aut unus apex non præteribit à lege donec omnia fiant*, & sæpiùs legitur in Euangelio, vt *complerentur Scripturae*, Cereus autem Paschalis Sabbato sancto sacratuS, & Benedictus designat Christum electos deducentem ad cælestem Beatitatem, vti iam insinuauimus. Quamobrem labat hinc quoque ratio, quam afferunt illi, qui putant Agnos cereos effictos, vt essent iuge, ac quotidianum Baptismi Christiani monumentum, quia immerguntur Agni, quemadmodum cereus Paschalis, & in aquam demittuntur ad Baptisinũ Hebræorum *sub Moyse in nube, & in mari*, de quo loquitur Apostolus 1. ad Corinth. c. 10. adumbrandum, quæ fuit opinio Honorij Augusti-

gustodunensis lib.3. Gemmæ c.102. referente  
 Raynaudo; nam ex ipso Apostolo cui.  
 illa *Hebræis in figura nostrum facta esse*  
*bramquè habebat lex futurorum bonorum*  
 Christi c.10. ad Hebræos. Honorius  
 le, qui anno 1220. floruit, nihil de Ag  
 dicit, sed de cerco tantum Paschali le,  
 vt ad quartam sententiam progrediar, quæ ad  
 istam tertiam accedit, debet quidem esse per-  
 petua recordatio Baptismi, eamquè summi ad  
 vitam sanctius exigendam fore momenti iure  
 merito perpenderunt Patres Concilij Parisiē-  
 sis sub Ludouico Augusto, vtque assētiar Gui-  
 doni Aretino, qui ad annum 1024. vixit, in  
 Micrologo, tradenti apud Romanos annotinū  
 Pascha celebrari quasi diem anniuersarium,  
 Baptismi abs his, qui tincti fuerant in priori  
 Paschate, anno redeunte, quique consequeba-  
 tur; conueniebant enim isti simili die, offere-  
 bantque solemniter, sicut Episcopi Natalem  
 Cathedræ, seu Pontificij sui diem, quo nempe  
 fuerant electi, vel consecrati, consueuerant ce-  
 lebrare (vt inquit Raynaudus) sed Episcopis  
 id erat facillimum, qui habebant eo die sermo-  
 nes ad populum, cuiusmodi exstant SS. Gre-  
 gorij Nazianzeni, Eucherij, Augustini, atque  
 L. dicebantur ad ipsos Episcopos Pane-  
 urelio Ep. scopo Carthaginensi, Pe-

tro Rauennati, & Laurentio Mediolanensi  
 cogebant etiam Episcopi Synodos. ita S. Xy-  
 stus, seu Sixtus Episcopus Romanus, S. Dama-  
 sus, S. Hilarius, & Anastasius eius successores.  
 Ferrar. lib. 21. c. 35. de rit. sacr. Concion. Cardi-  
 nalis Baronius in Martyrol. die 18. Ianuarij,  
 Rosveyd. in epist. S. Paulini, Morin. lib. 2.  
 Eccles. Liber. la Cerda c. 167. n. 18. Aduers.  
 sacr. Sirmond. in Nott. ad Ennod. At singulis  
 Christianis, qui huc illuc proficiscebantur, la-  
 boriosum, & dies ille, qui addictus fuisse dici-  
 tur Baptismo ab Ecclesia vniuersim quoad  
 omnes in memoriam reuocando, si fuit Octa-  
 ua Paschæ quotannis recurrens, seu Domini-  
 ca in Albis, quæ vocatur ab Alcuino in epist.  
 ad Carolum M. Pascha clausum, ita vt Pascha  
 primum, seu exemplar omnium Dominica-  
 rum situm esset inter Pascha Floridum à Ri-  
 chardo Victorino dictum, & Petitem ab Al-  
 bino propter competentes; seu Ramalia, vel  
 in Ramis Palmarum, ac inter Annotinum illud  
 Pascha, quod anniuersarium Honorio supra-  
 scripto, & Νέα Κυριακή SS. Gregorius Nazian-  
 zeno Orat. 43. & Ioannis Chrysost. Orat. de  
 nou. Domin. ac Syris e Schultingio, Testam.  
 Syriac. ad c. 1. epist. S. Petri, & Vicecomit. l. 5.  
 c. 53. de Antiq. Rit. Bapt. quasquæ medium  
 interponeretur. Latinis profectò nu-  
 meratur

**D**ominica in Albis, seu post Albas, vt loquitur in Sacramētario S. Gregorius M. vel Quasi modo, ab initiali Introitus Missæ; Albæ nimirum vestes deponebantur Sabbato anteriori à Neophytis, atque à ministris seruabantur e Victore Vticense lib.3. de persecut. Vandastica. Etenim si dies aliquis propriè respondens annuæ celebritati Baptismi publici præstituendus erat, debuit is esse Sabbatum ipsum in Albis, aut Sabbatum antè Pascha, quo Baptismus publicus celebrabatur; sed & si fuit Octaua Paschæ, seu Dominica in Albis ad recolendam memoriam eius delecta, quod auctorum superscriptorum testimonio, Honorij nempe Augustodunensis, & Guidonis Aretini asseritur, nō tamen inde cōsequitur ea de causa distributos fuisse illa Dñica olim ab Archidiacono Agnos Dei, distinguenda nāque sunt tempora, vt infrà demonstrabimus. Hanc tamen sententiam amplexus est Raynaudus, voluitquē ista Dominica in Albis, ob solemnem, & annuam recordationem Baptismi publici distribui Agnos cereos, vt his quasi aptissimis symbolis Christus designaretur, siue incarnatum, passumquē Verbum, ipsiusque regnantis gloria connotaretur, cui nomen dederant initiati, & ipsum met pridem professi, atque in Baptismo e Christo, & Ecclesia nati, vnde perele-

ganter, ac eruditè differit de Christi connubio cum Ecclesia, de natorum Horoscopo, ac nobilitate, de quæ officijs erga patrem, matrem, fratres, atque seipsum opus quasi tessellatum e varijs Sanctorum Patrum sententijs admirabili arte contextit. Ego ipsi Raynaudo amicitia coniunctissimus, eiusquæ doctrinæ admirator, & cultor confido mihi facilitè ab eo condonatum iri, si hanc eius sententiam haud sequar, quippe quæ nec Agnorum originem detegit, antiquior quippe, Apostolicisque temporibus coæua, & suppar fuit, neque declarat perspicuè, ac dilucidè, verum symbolicè, mysticèque potissimum Agnorum significationes explicat; neque probationem ullam affert, e qua liqueat ob illam festiuitatem anniuersariam Baptismi, Dominica post Albas, Agnos Dei fuisse dados à Pontifice illis, qui antè annum fuerant Baptizati, neque verò afferre potest, cum festiuitas hæc recentior sit Agnorum largitione; quæ illam decem ferè sæculis præcessit. Est & amica contentio, ἀγάθη δ' ἐστὶν ἡ δὲ βεβόησις. pangit Hesiodus quin etiam opinionum dissimilitudo tantum abest à similitate, vt sæpissimè non modò qui sententia discrepant in amore consentiant, sed etiam, qui exercent ipsi simultates iudicio congruant, imò quòd Card. Baronius in Martyrolog. Rom. die 28.

April.



April. de se, deque Hieron. Rubeo Rauennatis Historiæ scriptore disertissimo perscripsit. si suboriatur inter nos aliqua contentio, non inde ( vt assolet ) liuor, vel æmulatio intercedet; quin veluti tenacioribus quibusdam amoris vinculis mutua inter nos beneuolentia stringetur. Doleo tamen non parum quod toties, tamquæ acerbè carpat, amariùsquæ traducat Panuinium, præsertim quod existimarit Agnorum immersionem successisse Cathecumenorum Baptismo publico, cum tamen non valdè distet Raynaudi opinio, dum sentit ad memoriam annuam Baptismi publici dispersitos Agnos fidelibus, huius enim memoriæ celebritas fuit instituta serius, diuquæ post desuetudinē Baptismi publici, qui sub Carolo M. & Ludouico Pio non vsurpabatur, cū paruuli Baptizarentur ob pericula, nec differretur Baptismus, rariquæ adulti tingerentur: Quando autem Sabbato Paschali quotannis Baptismus publicus peragebatur, quod nemo inficias ibit: Nonne superuacaneum erat illius suscepti diē anniuersarium indicere, quid enim erat necessum memoriam Baptismi publici renouare, cum Baptismus repeteretur, dumquæ sicut anno anteriori ministratus, impensèquæ fuerat, ita posteriori conferebatur alijs fidelibus, præsens præteriti memoriam satis

sufci-

Pamphili  
in  
1566  
39.
 fuscitabat, & refricabat. Certè sicubi hallucinatus est Panuinius, meretur tamen veniam, ut qui tot Scriptores, quorum opera post obitum eius emerferunt, perlegere non potuit, nec lucubrationes suas retractare præ illarum multitudine, præque vitæ breuitate, cum præreptus sit immatura morte, annoque ætatis xxxix. ut in eius Epitaphio legitur Romæ in S. Augustini, absumptus, imò promeretur laudes, & præmia; quisquis autem Ecclesiasticâ callere cupit Historiam, eius monumenta peruoluat, plurimumquæ se illi debere agnoscat, primus quidem glaciẽ (ut ita dicã) seruit, viasq. nullius pede tritas princeps ingressus de rebus hætenus intactis tersius, & politius orsus scribere cæteris, qui decurrerũt hoc in stadio deinceps, & cõmentati sunt, quasi facem prætulit, iterq. comiter visus commonstrare. Hoc quidem excerptum de Baptismate Paschali, & Agnis Dei Romæ anno 1560. editum, Fr. Iosephus Pamphilus Veronensis, & Onuphrij popularis Ordinis S. Augustini, & ita socius, vertit in Italicum, & publicauit itidem Romæ anno 1566. Episcopus Signinus, & Sacrista Pontificius fuit, atq. Chronicon Ord. sui concinnaui idem, in quo scriptos à se libros tres de sacris ritibus Baptismi, Chrismatis, & sanctæ Eucharistiæ ad annum 1579. gloriatur. Raynaudus,

das, ut est solers, non inscius quam parum firmis niteretur ipsius sententia fundamentis, opposuit sibi duo, in primis. quod non in Paschate solummodò, verùm & in Pentecoste Baptismus publicus, seu Generalis celebrabatur, ideo què distribuendi erant iterum, Benedicti denudò in solemnitate Pentecostes, Agni, & anniuersaria festiuitas Baptismi publici alia instituenda, quod validè motum non resoluit, dum responderet dari etiam in Pentecoste solitos Agnos, nam id nullo modo probat, & fortè tunc Baptizatis, qui Chrismate delibuti, & Corpore Christi saginati fuerant, datos intelligit: At & Benedici debebant illi rursus, & annotina Pentecoste indici ad memoriam Baptismi. quoties verò Baptizabatur aliquis siue publico, siue priuato Baptismo, & confirmabatur vnctus Chrismate in fronte ab Episcopo, manibus super caput impositis, & Eucharistiam percipiebat, Agnus illi cereus adsignabatur, ut mox dicam, sed Agni non Benedicebantur, nisi in Paschate, consequentequè Hebdomade. Obijcit sibi secundò fragmenta, & particulas Agnorum gestari, nec esse integra, perfectaque Christi symbola, quando Christi figuram imperfectam exhibent; satisfacit autem huic argumento asserens moraliter sufficere ad Christum referendam Agni frustum quodlibet, vel tantillum

lum

lum, vti satis est aquæ consecratæ, seu Benedic-  
 tæ gutta pro expiatione; prudenterquè cauet  
 abstinendum à comparatione Corporis Chri-  
 sti in sacrosancta Eucharistia. Quia in Con-  
 firmatione Spiritus sancti fortitudo in animos  
 fidelium illabitur, & illi corroborantur ad per-  
 ferendos quoslibet cruciatus, indelebiliquè  
 charactere imprimitur virtus ad coronam per-  
 seuerantiæ, cur non illius anniuersarius agitur  
 dies? cur non Agnus cereus quoque ipsis, qui  
 cõfirmantur diuiditur vti symbolicum Diuini  
 Agni monumentum? sententia hæc Raynaudi  
 locum habere potuit, postquã recessit ab aula,  
 desijtq. celebrari publicus Baptismus, quo sin-  
 guli quãuis seorsim, priuatimq. Baptizati, vni-  
 uersim admonerëtur quasi præstiti sua in tin-  
 ctione sigillatim Sacramenti, & pollicitationũ  
 editarum, collatæquè gratiæ. Sicque cum Pan-  
 uinio videtur conpirare Raynaudus, qui ta-  
 men ab eo tam vasto dissidere se iactat inter-  
 uallo, & tot quasi Parasangis, dum illum Di-  
 uinationibus indulgere voluntarijs, & perpe-  
 ram opinatum Agnos cereos, cum immerge-  
 rentur, substitutos Baptismo publico queritur,  
 datos tamen fatetur antea vice Bullæ profanæ  
 Onuphrius. Ipse verò Raynaudus dũ Annotino  
 in Paschate censet Agnos Benedictos, & im-  
 mersos aquis, ac impenfos Christianis Neo-  
 phy-

phytis ad memoriam Baptismi cōmunis Christum designasse, consentit eorum Benedictiōnem, & immersionem Baptismo publico subrogatas, ritumque Agnorum tum inclaruisse. Depromenda tandem aliquando mea est sententia, quæ manifestè colligitur ex allatis.

## CAPVT DVODECIMVM.

**C**Um Baptizati vestes albas exuerent, quas induerant in Baptismo candoris indices interni, vt Vicecomes narrat c.6. lib.5. de Cōfirmat. sese offerebant Pontifici, qui Chrismate in Cœna Domini iuxtà institutum Fabiani Papæ recens sacro illos liniens in fronte Cōfirmabat, adiungebatur enim Chrisma, seu Cōfirmatio Baptismo tamquam complementum e Melchiade, seu Miltiade Papa c. 3. epist. ad Episc. Hispan. S. Paciano lib. de Baptism. & S. Dionysio c.4. Eccles. Hierarch. qui τελείωσις, siue sacrosanctam perfectionem Diuinæ Generationis vocat, quia consummat, & firmat fideles, inde huic Sacramento fuit inditum nomen *Confirmationis*, à S. Ambrosio c.8. lib. de Initiand. usurpatum inprimis, S. Cyprianus lib. de operib. Cardinal. appellauerat *signaculum Domini*, & epist. 80. 72. 73. *sigillum* Cornelius Papa penes Eusebium lib.6. Hist. Eccles. c.35.

*Perse.*

*Perfectionem* idem Ambrosius lib. 3. c. 2. de Sacram. τειλίτην S. Cyrillus Hierosolym. in Cateches. 2. & 3. Mystagog. βεβαίωσιν τῇ ἰσοκολογίας S. Clemens Romanus lib. 3. Constit. c. 16. & S. Clemens Alexandrinus apud Eusebium l. 3. c. 17. Hist. Huiusce Sacramenti meminit, & Tertullianus c. 40. de præscript. c. 8. de Resurrect. Carn. c. 8. de Bapt. c. 3. de Corona militis hisce verbis: *Caro ungitur ut anima consecretur, caro signatur ut anima muniatur, caro manus impositione adumbratur ut anima spiritu illuminetur*, & alibi *signat illic in fratribus milites suos*, quin & c. 5. adu. Praxeam, & c. 14. adu. Marcion. oleo curabant infirmos Apostoli apud S. Marcum c. 6. imponebantquæ manus fidelibus, ut acciperent Spiritum sanctum cap. 8. Act. oleo firmabantur illi, cui miscebatur Balsamum, e S. Gregorio in c. 1. Cantic. nobilis ille succus vni terræ Iudææ concessus e Plinio lib. 12. c. 25. & e Diodoro lib. 19. Biblioth. siue in Engaddi monte, ubi Xylobalsama sudabant Opobalsamum, siue in viridario propè Hiericuntem e Strabone lib. 16. Geograph. natus, & collectus, vnde propagatus fuit in Aegyptum haud procul à Memphi, inque hortum translatus Christi Domini clarum incolatu, e Prosper. Cesalpin. cap. 6. de plant. Peregrin. ubi hodiequæ non profuit. e Petro la Valle in Itiner.

Itiner. Erat autem oleum, seu Chrisma in altari sanctificatum e Sancto Cypriano de vnction. sed illius qui non meminere? Concilia, Elibertinum, siue Illiberitanum c. 38. Laodiceum c. 48. Arelatense primum c. 2. Meldense, Aurelianense, Hispalense, Moguntinum Generale sextum sub S. Bonifacio. Patres, Origenes in c. 6. ad Roman. Iustinus, Innocentius I. epist. ad Decent. Gregorius Nazianzenus, Theodoretus, Amphilochius in Vita Sancti Basilij, S. Ioannes Damascenus quæst. 137. præcipuè S. Augustinus lib. 3. contra Donat. c. 19. & 20. & in Psalm. 26. & 141. & l. 2. contra Petilian. & l. 15. de Trinit. ac c. 16. Tract. 6. in S. Ioan. Epist. Albaspinæus Episcopus Aurelianensis lib. de antiq. Eccles. Polit. circa Euchar. Hoc oleum, & agnitum fuit ab Ethnicis, eoquè sanatus videtur Seuerus Augustus à Proculo, e Ios. Scaliger. in Chronic. Euseb. & Petito in leges Atticas post Tertulianum; illud augustiori cōsecrare ritu, numerosiori Comitatu, ac magnificentiore pompa cœpit Fabianus Papa Martyrio illustris, vt Ecclesiam oppressam furore, atque rabie Decij Augusti eo magis tamquam palmam extolleret; splendor enim Pontificij iubaris, vel in hoc exortu luminibus eius officiebat, *cum tolerabilius audires aduersum se Principem amulum insurgere,*  
*quam*

quam *emulum Sacerdote leuari*, e S. Cypriano. dicitur & istud Sacramentum *Consignatio* in Concilijs Hispanicis apud Loaisam. *Postquam Presbyter fideles unxerit in pectore, tangendos eos esse in fronte ab Episcopo* S. Gregorius M. affirmat lib. 3. c. 19. Regeft. & Episcopo Clusino scribit lib. 8. c. 46. vt Ecclesijs visitationis officium impendat, quò ij, qui illic Deo propitio Baptizantur, non debeant *inconsignati remanere*. Formula qua Græci Confirmantur, hæc est can. 7. Concil. primi Constantinopolitani *σφράγις τῆς δωρεᾶς τῆς ἀγίας πνεύματος*; fusè Gratian. tota dist. 5. de Consecrat. S. Hieronymus agens de Ritibus Baptismi in Dialog. adu. Luciferian. inducit ita loquentem Luciferianum, *an nescis etiam Ecclesiarum hunc esse morem, vt Baptizatis postea manus imponantur, & ita inuocetur Spiritus sanctus*, mox subdit. Orthodoxum respondentem. *non quidem abnuo hanc Ecclesiarum esse consuetudinem vt ad eos, qui longè in minoribus Viribus per Presbyteros, & Diaconos Baptizati sunt, Episcopus ad inuocationem Spiritus sancti manus impositurus excurrat*. Idem, seu quis alius in cap. 1. Marci. *Quod consummatur per sponsum ( inquit ) incipitur per Paranympum, unde Catechumeni incipiunt per Sacerdotem, & cbrismantur per Episcopum. qui Confirmare quoque dicitur, siue Crucis vexillo Consignare à Vi-*

*ctore*



Core Vticenfi lib. de persequut. Vandal. Ad-  
de can. 7. Concilij Laodiceni, S. Basilium epist.  
ad Amphilocho. Syricum Papam ad Himeriũ  
Tarraconensem, Leonem M. epist. 85. Epilo-  
gum Concilij Romani e Siluestri Decreto, A-  
rausicanom c. 8. & Epaunense can. 16. Et Spo-  
letanum istud Epitaphiũ D. P. PICENTIAE  
LEGITIMAE NEOPHYTAE A LIBERIO  
PAPA CONSIGNATAE FL. HOSPITIA-  
NVS MARITVS VXORI DVPLICEM  
SARCOFAGVM CVM TITVLO HOC  
LOCO . . OE . . . . C. . . POSVIT . .  
. . M. MERITO . . . . quod olim exscri-  
psi, satis comprobat Sacramenti antiquitatem,  
id vt consequerentur Neophyti, seu recens  
Baptizati Sabbato post Pascha conueniebant  
in Ecclesiam albis adhuc vestibus induti, quas  
susceperant in Baptismo, vnde Sabbatum in  
Albis dicitur, quin & Dominica sequente, in-  
terim septem illis diebus pernoctabant vigiles  
Neophyti, vt Amalarius testatur lib. 4. c. 27.  
de offic. Eccles. propter Sacramentum præsenti-  
tis vitæ, & propter septimam diem, qua requiẽ  
animæ Sanctõrum recipiũt exutæ à corporibus,  
vel septiformem Spiritum, qui per vnãquã-  
que diem diuerso cibo alit suos, quemadmo-  
dum in Pentecoste. Baptizati aliquando Con-  
firmabantur statim post Baptismum, vti vult

Vicecomes lib. 1. c. 4. & l. 2. c. 1. de Confirmat.  
 nec abnuerim id vsitatum quoties instaret, vr-  
 geretquè necessitas, & sæuiente persecutione  
 Gentiliū, aut posterioribus sæculis, aut pro-  
 pter infantes. vt in Ordine Romano apud eū-  
 dem Vicecomitem, & Menochium. hic autem  
 primigenium ortum inuestigamus, & primæ  
 Ecclesiæ nascentis exordia, quibus adulti tin-  
 gebantur. verū septem dies inter Baptis-  
 mū, atque Confirmationem intercessisse probat ip-  
 se Vicecomes, dum vestes candidas totidem  
 diebus gestatas, Vigiliisque obseruatas consen-  
 tit, hora tertia Confirmationis ministerium  
 peragi solitum indicans: at Rabanus Maurus  
 lib. 2. de Institut. Cleric. c. 39. euincit, & rursus  
 Amalarius lib. 1. c. 29. de Offic. Eccles. & in-  
 super Iuo in serm. in die Paschat. Apponam  
 Rabani verba: *Quos dies septem Albas vocita-*  
*mus propter eos, qui in sancta nocte Baptizati Al-*  
*bis per totam Hebdomadam vtuntur vestibus, &*  
*tunc maxime dum Alba tolluntur à Baptizatis*  
*vestimenta per manus impositionem à Pontifice*  
*Spiritum sanctum accipere conueniens est.* Ea  
 Bosius refert in Nott. ad passionem S. Cæcilie,  
 Duraudusquè asserit Baptizatos non nisi septē  
 diebus post Baptismum Confirmatos fuisse  
 propter dona Spiritus sancti, quem, vt accipe-  
 rent illa, singulis illis diebus, singula, inuocabāt  
 adhuc

Septem  
 dies  
 inter  
 Baptis-  
 mū  
 atque  
 Confirmationem  
 intercessisse  
 probat ipse  
 Vicecomes

adhuc candidati: In quibusdam ( inquit lib. 6. c. 8. Rational. ) Ecclesijs septem diebus post Pascha cerei Catechumenorum immerguntur &c. Neophyti ergo Dominica in Albis deducebantur à *Patribus Lustricis*, quos *Patrinos* vocant, & compatres, tuncquè *susceptores*, quia susceperant eos e sacro fonte, sine quibus sicut olim nemo Bautizabatur e Becillo in S. Caio, & Vitis Patrum, vbi Rosveydus, ac Glossographo Gratiani in c. peruenit 30. q. 1. & tota dist. 4. de Consecrat. erant enim quasi *fideiussores*, vadimoniumquè præstabant. S. Ambrosius compellat illos *adductores*, S. Dionysius *ἀναδούχης* in Cælest. Hierarch. Tertullian. c. 18. de Baptism. *Sponsores*, vbi Pamelius, S. Augustinus *fidei Doctores*, & S. Gregorius Nazianzenus *initiatores*. Ita etiam nullus Cōfirmabatur absque Patre Lustrico e Vicecom. lib. 1. c. 11. de Confirmat. Lutolph. Saxon. in Vit. Christ. par. 1. c. 24. Hygino Papa apud Gratianum dist. 4. de Consecrat. c. 10. Nicolao Primo, & Concilij Parisiensi, ac Vermeriensi, alius quidem debet esse patrinus Confirmationis à patrino Baptismi ex c. in Catechismo dist. 4. Neophyti (inquam) deducuntibus patribus lustricis Dominica in Albis sistebant se Pontifici, qui hora tertia imponebat illis manus, & oleo Chrismatis eorum frontes in modum Crucis

deliniens eos Confirmabat , mox sacris opera-  
batur, eisdemque Neophytos Corpore, ac Sā-  
guine Domini pascebat, Eucharistiam porri-  
gens, nam Confirmatio præcedebat Commu-  
nionem, vt Loaisa docet in Concilia Hispan. &  
hæc tria Sacramenta simul annexa erant, licet  
*Vigilia*  
*hæc tria*  
*in luty*  
 sapius aliquot diebus interiectis : In Ecclesia  
quidē Vigilare soliti erāt Christiani ex præce-  
pto Domini, qui Apostolos hortatus est ad Vi-  
landū consuetus ipse insomnes noctes in ora-  
tionibus, seu precibus transigere, imò dixit  
omnibus *Vigilate*, & ideò lumine illis opus  
erat, præcipuè verò Vigilabant in nocte Pa-  
schale Iudicem Christum in ea venturum ex-  
pectantes, vti Bonardus adstruit e Tertulliano  
in Apologet. & alijs Patribus, tuncque lampa-  
das, & cereos permultos accendebant ad Ec-  
clesias, quæ vt plurimum erant occultæ, atque  
subterraneæ, & obscuræ illo æuo, illustrandas.  
Baptizabant etenim, & vacabāt officijs, mune-  
ribusquē alijs sacris, & cereoli Baptizatis da-  
bantur, & Paschalis cereus Benedicebatur, ce-  
raqū multa congerebatur ad eos vsus, vnde  
canone 82. Apostolorum iam laudato cleri-  
cus, vel laicus, qui surripuerit ceram, vel oleū  
à sancta Ecclesia, seiungitur à consortio, &  
can. 81. si quis Christianus, oleum tulerit ad  
sacra Gentilium, vel Synagogam Iudæorum  
festis

festis ipsorum diebus, aut lychnos accenderit, pellitur e societate. ceram quoque, pro sacris Gentilium comprehensam fuisse autumo, nam & incerbant illi genua Deorum suorum, vt Iuuenalis in Satyra loquitur, vtquè Prudentius.

*Incerat lapides fumosos Idololatrix Religio*, affigebant nempe vota e cera vel exarantes, vel efformantes simulacrorum genibus, vt exponit Ioseph. Scaliger, vtquè præfatus sum pluribus, in Saturnalibus, inque Floralibus eos adhibebant, & in priuatis cultibus. *Asclepiades Philosophus Deæ cælestis argenteum breue figmentum, quocumque ibat, secum solitus afferre, ante pedes statuit Apollinis Daphnæi Antiochiæ sublimis, accensisque cereis ex usu cessit.* auctore Ammiano lib. 22. Histor. Encausticen tunc viguisse non dubium est e Plinio lib. 35. c. 11. apud Romanos, celebratquè festiuo Disticho Martialis pictorem Encausticum, *qui Phaëtona fecerat dipylon.* picturæ genus est, qua ceram adurentes pingunt cauterio, de illa Ouidius, Iurisconsulti in l. pictoris D. de fundo iustr. Nebrissen. in Lexic. Coluius in Nott. ad Sidon. Turneb. l. 24. c. 17. Adnersar. Vtque legimus in versione lxx. lib. 2. Machab. c. 2. nec ipsis Hebræis erat ignota; nam quod in vulgata est. *ei qui pingere curat, in ista ponitur τὸ δὲ ἑκατόν, καὶ ζωγράφου ἐμπνεύσει.* In ipsis Eccle-

siæ initijs picturam vsurpatam compertum est,  
 ne quid dicam de Imagine Christi Edessena,  
 deque tabulis pictis à S. Luca; nec eam tan-  
 tum, quæ plana vocatur, & coloribus in tela,  
 ligno, vel muro expressis delineatur, sed & Ana-  
 glypt cam, seu expressarum statuarum, ac ecty-  
 porū, Statua Christi in Paneade, atq. Crucifixi  
 Domini effigies Nicodemi arte fabricatæ satis  
 id probant: Et verò erant in pariete Templi  
 Salomonis cælaturæ palmarum, picturæque  
 prominentes lib. 3. c. 6. Regum quin & Cheru-  
 bim l. 2. c. 3. Paralipom. nec æneas statuas rei-  
 cit Germanus Patriarcha Constantinopolita-  
 nus in epist. ad Thomam Claudiopoleos Epi-  
 scopum inserta septimæ Synodi actione 4. Imò  
 & Encaustice fuit adhibita, nam tunc e frag-  
 mentis, & segmentis, atque particulis cerei  
 Paschalis effingi cœperunt Agni admista, quæ  
 supererat, cera, & Baptizatis, Chrismate sacro  
 delibutis, & sacrosancta Eucharistia munitis  
 distribui, quod innuunt versus incisi peristyllo  
 Baptisterij Constantiniani à Panuinio prolati.  
*Pura, vel uda salutiferis imbuit ora cibus,* erant-  
 què symbola Christi, & Christianorum, vt di-  
 xi. Vicecomes lib. 5. cap. 51. de Ritib. Baptism.  
 sigilla ista cerea, sacrasque icunculas datas pu-  
 tat fidelibus à Pontifice ipsa die Baptismi, seu  
 Sabbato sancto, delatasque octiduo, & Sabbato  
 in

in Albis depositas, vnaquè Albas vestes; Schultingius Albas vestes in Baptismate, seu Sabbato Patchali acceptas à Baptizatis, in Octaua, seu consequenti Sabbato exutas, & positas Tomo 3. Biblioth. Eccl. de Octaua Paschæ notat, simulque admonere Vvidmanstadium in Præfatione Testam. Syriac. Romæ antiquissimo ritu cereas imagunculas à Baptizatis etiam acceptas, quibus ab impressa effigie nomen erat Agni Dei, argumentum cui nirebatur Vicecomes, hinc petebat, quia clamabat ad Pontificem Acolythus Agnos cereos offerens. *modò venerunt ad fontes, &c.* sed cum ex Ordine Romano certissimum sit Agnos Dominica die, tum Sabbato in Albis fuisse distributos, Catechumenos verò antea tinctos in Sabbato Paschali, de ipsis Agnis cereis interim, ac denuò immerfis, & ablutis propriè proclamatio illa est intelligenda, de Baptizatis autem metaphorice, atque cum aliqua mora, nam anteriori Sabbato ab Archidiacono formabantur Agni, vel à Pontifice, atque Cardinalibus ab ipsa die Paschale ad Sabbatum vsque lauabantur, quamobrem gestari, deponique non potuerunt cum vestibus Albis, qui necdum efficti, lotiquè fuerant; octiduum illud *festiuum* vocat cū *cessatione* scilicet ab operibus seruilibus Concordia Regulæ Anianensis. Chrismate

vnctis, & Cōfirmatis à Pontifice traditos Neophytis Agnos cereos, colloquē appensos Durandus Episcopus Mimatensis acerrimus indagator Cæremoniarum Ecclesiasticarum lib. 6. c. 8. & 84. prodidit in Rationali Diuinorum Officiorum, quod anno 1286. compilauit, vt ipse testatur lib. 8. c. 9. obiit autem anno 1296. vt liquet ex eius Epitaphio in S. Mariæ de Minerua Romæ, vbi situs est. vtque Subdiaconus simul offerebat Neophytos, ipsosquē cereos orbiculos in lance delatos Pontifici, cōcinebatquē. *Pater sancte, Isti sunt Agni nouelli, qui annuntiauerunt vobis Alleluia, modò venerunt ad fontes, repleti sunt claritate Alleluia.* ad quæ alludit Poeta versuum Baptisterij Constantiniani. *Alleluia nouis balat ouile choris.* verum Pontifex Chrismate oblitis, cum vestes posuissent Albas, seu potius Infantibus, quos nudos Baptizarat, vestitis in Sabbato sancto, Confirmatisquē dabat *Stolam candidā, & Chrismale*, ac decem *siliquas* ex Ordine Romano, erat *Chrismale* velum, quo frons inuncta Chrismate inuoluebatur, e Vicecomite lib. 5. c. 48. de Bapt. & Menochio par. 1. c. 9. Tegetum, seu Storearum, erant *siliquæ* monetæ genus, vel frugum, quibus adolescens prodigus vescebat cum porcis. E collo pependisse Agnos arguit Vicecomes, quia manus cereo impedi-

batur.



batur ne aliam rem comprehendere posset, adibant enim Ecclesias per eam Octauam manibus gestando cereos in Baptismate traditos manu quoque deducebant eos adductores; at post cōmunionem die Dominica distribuebat inprimis Agnos Archidiaconus, cui opes Ecclesiasticæ creditæ erant, sacrique cura commissa, & dispensatio ærarij, & qui, omnia ut decorè, atque magnificè perageret, Agnos effictos e cera pro monimēto, & amuleto Christianis dabat in Ecclesia Lateranense, dum in alijs Ecclesijs cereus Paschalis diuideretur, ceræquæ crocææ fragmenta darentur, at illa, quæ constabant Agni, candida erat, & munda, ex Urbani V. versibus, & in vase mundo miscitabatur ex Ordine Romano, & abluebatur sæpius, crediderim quamdiu adultos tingere moris fuit, & publicus Baptismus perdurauit, Archidiaconum Dominica id præstitisse, at eo Baptismo desueto, & exolescente ipsum Pontificem Agnos conflatos, & Benedictos per Hebdomadam Paschalem, die Sabbati distribuissē fidelibus, Cōfirmatione ad Pentecosten dilata propter aduentum Spiritus sancti, & cōmunionē diei Cœnæ Dominicæ, atque Paschali Festiuitati adsignata. Hæc sunt incunabula, & hic est fumus Agnorum Dei, ut loquuntur Iurisconsulti forenses, e cera, & e cereis: Sed in-  
clare.

clarescit e S. Augustini Regula in epist. 118. iam adducta, secundum quam omnium rituum sacrorum origo ad Christum, & Apostolos referebatur. Lucemquæ produnt illarum illustriorem Acta S. Agnetis, quæ, si S. Ambrosij non sunt, certè Adhelmo, qui septimo sæculo floruit, antiquiora existunt, refert ea Bollandus Tom. 1. Sanctuarij, exstantquæ Tom. 2. Operum S. Ambrosij lib. 4. epist. 54. Hexametris ea versibus reddidit Hrosuita Illustris Virgo, & Monialis Germana, quæ floruit Othonum Primi, & Secundi Saxonum Augustorum ævo, at Elegis, vel Hildebertus Episcopus Cenomansis, vel Philippus Abbas Bonæ Spei Sancto Bernardo quoque Synchronus; profitebatur illa se Christianam, Baptizatam (scilicet) Confirmatam, & Eucharistiam percepisse, omnesquæ ritus horum trium Sacramentorum mysticis exprimit, & interdum proprijs verbis. *Mel, & lac* (aiebat) *ex eius* (id est Christi) *ore suscepit*. Libationem mellis, & lactis indicans, seu prægustrationem vsitatam Catechumenis, de qua superius, & in Actis S. Susannæ, in quibus Caius Pontifex, cum eam sacro tinxisset Baptismo, & Cōfirmasset *Alexandrum, Cutiam, & Præpedignam*, obtulit pro illis sacrificium in eadem domo, & cōsecrauit Corpus, & Sanguinem Domini nostri Iesu Christi, & lac, & mel, & fontem,

tem, participauitquē cum omnibus mysterium  
 Dei, vt refert P. Menochius par.4. c.79. Tege-  
 tum; induisse Sancta Virgo se gloriabatur Cy-  
 cladem auro textam, id est Albā c.3. ad Galatas  
 ἐνδυα χρυσὴ dicitur; annulo fidei subarrhatam,  
 id est Baptismi aquis ablutam, quem annulum  
 Tertullianus lib. de pudicitia compellat. Si-  
 gnaculum lauacri, S. Paulus explanat scribens,  
 Christum nos signasse, atque arrhabonem dedisse  
 spiritus nostris in cordibus, seu pignus, in 2. ad  
 Corinth. c.1. in quo credentes signati sumus spi-  
 ritu promissionis, qui est arrhabon hereditatis no-  
 stræ, vti repetit c.1. ad Ephes. characterem  
 Baptismi animæ impressum cū infusione gra-  
 tiæ denotans, aqua eleuata per potentiam obe-  
 dientialem. Describit ista Periphrase Confir-  
 mationem. Posuit signum in faciem meam, vt  
 nullum alium amatorem admittam, innuens tam  
 duplex signum visibile Crucis, quod indiderat  
 Pontifex eam vngens in fronte Chrismate, quā  
 inuisibile signaculum fortitudinis, & constan-  
 tiæ à Spiritu sancto animæ insculptum, quæ  
 Prudentius insinuat canens de populo Roma-  
 no: Catibus aut magnis Lateranas currit ad a-  
 des, Vnde sacrum refert Regali Chrismate signū,  
 hæc signa Ezechielis in prophetia significauit  
 Angelus c.9. Seu vir talare veste linea indutus,  
 seu ad pedes vsque demissa insus à Deo transire  
 per

*per mediam Ciuitatem Hierusalem, & signum imprimere in frontibus virorum lugentium, quod nonnulli Thau vltimum Hebræorum elementum censent quasi Tham id est perfectum, seu Thora, id est legem, siue Trichie id est viuas, imò vti SS. Ambrosio, & Augustino, ac Alexandrino Clementi, & Tertulliano, atque Sancto Hieronymo visum, Crucem. e Menochio par. 5. c. 69. Huius rei Antiquarius præstantissimus æneum exhibuit quondam mihi monumentum, in quo visebatur imago senis cum atramentaria theca, & penna signantis frontes iuuenum, & cui erant inscripti versus isti Leonini. *Thau Crucis est signum, sed magno nomine dignum, nam premit interitum, quod Crucis est meritum.* Sic apud S. Ioannem in Apocalypse c. 7. Angelus signat prædestinatos in frontibus eorum. Interpretes vetusti obseruant signa visibilia dici à Græcis *σημεία*. & signacula inuisibilia *σφραγίδες*. In Confirmatione vtrumque signum scilicet, atque signaculum infigitur, nam & imprimitur inuisibilis character animæ, sigillum scilicet gratiæ dono Spiritus sancti, & tam manu in Crucem conformata, quam Chrismatis liquore Crucis efficta forma frons signatur, vnde superdicit Episcopus, *Signo Te signo Crucis, & Confirmo Te Chrismate salutis, quin dum reconcilianter Apostata, Schif.**

Schismatici, vel Hæretici ad Ecclesiam reuer-  
tentes, signantur in fronte ab Episcopo Crucis  
signo, & ille dicit: *Accipe signum Crucis Christi,*  
*atque Christianitatis, quod prius acceptum non*  
*custodiisti, &c.* Et si verò de Confirmatione,  
hæc intelligant tam Gallonius in Vita Sanctæ  
Agnetis edita Italicè, quam alij viri docti. quid  
vetat alludi, & ad signum aliud visibile Cõfir-  
matis, & Eucharistia pãstis tribui, & assignari  
solutum? nam Crucis signa tam manu, quam  
oleo indita transeuntia erant, sed Agni effigies  
e collo pendula perstabat, inque sinu, & con-  
spectu posita, & Christianum assidue admonēs  
*in faciem*, aut in facie, *ἡστὸς τὸ πρόσωπον*, vt in  
Psalm. 83. & instar Encolpij à S. Gregorio Ma-  
gno missi ad Eulogium, seu *Benedictionis, quæ*  
*oculis ipsius supponeretur*, vel *ἐνώμων*, vt Psalm.  
105. id est coram. adi Hesychium, & Iliad. ζ',  
& Etymologicon Orionis, quod Illustrissimus  
Ioannes la Farina publico bono in lucem  
profert, defæcatum, & exornatum. Sic enim  
Græcè phrasis ista concepta foret, si Acta ista  
Græcè reddita exstarent, verùm in Menæis  
concisa sunt admodum, & quasi redacta in  
Epitomen, & ita intexuit Operi suo Bollandus  
Latina cum versione. In Actis S. Martyris Eu-  
stachij apud Lipomanum, & Surium die 2.  
Nouembris cum Ioannes sacerdos ( vt narrat

Si

Simeon Metaphrastes ) ipsum Eustachium, & familiam Baptizasset, & Christi Corpore, ac Sanguine pauisset, Dominus Eustachio dixit : Inter alia, *accepisti arbam incorruptionis & signatus fuisti, ut sis ovis mei gregis.* Compungebantur notis serui, ut innotescerent heri, ad quos pertinebant, & ab his vindicari possent, hinc à Romanis inscripti vocitabantur, & litterati, à Græcis *στυματία*; memorat Herodotus Templum Herculis, ad quod si qui confugerent serui, seque Deo tradentes τὰ ἱερὰ στυματὰ sacras notas susciperent, nefas erat eos tangere. S. Paulus scribit se Domini Iesu stigmata in suo corpore portare, S. Franciscus reapse circumtulit; ita Sancta vociferabatur Agnes se notis, & signis Christi in faciem suam exceptis Christum solum Dominum agnoscere, & illi vni asserendam, maculas, & sordes corruptorum auersari. Phrasis itidem in faciem meam pro in facie mea in Biblijs vsitata est, & facies pro sinu sumitur, Machabæor. 1. c. 14. & Matth. c. 14. Psalm. 30. & 41. quodque in vberibus est, ante, coram, ad facies, & in facie dicitur. Leuitic. c. 27. Numer. c. 4. Ezech. c. 25. & Genes. c. 17. Sic S. Agnes gestabat Christi signum antè pectus, continuum sponsi sui Mnemosynon, ut eo viso memoriam ipsius haberet perpetuam. Agnum nimirum cereum, præueni-

ret.

retquē aliorum amatorum blanditias, & certiores eos fieret, ab alio se præuentam amatore, vti sponsa Cantic. 8. cupiebat poni super brachium, & cor sponsi quasi signaculum, quod in omnibus affectibus, & cogitationibus, quarum initium, & fons est cor, inquē omnibus operationibus, quarum principium est brachium, meminisset ipsius sponsus, ita ipsa recordari se sponsi demonstraret, dilectum suum locans tamquā myrrhæ fasciculum inter vbera. Demum Eucharistiam à se susceptam profert, dum insonat: *Iam corpus eius corpori meo sociatum est, & sanguis eius ornauit genas meas euaserat enim Christi σὺσσωμος, & σὺναιμος* concorporea, & cōsanguinea, vti S. Ioannes Chrysostomus eloquitur: Et si hæc necdum satisfaciunt, quia subiungit: *Dexteram meam, & colulum cinxit lapidibus pretiosis, tradidit auribus meis inestimabiles margaritas, circumdedit me vernantibus, atque coruscantibus gemmis,* quantumuis ista Maximus Taurinensis de ornamentis animi exponat, vel similia penes Ezechielem c. 16. propriè tamen designant munuscula varia, quibus Baptizati, & Chrismate, ac Eucharistia donati cumulabantur, Annulos, qui digitis inferebantur cum Christianitatis symbolis, Agnos cereos e collo appensos, ex auribus inaures, vel ἰμβρία insignia fidei, quæ est

ex

ex auditu, & fidelitatis . Tertullianus quidem c. 10. de cult. foeminar. scrupulosa vulnera, quæ inferuntur auribus, non probat, nec Achillem aurem quoque foratu effoeminatum, quod illi apud Sigæum statua seruat cap.4. de pallio, tamen c. 15. Deuteron. Serui, aut ancillæ diligentis Dominum, nec ab eo discedere præoptantis iubetur auris subula forari in ianua, & Exodi c. 22. in aures erant ornamenta muliebria, pro Rebecca Genes. c. 24. rursus Exodi c. 32. & 35. & Iudic. c. 8. Iob restituto cognati, & amici dederunt gratulantes singuli ouem vnâ, & in aurem vnâ auream cap. 40. adde Iudith c. 10. Osee 2. Isaïæ 3. atque Proverb. 25. In calce Liturgicorum e m. s. Codice Anglicano ex Instituto S. Gregorij Magni Troparium assutum exstat ad recens Baptizatos in Pascha, vel Pentecoste, inque illo inter alia *Donatum vobis (dicebatur) signum à Salvatore dignum, qui pependit in Cruce, & tradidit Baptismum*, quibus verbis munus, seu donum Agni cerei adumbratur, quod Pontifex elargiebatur Christianis Baptismo, Confirmatione, ac Eucharistia præmunitis, & omni ex parte perfectis tamquam signum expressum, concludebatur inibi. *Hic est fons beatus, qui protegit albatos, dignos immaculatos, & balsamo Chrismatos*. Acta S. Agnetis cum Actis S. Eustachij,



stachij, & S. Susannæ, cumquē Prudentij versibus, & Tropario suprascripto collata, & perpenſa efficiunt vt ſignorum, ſiue Agnorum cereorum fulgor, qui e Canonibus Apoſtolicis innotuerat, eluceſcat, quibus adnecti poſteſt, & ars mira, qua Euphraſia Virgo Nico-  
medienſis procaciam laſciuſentis iuuenis eluſit, dum ſe finxit Magam, & cera circumlitum collum obtruncandum obtulit incauto amatori, qui contaminare ipſam inhians pudicitie inſidiabatur, e Nicephoro Calliſti lib. 7. c. 16. Hiſt. Eccleſ. ſub Diocletiano ad annum Chriſti 309. vt putat Cardinalis Baronius in Annall. & ad Martyrol. 13. Martij. Ab exordio naſcentis Eccleſiæ ritum Agnorum cereorum uſurpatum Canones Apoſtolicī laudati demōſtrant in primo ſæculo, Euſtachij Acta in ſecundo, paſſus eſt enim generoſus ille dux ſub Hadriano Aug. ad annum plus minùs 120. Chriſti, & in illis dicitur à Domino. *Signatus ut ſit ouis*, Suſannæ in Actis *ſons conſecratur* utique cum cereo, & *myſterium Dei cum omnibus* participatur, ſeu e cera ſigillum myſticum ad annum 294. ſeu tertio ſæculo, antea ſub Decio, & Valeriano ad annum 254. & 255. ex Actis S. Laurentij apud Prudentium iam prolatum adſtabant in ſacris Chriſtianorum *fixi cerei*, S. Agnes ſub Symphronio, ſeu Sem-

pronio Præfecto Urbis martyrium fecit ad annum 304. hoc est in quarto sæculo circiter, & *signum in facie, seu sinu accepit, collumquæ suum lapidibus pretiosis iactat cinctum*, cereis nempe icunculis, Eufrasia *cera circumlitum collum* resecandum porrexit ad annum 309. Agno cereo circumseptum. Prudentius à Populo Romano *sacrum signum* referri *Regali Chrismate* canit ex Aede Lateranense, Theodosij ævo, & Codex Anglicanus *disertè signum illud* exprimit. Ita in quatuor primis Ecclesiæ sæculis Agnorum cerea signa comperiuntur. Aperiebat Agnus ( ut in Apocalypse scribit fidissimus eius, & carissimus Amanuensis S. Ioannes c. 6.) Libri sigilla septem, id est Sacramenta, sacrosque ritus adulescere in Cryptarum tenebris, & latebris volebat, & inter illos istum Agnorum e cera; legimus etiam S. Agnetem parentibus ad eius sepulcrum assidue vigilantibus quadam nocte Virginum choro comitatam apparuisse, atque ad ipsius dexteram Agnum niue candidiorem stantem, qui Christum significaret, & quicum in cœlo se vivere proloquuta est in Martyr. Rom. 28. Ianuarij, ut significavit Agnus, qui S. Clementi Papæ, & Martyri visus in solitudine Urbis Chersonæ, seu prope Chersonam Urbem Chersonesi, ubi Martinus quoque Papa I. etiam martyr exulavit ( his enim

enim Pontificiam maiestatem Regio illa excipere meruit) Agnus (inquam) dextro pede attingens fontem aquæ dulcis, & sicut Agnus, de cuius, & Dei sede fluuius aquæ vitæ splendidus tamquam crySTALLUS procedebat c. 22. Apocalyps. quæ verba de Spiritu sancto procedente à Patre, Filioq. Latini aduersus Græcos interpretabantur Carolo M. imperante, si qua fides Faucheto in Annal. Francorum. Hisce quatuor sæculis in illo æstu Diabolici furoris, & quasi Chaos insultum Infernorum contra Ecclesiam decem in persecutionibus perierunt plurima; supersunt tamen reliqua, velut e naufragio tabulæ, quibus assequamur initia vetustiorum rituum, nonnulla monumenta. Inter Lupos, qui Agnos hosce cereos dilaniare gaudent: Deus Opt. Max. prouidit, & effecit vt vnus non sciret Munsterus, quin Religiosum hunc morem asseruit, dum inter reculas inuentas Romæ in sepulcro Mariæ filiz Stiliconis e Serena filia fratris Theodosij Augusti, & quæ Imperatoris Honorij coniux fuit, recenset non solum laminulam auream, cum hisce verbis Græcè scriptis *Michael, Gabriel, Raphael, Vriel*, verùm & Agnum Dei, seu Bullam gemmis distinctam retinentem hasce litteras. **MARIA NRA NOSTRA FLORENTISSIMA**, quod e Surio, & Fauno probatum

batum fuit. Mariam istam certum est Hono-  
 rio Augusto coniunctam fuisse foedere nuptia-  
 rum, qui annum ætatis decimumquartum in-  
 choarat Mense Septembri, anno Christi 398.  
 vt auctor est Card. Baronius e Claudiano. de  
 illa intelligens S. Ioannem Chrysostomum in  
 epist. ad vid. iun. dum scribit ex vxoribus eo-  
 rum, qui tunc regnabant, alteram ex pristinis  
 calamitatibus respirantem magnæ voluptati  
 magnum habere dolorem admistum, eo quod  
 qui potitur, nimis iuuenis, & nullius vsus est,  
 multosquæ habet vndique insidiantes. Eam  
 verò donatam Agno cereo à Pontifice, vt si-  
 gno Christianitatis, & tessera post Baptismum,  
 Confirmationem, ac Eucharistiam hinc liquet,  
 qui Agnus cum ipsa fuerit consepultus. certè  
 Virgo defuncta est, sicut & ipsius soror Ther-  
 muntia, seu Thermantia, quam Honorius su-  
 perduxit e Marcellino Comite in Chronico.  
 Quo modo Reliquiæ Sanctorum demortuis  
 Episcopis contumulantur ex antiquo more,  
 Cruces quoque fidelibus inhumatis fuerunt  
 inditæ, ne Dæmones eorum cadaueribus illu-  
 derent, & A cum Ω. adiungebantur Christum  
 denotantes litteræ, quod obseruarunt Ambros.  
 Morales lib. 11. c. 41. Maluenda de Antichri-  
 sto lib. 8. c. 18. Maldonat. in c. 8. & 28. S. Mat-  
 thæi, Robert. in Gall. Christian. n. 81. Episcop.  
 Lin.

Lingon. particulas itidem Sacrosanctæ Eucharistia nonnulli recondebant vnâ cum defunctis intra sepulcra, idque Canone Trullano 83. in Synodo Quina sexta veritum fuit, vbi de non danda mortuis Eucharistia Balsamon, & Zonaras in Nomocan. Albaspineus Episcopus Aurelianensis lib. 1. obseru. sacr. c. 9. & Rosveydus in Vitam S. Basilij inter Vitas Patrum. In sexto sæculo sedentibus Zosimo anno 417. & Gelasio anno 492. Agnorum cereorum vsum in Ecclesia Romana viguisse iam cõstitit, quin & sub Gregorio M. anno 592. in sæculo sexto, inque septimo, & sub Theodoro Primo anno 640. sub Leone III. anno 795. in octauo, sub Ludouico Pio Augusto anno 830. in nono, (decimum, & vndecimum obscurarunt inertia Scriptorum, & bellorum, calamitatumque acerui) deinceps annis 1140. 1192. 1200. 1286. 1326. 1336. 1342. 1361. in sæculis duodecimo, decimotertio, decimoquarto; in decimoquinto, & decimosexto, ac decimosextimo ita clarum est, vt testibus non egeat. Sic Ecclesia in possessione continua est huius ritus per singula sæcula in ea vsurpati. Et quamuis in sæpedita Synodo Quina sexta Græci prohibuerint Christum Dominum Agni specie depingi, & videantur perstringere ritum istum Romanæ Ecclesiæ can. 82. & apud Gra-

tianum c. sexta dist. 3. de Consecr. sicuti Sabbati ieiunium, quod Romæ seruabatur, vel e. S. Ambrosio in Quadragesima conuellere visi erant can. 55. & continentiam, vnde vocatur Erratica Synodus, fuitquæ reprobata iam dudum, existimat tamē R. P. Raynaudus id nec ab ipsis factum simpliciter, nec in perpetuum, sed prætulisse illos Christi effigiem sub humana forma, vt temperarent vsum tunc frequentissimū, & quasi perpetem exprimendi Christum Agni similitudine. Adnotat simile quid Gretserus Agnis cereis, eadem nimirū constans materia, distribuisse Patriarchas Constantinopolitanos lib. 2. c. 34. de Benediction. qui suæ xl. initio Thymiamata populo vtique ad fussitum dilargiebantur, die autem Palmarum Cruces, atque cereos, tertia post die iterum Thymiamata; tandem in Festo Paschæ numismata, quasi Presbyterium, docuerat id Balsamon. Tom. 1. Iur. Græco-Rom. in propria Melete, seu Meditatione de hoc argumento satis infelicitè vocem Βασιόν exponens. dabantur (inquit) loco Rogarum, atque vice Baiorum incensa, seu thura in die Catechesis, & magna feria quarta cerei cum incensis, & denique cū Crucibus cerei quoque Dominica, qua Baia, seu rami gestantur, aureos etiam Numos Clericis admetiuntur Patriarchæ die Pascharis. Verum

rum

rum de hisce fusè, cum de Rosa aurea libro singulari differtabo. Moris quidem est in Occidente viris Principibus aduenientibus, & cū pompa solèmnè ingredientibus Ciuitates offerri à Ciuibus cereos, seu scolaces e niuea, & candidiore cera cum Bellarijs.

## CAPVT DECIMVM TERTIVM.

**P**Lura, qui <sup>re</sup>quiret Iacobum Sirmondum consulat in Notis ad Ennodium, Costanum lib. 4. Institut. Christian. vbi Agnorum Dei virtutes enumerat, & Andreæ Frusij carmen inserit, vti Raynaudus, Casalium virum primum, mihi què peramicum Romanum Patricium patriarum Antiquitatum Scriptorem diligentissimum lib. de Vet. Eccl. Ritib. c. 5. & 38. Spondanum Episcopum Apamiensem alterum Historiæ sacræ lumen in Epitome Baronianorum Annalium, Azorium Tom. 1. Institut. Moral. l. 9. c. 9. quæst. 2. & 4. Sanchez l. 2. c. 43. Oper. Moral. Auctorem Antiquit. Liturgic. Tom. 2. Gretserum de Benediction. lib. 2. c. 34. Silu. Petrasanctam indefessum Ecclesiæ pugilem Tom. 5. Thaum. c. 15. Decus insignis Auenionis Lorinum in Act. Apostol. Tomo 1. in c. 8. versic. 32. vbi laudat Theodorum Studitem, qui epist. quadam (ea est 8. lib. 2.

in Cod. Column. ) apud Baronium Tom.9. ad annum 814. hæc recitat S. Ioannis Chryso-  
 stomi verba : *Ego ex cera fusam amo picturam pie-  
 tatis ergo factam*, rationem quoque dat idem  
 Theodorus ex eodem Chrysoftomo in serm.  
 de vno Legislatore. *Vidi enim Angelum in  
 imagine Barbarorum copias in fugam vertentem,  
 vidi protritas Barbaras gentes, & Dauidem*,  
 sed post subdit canonem Patrum sextæ, seu  
 Quinæ sextæ Synodi. *In quibusdam Sanctarum  
 imaginum picturis Agnus exprimitur, refert enim  
 nobis Agnus hic verum Agnum, quem lex signifi-  
 cat, quem Precursor digito demonstrat.* Hinc  
 argui tantum potest picturam e cera S. Ioan-  
 ni Chrysoftomo haud fuisse ignotam, atque  
 approbatur sub Honorio Aug. viguisse, Ro-  
 mani ciues nobiles in atrijs disponebant ab an-  
 tiquis vsque temporibus effictos e cera maio-  
 rum vultus, vel e Satyrographo. *Tota licet ve-  
 teres exornent undique cere Atria, nobilitas vera  
 est, atque unica virtus.* adi lun. lib.3. de pictur.  
 vet. S. Carolus Borromæus Cardinalium sacri  
 Collegij iubar immortale maximi eos facie-  
 bat, vt in Concilijs Mediolanensibus videre li-  
 cet, in honore habuit, & S. Ignatius Societatis  
 Iesu auctor e Ribadeneira in eius Vita, & Pius  
 Quintus Pont. Max. à quo benedicti Agni sūt  
 in opinione mirabiliterque à cunctis æstiman-  
 tur



tur teste Caraccia in illius Vita, & laudatus Salmeron in litteris datis Neapoli 9. Iunij anno 1566. ad eundem Cardinalem Carasam rescribens Italico idiomate; gratiasquē agens de missis Agnis Dei, luculenter id attestatur. Pius ipse V. victoriæ spem faciens militibus cū Turcica classe ad Echinadas insulas pugnaturis cereos Agnos quasi sacra pignora diuisit, ea verò præclarissima consequuta est, vt Petrasancta memorat lib.1. Thaumaf. c.40. mittebat & Sixtus V. Agnos Dei Principibus cum Diplomatis, seu Breuibus Pontificijs, vt Bonardus tradit, nec ita pridem Excellentissimus Prænestes Princeps Thaddeus Barberinus Urbis Præfectus inter alia sacra dona ingentis pretij, quibus Serenissimam Mariam Austriacam Reginam Hungariæ, & Bohemiæ, deinde Imperatricem, muneratus est, Anconæ, cū ad eam Urbani VIII. Pōtificis patruī sui gloriosissimæ memoriæ nomine salutandam, & excipiendam missus fuisset, vt olim anno 1193. Otho Illustrissimus Urbis Præfectus ad Constantiam Imperatricem. e Godefrido in Annalibus, Agnum Dei cerēum à Pio V. sanctissimo Pontifice Benedictum obtulit cum Breui, quo Urbanus Reginæ ipsi, dum Agnum illum gestaret, Indulgentias elargiebatur. En aliquam illius partem. Dilecto filio Nobili viro Thad-

Thaddæo Barberino nostro secundum carnē ex fratre nepotī Vrbanus Papa VIII. Dilectē fili nobilis vir salutem, & Apostolicam Benedictionem. Quæ sit paterna nostra erga charissimam in Christo filiam nostrā **MARIAM** Hungariæ, & Bohemiæ Reginam Illustrē, charitas, & dilectio, ex hoc, vel maximē ab omnibus cognosci posse arbitramur, quod nullam occasionem paterna studia, & officia nostra eidem exhibendi, quantum cum Domino possumus, præterlabi nullo modo pariamur. Cum itaque sicut ex insinuatione à Nobilitate Tua nobis facta accepimus, Nobilitas Tua quemdam Agnum Dei cereum à felic. recordat. Pio Papa Quinto prædecessore nostro Benedictum, & quamdam imaginem ab utraque parte depictam Adæ scilicet, & Eviæ in Paradiso terrestri, ac transitus Moyfis, & filiorū Israel in medio mari per siccum, necnon duo sacris Sanctorum, & Sanctarum Reliquijs decorata Reliquiaria eidem Reginæ Mariæ donare intendat. Nos spirituali eiusdem Mariæ Reginæ consolationi, & animæ saluti per amplius consultum esse cupientes, eidem Mariæ ut quamdiu Agnum Dei, siue imaginem, aut vnum ex Reliquarijs huiusmodi apud se habuerit, quotiescumque Officium Diuinum Ordinarium, aut Beatissimæ Virginis Mariæ, vel De-

Defunctorum, aut septem Pfalmos Pœnitentiales, seu Graduales, vel Coronam Domini, aut tertiam partem Rosarij recitauerit, aut infirmos alicuius Hospitalis visitauerit, vel pauperibus Christi subuenerit, quoties aliquod præstiterit ex operibus huiusmodi, ac verè pœnitēs, & confessa Sacerdoti ab Ordinario approbato in aliquo ex Dominicis, aut Festis diebus de præcepto sacram Communionem sumpserit, piasquē ad Deum preces fuderit pro Hærese, & Schismatum extirpatione, pro Fidei Catholicæ propagatione, Christianorū Principum concordia, alijsquē Sanctæ matris Ecclesiæ necessitatibus, semel in Hebdomada omnium peccatorum suorum Indulgentiam consequatur, & deinceps alias Indulgentias condonans. Datum Romæ apud S. Petrum sub annulo Piscatoris die iv. Ianuarij M D C. XXX. Pontificatus nostri anno octauo. M. A. Maraldus. In opere suo R. P. Raynaudus indicat Interdicta Pontificia ne pingantur Agni Dei cerei, nec inaurentur, seu supertundantur auro, emanasse, quia id visum indecorum Sancto Carolo Mediolanensi Concilio quinto, tit. de Sacramentalibus, neu candor lædatur, ac violetur, vetitum quoque fuit illos diuendi, aut in annulis, qui digitis inseruntur, condi, iuxta Pythagoricum præceptum, vtque vite-

tur

tur illorum contemptus, sicut imaginis Tiberianæ, de qua Suetonius c. 58. Tiberij. Sanchez lib. 1. in Decalog. c. 41. & lib. 2. c. 43. Valentia in secundam secundæ dist. 6. p. 2. Azor locis laudatis, Scortia Theoremata. 33. Suarez lib. de Simon. c. 14. Diana 3. part. art. 6. Resolut. 12. & Facundez ad 2. Eccles. prec. lib. 1. c. 4. n. 25. Illustrissimus D. Ioannes Baptista Scanarola Sidoniensis Episcopus, de cuius pietate, atque doctrina, cæterisque virtutibus quidquid dixerominus erit, agit doctissimè de prohibita venditione Agnorum Dei, posteaquam fuere Benedicti, neue minio illinantur, alijsuè coloribus, deque illorum furtis lib. 1. de Visitat. Carcer. c. 2. §. 13. e Ricciullo c. 9. in Ecclesiast. Bonacina Quæst. 1. de Simon. & Valentia Tom. 6. quæst. 17. Varia dubia proponit, & soluit idem Raynaudus de Agnorum istorum incensione, immersione, circumuestitione, contréctatione per laicos, in stabulis appensione, inque Brutis, falsatione, ac ementitione, superstitionibus, deque peccatis admissis inter eos gestadum, concludens Opus suū Tropologia egregia de illis religiosè deferendis, quemadmodum antea refellit animosè Sectariorum, quorum signifer fuit consarcinator libri, qui Apiarium Ecclesiæ Romanæ inscribitur, calumnias aduersus hæc pietatis monimenta, dinumerat etiam

etiam aliquot miracula patrata Diuinitus Agnorum virtute, quæ nunc nec est animus delibare, sed, quando nanciscar optatum otium, in Encaustice sacra, quam meditor, singula persequar, & vberius retractabo. Plura Gretserus, Lorichius, & Laurentius Beyerlink in verb. Amuletum in Theatro Magno Vitæ Humanæ, quod Lugduni prodijt hoc anno. profert ille Petrum Matthæi in septimum Decretalium, Petrum Gomez Vicepriorem Indiæ rer. in Iapon. gestar. anno 1597. Lud. Foez in Relat. rer. gest. à Soc. Iesu in Collegio Arimensi anno 1565. & litteras annuas eiusdem Societ. anno 1584. in Prouincia Mediolanensis de illis tractat narrans militem Agno mun-  
 itum, quantumuis scloporum, seu bombardarum appeteretur ictibus, euasisse illæsum. Zacharias Bouerius in Annall. Capuccin. similia refert de Agno, qui macrocollone contentus à viro nobili gerebatur, B. Gomefius Miedes Archidiaconus Saguntinus, & Canonicus Valentinus in epist. ad Gregorium XIII. edita Valentia anno 1576. de arcula, in qua cerei Agnino insigni impressi, & consecrati seruari, cum alijs pijs rebus, in mare deiecta haud procul Barcinone, saluaque, ac integra prouecta Valentiam vsque mirabiliter post 30. diem. Afferunt & illos Agnos inundationem fluminum

*Min 3*  
*cul ex*  
*cerai*  
*Agno*

num repressisse, exstinxisse incendia, iuvisse  
 prægnantes ad partus feliciter edendos. Pon-  
 tifex equidem cum illis Benedicit, precari Deū  
 solet, ut virtutem accipiant hæ ceteræ formæ  
 sanctificatæ, ne villâ pestilens aura, nec aëris  
 corruptio, nullusquæ morbus deuotè illas fe-  
 rentibus dominetur, tradit Gretserus liberatū  
 quemdam à Dæmonis incurſu, & malignitate.  
 Urbanus V. cecinit: *fulgura defursum depellit;*  
 & *omne malignum*, idcirco Innocentius III.  
 pinnis turris Comitum Agnum cereum impo-  
 ſuerat, Sixtus verò V. includi Agnos aliquot  
 huiuscemodi iusserat Cruci, quàm præfixit acu-  
 mini, seu summo fastigio Vaticani Obelisci,  
 ab Episcopo Ferratino diè 26. Septembris an-  
 ni 1581. quo fuit erectus Obeliscus. Amule-  
 ta, & Alexipharmacà à malis amoliendis, & à  
 venenis procul arcendis indigitat, in Latio  
 suo Christiano Franc. Scorsius. Deum orat  
 Pontifex prætereà ut, qui eos gestarint, libe-  
 rentur ab omni tempestate maris, & terræ, à  
 fulmine, grandine, morbo comitiali, morte  
 improvisa, igne, insidijs inimicorum, & præ-  
 fertim à noxijs ventis, pluuiâ, terræmotu, to-  
 nitru, & peste, ut refert Gretser. l. 2. c. 34. de  
 Benedict. Quod si Pelagio I. Papa sedente, ac  
 Iustiniano Aug. Imperantē ad annum Christi  
 542. seu 544. cum toto grassaretur orbe cru-  
 delis-

delissima pestis, & pertinacissima, quam Thucydidianæ, seu Lucretianæ similem ex parte, describunt Procopius lib. 1. de Bell. Persic. Euagrius lib. 4. cap. 28. Eccles. Histor. Paulus Diac. lib. 2. c. 4. de Gest. Longobard. Histor. Miscell. Constantinopoli sedata fuit, instituta, & habita solemne supplicatione, in qua processerunt ciues, qui sacros deferebant, accensosque cereos ad celebrandam festiuitatem occursum, siue ὑπαπάντης Christi, Mariæque Virginis matris, & Symeonis e Nicephor. l. 17. c. 18. Cedreno in Compend. Sigeberto, Siffridoque in Chronic. Ruperto l. 4. c. 25. de Diuin. Offic. quæ secunda Februarij die adhuc peragitur, & à Græcis ἱερά φάρις, à Latinis S. Maria Candelarum nuncupatur Ptolemæo Lucensi in Annall. & Frontoni Ducæo in Plessæor. Error. Inuentar. atque Alb. Pighio in Hercule Prodicto. quamuis Card. Baronius in Martyrol. ea die festiuitatem illam in Occidente antiquiorem fuisse, inductamque à Gelasio I. Pontifice ad Lupercalia tollenda contendat, tum à Sergio I. Litanias ordinatas cum cereis e Beda, Quidni virtute cereorum Agnorum contagio, quæ ! prohi dolor in hac Vrbe nunc sæuit, extinguetur ? Si cum fiducia ergà Deum, cumque illa, qua decet, puritate animi, ac integritate vitæ gestentur.

Pro-

Prospexisse videtur, ac præparasse Deus opportuna remedia calamitati auertendæ, quam nostra flagitia prouocant extorquentia ipsius e manu iustam vindictam. dum eam mentem immisit Sanctissimo D. N. Alexandro VII. Pontifici, qui vt Maximus ita Optimus Pastor in gregis sui vulnere magis vulneratur, sicut S. Cyprianus loquitur lib. de Lapsis, vt Agnorum Dei copiam ingentem hoc anno Pontificatus sui die Natali recurrente tam piè, tamq. religiosè consecraret. De Agnorum Dei virtutibus scripsit Stephanus Nicolini libellum, Italicè, in quo meminit eorum Benedictionis, & distributionis à Paulo III. die 16. Aprilis Sabbato in Albis anno 1547. & à Iulio III. die 12. Aprilis eodem Sabbato anno 1550. & subiicit. ad Christum, qui verus est Agnus, Carmen incipiens: *Salue nostra salus, Agnus mitissime salue*, tum ad Henricum II. Francorum Regem Christianissimum directos versus Iani Vitalis Panormitani, quibus initium *Candida cera Dei*, at Epilogus qui à Panuinio fuit omisus, in hæc verba exstat: *Hinc ad Te mittit saceratos Iulius Agnos. Henrice Regum maxime, vt Tibi succedant votis optata secundis, O Principum clarissime.* Contextuit & de Agnorum Dei virtutibus Libellum Italicè quoque Superantius Braceschi ad Blancam Amedeam matrem

anno



anno 1545. inscriptum: *Fior di Virtù Historiato*, qui me penes asseruatur exaratus calamo. Dicitur & Tractatum consuisse de Benedictione, ac virtutibus Agnorum Dei Alphonsus Ciccarellus de Meuania, & inscripisse Guilielmo Sirleto patricio Stilenfi, & S.R. E. Cardinali Romæ 5. Aprilis 1579. qui graphicè descriptus, minioquè varijs in locis distinctus manu, vt creditur, auctoris erat (vri testantur Leo Allatius vir eruditissimus in suis Animaduers. ad fragmenta Etrusc. Ant. qq. & Ciccarelli, & Labbæus in noua Biblioth. m. ss.) Romæ in Bibliothecis Altaempfiana, & Aniciana, vbi reperiri necdum potuit, & in Nau-dæana, quæ hic nulla est. Sed Ciccarellus ille falsitatibus, & nece infamis operi suo fidem detrahit, vt tanti sit illud celari; maximam, verò conciliat auctoritatē pietas, eloquentia, & dignitas Eminentiss. S.R.E. Card. Augustini Valerij Veronensis Episcopi, & Patricij Veneti, eximix lucubrationi, quam de Agnorum Dei Benedictione à Gregorio XIV. Summo Pontifice anno 1591. Pontificatus primo, peracta concinnauit. Illam ab Illustri, & pererudito viro Ioanne Baptista Maro Canonico S. Angeli comiter acceptam pro Coronide libens subnecto, ne hoc etiam Herois de Sancta Ecclesia tam benemeriti excidat monumē-

tum. E re verò Christiana foret tanti viri Opera sparsa colligere, quò simul in lucem proferrentur, quandoquidem illa non mediocrem utilitatem, splendoremquè allatura confido Reipublicæ Christianæ, cui Serenissimus eisdem Cardinalis agnatus, & potentissimæ Reipublicæ Venetæ Dux Bertuccius Valerius clarissima, & celeberrima de Turcica classe ad fauces Helle Ponti, & in ipsius Byzantij conspectu Victoria sub sui Principatus auspicijs reportata, & Tenedo, Lemnoquè Insulis strenuè, generosequè in potestatem redactis, Sanctissimo D. N. Alexandro VII. velut altero Moyse manus supplices ad cœlum tendente, suisque consilijs, & opibus eum indefessè adiuuante, plurimum etiam incrementi, atque ornamentum se collaturum pollicetur.



*Cæremonie Antiquæ Baptismi, quæ  
inter duo Corollarie collocari  
debuerant.*

**A**Nte Baptismum duodecim olim obserua-  
bantur solemnia.

- I. Catechumeni dabant nomen suum, & tunc ex Audientibus fiebant, & dicebantur Competentes.
- II. Scrutinia VII. præmittebantur, quibus exploraretur, an firmiter & sincerè crederent.
- III. Abrenuntiabant Sathanæ.
- IV. Fidem profitebantur.
- V. Signum Crucis in fronte, & pectore efformabant.
- VI. Exorcisabantur, siue adiurabantur Demones, ut recederent ab illis.
- VII. Exsufflabantur Baptizandi.
- VIII. Gustabant salem.
- IX. Tangebantur salina eorum nares, & aures.
- X. Imponebant illis manus, & Benedicebāt Sacerdotes.
- XI. Oleo Benedicto Baptizandi ungebantur in capite, & scapulis.
- XII. Abstinebant vino, carnibus, & re vxoria.

Obseruabatur præterea lotio pedum in Coena Dominica, & Capitilauium, vt ex SS. Ambrosio, & Augustino, Isidoro, & Alcuino tradit Ferdinandus Mendoza lib. 111. de Concilio Illiberitano.

In Baptismo quinque obseruabantur.

- I. Imponebant nomen.
- II. Susceptor adhibebatur, qui lenabat sacro defonte.

III. Consecrabatur aqua.

IV. Ter mergebantur, vel semel.

V. Tempore Paschatis, vel Pentecostes.

Post Baptismum alia quinque.

I. Osculum pacis interueniebat.

II. Vngebantur Chrismate in vertice.

III. Cereum accensum gestabant.

IV. Vestem candidam induebant.

V. Delibabant lac, & mel, seu vinum.

Fusè recenset hæc omnia Cardinalis Bellarminus Tomo 11. Controuers. lib. 1. de Sacram. Baptism. c. xxxv. xxxvi. xxxvii.

**F I N I S.**

## AVGVSTINI VALERII

S. R. E. CARDINALIS

VERONENSIS EPISCOPI

*De Benedictione AGNORVM DEI  
à Gregorio XIV. Summo Pontifice.  
Anno salutis 1591. Primo sui  
Pontificatus peracta.*

**G**rauiſſima eſt illa ſententia, & Gregorio  
Primo Summo Pontifice digna. Dona-  
potius ſunt quā flagella, dolores, quibus delicta  
purgamus; & dolores in hoc ipſo ſolū vehe-  
menter placent, quia placere in hoc mundo  
aliquid non permittunt. Quam nos ſententiam  
explicare vberius posſumus hunc in modum,  
quia patientiam alunt, quia æternæ vitæ deſi-  
derium excitant, quia tyrannidē corporis de-  
primunt, quia à lethalibus peccatis præſeruāt,  
quia corporis imbecillitatem acuentes ad im-  
plorandum Diuinum auxilium, ad agnoſcen-  
dam Dei prouidentiam, mortaliū mentes eru-  
diunt, illecebras voluptatum reſpuentes Re-  
demptori noſtro Chriſto, qui acerbiffimos do-  
lores pro peccatis noſtris pertulit, qui lāquo-

res nostros languoribus suis sanauit, compa-  
tientes efficiunt. in doloribus maximis, crucia-  
tibus potius acerbissimis lætantes inclyti Mar-  
tyres Dei, Imperatoris Christi strenui milites  
Beatissimi Patris Gregorij piam sententiam  
veram esse ostenderunt. Quam vsurpas tu sæ-  
pè Gregori Decimequarte; vsurpasti proximis  
Concistorijs, cum multos dies ab initio Ponti-  
ficatus tui aduersa valitudine, feбри etiam va-  
rijs cum doloribus, magno cum Sacri Colle-  
gij, & totius Urbis mœrore laboraueris. Hæc  
verba tantum prædecessoris tui Sæctissimi Pa-  
tris, cuius nomen refers, cuius sanctissimam  
vitam tibi imitandam proposuisti, in cuius ima-  
gine sæpè conspicienda in tuo cubiculo de-  
lectaris, cum voluptate sæpè commemoras;  
sed constantia animi, crebra inuocatione No-  
minis Dei, intima etiam cordis, quod mirabile  
est, hilaritate, quam indicas sæpè oculis, eam-  
dem, quam commemoravi, sententiam pro-  
bas. Accipis enim tu à rerum omnium mode-  
ratore Deo, à clementissimo Patre nostro, qui  
paterno amore orbis terræ rempublicam gu-  
bernat, & Principum, Regum, Pontificum in-  
primis Summorum, qui eius vicem gerunt in  
terris, animos moderatur, dolores tamquam  
dona; ad altissimam illam Sedem euectus mode-  
rationem retines animi, & egregiam potius vir-  
tutum

zulum omnium Ecclesiasticarū matrem, & al-  
tricem humilitatē. legeram ipse superioribus  
diebus Sanctissimi Patris Gregorij vitam a  
Ioanne Diacono scriptā, de eius corporis im-  
becillitate, & grauissima ægritudine hæc col-  
legeram. Scribit ipse Italica Patricia hæc ver-  
ba. [Ecce iam vndecim menses sunt, quod val-  
de rarum est, si de lecto surgere aliquando  
potui. tantis enim podagræ doloribus, tantis-  
que molestiarum premor angoribus, vt vita  
mea mihi grauissima præda sit: quotidie  
enim in dolore deficio, & mortis remedium  
expectando suspiro.] Et Eulogio Patriarchæ  
Alexandrino: [Ecce enim iam biennium penè  
expletur, quo lectulo teneor, tantisque poda-  
græ doloribus affligor, vt vix in diebus festis  
vsque ad horarum trium spatium surgere valeā.  
Missarū solennia celebraturus; mox autem cū  
gravi depellor dolore decumbere, vt cruciatū  
meum non possim gemitu interrompente to-  
lerare; qui dolor interdum mihi lentus est, in-  
terdum nimius, sed neque ita lentus, vt rece-  
dat, neque ita nimius, vt interficiat; vnde fit,  
vt qui quotidie in morte sum, repellar à mor-  
te; nec mirum, quia peccati grauis tabe, corru-  
ptionis carcere diu teneor inclusus, vnde cō-  
pellor exclamare, educ de carcere animam  
meam ad confitendum nomini tuo Domine,

rogo, ut pro me peccatore enixius orētis, quia & dolor corporis, & amaritudo cordis, & im-  
mensa vastitas mortalitatis inter tot barbaro-  
rum gladios me vehementer affligit, inter quę  
omnia non temporalem, sed æternam conso-  
lationem requiro, quam per me impetrare nō  
valeo; sed per intercessionem Vestrę Beatitu-  
dinis, hanc me obtinere cōfido.] Et in epistola  
ad Maximianum Episcopum Arabiæ, hæc ver-  
ba leguntur: [Multum enim iam tempus est,  
quod surgere de lecto non valeo; nam me mo-  
dò podagræ dolor cruciat, modo nescio quis in  
toto corpore se ignis cum dolore expandit, &  
fit plerumque, ut vno in me tempore ardor cū  
dolore confligat, & corpus in me, animusquē  
deficiat: breuiter dico, quia sic me infectio no-  
xij humoris imbibit, ut viuere mihi pœna sit,  
& mortem desideranter expectem, quam ge-  
mitibus meis solam, esse credo remedium;  
proinde (frater Sanctissime) diuinę pro me pie-  
tatis misericordiam deprecare, ut percussione  
suę erga me flagella propitius mitiget, & pa-  
tientiam tolerandi concedat; ne nimio (quod  
absit) tædio in impatientiam cor erumpat, ut  
quę curari per plagam poterat culpa, crescat  
ex murmure.] Et ad Rusticianam Patriciam  
eadem de re hunc in modum scribit: [me (quę  
qualis fuerim nosti) ita amaritudo animi, &  
assidua

assidua



affidua exacerbatio, atque per hoc podagræ moleſtia affecit, vt corpus meum tamquam in ſepulturam ſiccatus ſit; vnde ſit, vt iam raro de lecto ſurgere valeam.] Et hic Pontifex ægritudine corporis afflictuſ egregia volumina conſcripſit, quibus erudiuit Eccleſiam, innumera- biles epiſtolas pro Eccleſiæ neceſſitate dicta- uit, eximiam pauperum curam habuit, paſto- raliū virtutum præclariffima exempla, & ſcriptis, & rebus geſtis reliquit, conſtantiam animi, & hilaritatem quādam ab optima con- ſcientia enutritam in rebus tractandis, vbi ali- quantulum intermittebantur dolores, præſe- ferens. Tu Decimequarte Gregori Primi Gre- gorij imitatore proximiſ diebus te oſtēdiſti, cum corpore valde debilitatus, & maximis do- loribus afflictuſ, tibi ipſi addideriſ animum, fe- ria quinta ſacræ hebdomadæ, ſanctiſſimo item die Paſchatiſ, etiam præter medicorū volunta- tem electo ſurgere, & Populū tuū, Urbēquē Romam Benedicere infirmo corpore, & voce nō ſatis valida cum lachrymiſ volueriſ, admi- rabili pietate tua incredibilem in omnibuſ, qui oculos in te coniecerāt, deuotionem excitans.

Adieciſti etiam animum, vim corpori tuo fa- ciens, diuino, vt omneſ putamus adiutuſ ſpi- ritu, ad Agnorum Dei Benedictionem, qua primo ſui Pontificatuſ anno Romani ſinguli

Ponti-

Pontifices Populum Dei recreare, & ad pietatem excitare consueverunt. Veste tu candida, seren o vultu; oculis suam lætitiā præferentibus te aduentibus præbuiſti; Cardinales omnes, quos mira benignitate, & paterno amore complecteris, quatuor dierum spatio ad sacra illam functionem inuitaſti; qui Agnos Dei cereos mirabili artificio ad inducendam deuotionem effictos aqua Benedicta sacro permista Chrismate tecum abluerent, tum conuiuio perhumaniter excepisti. Vocatus ipse fui secundo die, qui fuit decimus octauus Aprilis; sedebas tu Pontifex Summus Christi Vicarius ad parua[m] quamdam mensam tibi paratam; erat alia mensa tua proxima, contigua potius, in qua duodecim sedebamus Cardinales, ex ordine Episcoporum quatuor, Gesualdus Decanus, Columna Senior, Comensis, & Alexandrinus; Presbyteri, Senonensis, Rusticucius, Deza, Saluiatus, Lancellottus, Diaconi erant, Pepolus & Aquauina, ipse etiam eram inter Presbyteros Cardinales, perpetua lectione, & illa quidem utili, ac iucunda condita sunt, vt maxime conuenit Pontificijs mensis, epulae; Tu quidem, vt humanitatem tuam etiam in prandio ostenderes, cum singulis Cardinalibus amanter, paternè potius, pariebaris, mittebas ad singulos munusculum aliquod. Cum vero  
 qui

qui Pontificio huic prandio interfuerunt Principes viri non pauci, & omnes, qui tibi ministrabant, discessissent, coniectis tu in omnes oculis, sermonum plurimorum ad vtilitatem Ecclesiæ pertinentium, interrogationibus quibusdam admirabili lepore conditis materiam præbuidisti, inter quos fuerunt hi præcipui, vt Præfecti Congregationum trium, in quibus de rebus grauissimis agitur, de Congregationibus suis referrent, Cardinalis Gesualdus Decanus, qui Congregationi Sacrorum Rituum, quam tu etiam dum esses Cardinalis amabas, præest, mortem Curtij Franci optimi Sacerdotis in Ecclesiastica disciplina egregiè versati, viri amore in pauperes, & perpetua lucrandarum animarum Christo solitudine memorabilis, & Iudaicæ perfidiæ si quis alius hac tempestate fuit, hostis acerrimi deplorauit; quam tu etiam (Pater Beatissime) dolendam putasti; addidisti, vt ostenderes quanti faceres Curtium, eius consanguineum, & virtutum imitorem Canonicum Basilicæ Vaticanæ, eius in locum te substituisse, exemplo optimo, vt intelligerent homines virtuti etiam post mortem suam esse paratum præmium, cum maneat præmia illis, qui bonis, & pijs viris sanguine coniuncti sũt. Et de Beato Hiacyntho, quem breui temporis spatio, sicut speramus, Sanctitas Vestra  
propter

propter excellentem eius humilitatem, perpetuum orationis studium, corporis castigationē, & plurima edita miracula, in Sanctorum numerum rediget, aptè & prudenter retulit. Et à Cardinale Columna aliqua ad Congregationem Indicis pertinentia dicta sunt; & sermo habitus de adscribendis in Consilium Academicarum celeberrimarum Theologis, ut sacrorum Bibliorum editio prodeat, Cardinalis Senonensis de Volumine Gregoriano, de quo edendo nunc agitur non pauca in medium attulit, quæ in Concilio Tridentino tradita sunt, quæ in eiusdem Congregatione multis consultationibus sunt decreta, constitutiones itidem omnes, quæ à proximis Pontificibus sunt editæ, digeri in hoc Volumine, opus admodum utile futurum de Agnorum Dei Benedictione, de Pontificum consuetudine in illis distribuendis dixerat Cardinalis Comensis quædam, quæ obseruauerat e septem Pontificum Benedictionibus, quibus se interfuisse dicebat. Et Alexandrinus etiam quædam in eandem sententiam dixerat. Excitabas omnes humaniter (Sanctissime Pater) à prandio ad dicendum aliquid. Nemo adiuit in eo conuiuio, qui in medium aliquid non attulerit dignum Cardinale. Bonus vir senex Deza, quamquam grauias, & utilia dicat, ita tamen hilaritate quadam vultus

tus condit, quæ proferat, vt voluptatem affe-  
rat omnibus audientibus, & sanctitatem etiam  
tuam exhilaret. Cum autem Cardinalis Ru-  
sticucius, Saluiatus, & Lancellottus dicerent,  
& ipsi aliquid accommodatum tempori pro  
sua prudentia, ipse solus inter Episcopos, &  
Sacerdotes tacebam. Admirabar ego benigni-  
tatem Summi Pontificis, lætabar expectatione  
rerum optimarum, quas Præfeti Congrega-  
tionum pollicebantur; delectabar varietate  
sermonum, quos prudentissimi, & grauiissimi  
viri habuerunt; sed in primis interrogationi-  
bus, quas tu (Beatissime Pater) inserueras: cum  
autem silerem ipse adhuc, arbitror ego, vt me  
suauiter ad dicendum aliquid prouocares, hæc  
verba humaniter admodum protulisti. Noster  
Cardinalis Veronensis scriptis, hunc diem Be-  
nedictionis Agnorum Dei exprimet suo sti-  
lo. Et vt maius humanitatis tuæ indicium da-  
res octo inseruisti hæc subridens. Cardinalis o-  
portet fateatur in sua scriptione se hodie  
in ablutione Agnorum Dei opus ministerij sui  
segniter fecisse. Ad priorem partem sermonis  
tui nihil respondendum duxi, posteriorem  
non negaui, confirmaui potius. Ad priorem  
partem non responderam, quia vt optime  
perspexeram (Sanctissime Pater) quid mihi ef-  
fet faciendū: Num Platonem, aut Xenophon-  
tem

tem

tem imitatus conuiuium describerem Pontificis Summi cum Cardinalibus Duodecim? Loquentes facerem illos Præfectos Congregationum de rebus vtilibus ad Ecclesiasticam disciplinam pertinentibus? Interrogationes opportunas, & graues infererem? Laudabilem illum morem verbis extollerem, quem adhibendum in toto conuiuio censes, vt summorum Scriptorum lectione condidatur, aut ex S. Bernardi libris quinque de Consideratione, aut e B. Chrysostomi Dialogo de Sacerdotio sex libris distincto, vel de S. Gregorij Nazianzeni Apologetico, vel demum ex Pastoralibus Beatissimi Patris Gregorij, & huiusmodi lectionibus: mensa vicarij Christi dignis epulis spiritualibus, ac salutaribus Summi Pontificis animus, & conuiuarum omnium Cardinalium recreari maximè possit? Nam de Agnorum Dei Benedictione, de antiquo ritu Ecclesiæ, à quo Pontifice manauit, quanta in veneratione habiti sint Agni Dei à Pontificibus Benedicti, quantam vim habeant ad varias calamitates auerendas, quid candor ille, quid imago illa Christi, quid crux, quid variæ figuræ in cera expressæ significant, pij viri, eruditi homines in Ecclesiastica Historia versati collegerunt, & libris etiam suis, monumentis literarum consignarunt. Multa etiam ex precibus illis, quas de

more

more Christi Vicarius in Agnorum Dei Benedictione, Sanctæ Matris Ecclesiæ præscripto profert, ad totam hanc rem percipiendam pertinentia colligi possunt, quæ cum diligenter considerarem, loquebar ita mecum, Repetam ipse, quod alij adhibita diligentia non minima cum laude tractarunt? Scriptorem me profitebor esse earum rerum, in quorum cognitione mediocriter sum versatus? Verè dicā (Sanctissime Pater) à tractando huiusmodi argumento, à scribendo de Benedictione Agnorum Dei deterrebar, sed molestum admodum erat Pontifici Summo non obtemperare, Gregorio XIV. (quem quadraginta ab hinc annis Abbatem primò Patavij, aliquot deinde post annos, Episcopum Cremonæ, proximis annis Cardinalem eodem ipso die, quo ego) creatum ob suavissimos mores, & egregias virtutes amavi, & observavi plurimum, nunc verò non mediocribus beneficijs affectus Pontificem Summum veneror, aliquid denegare. Vocem illam tuam, humanissima illa verba, quibus in Conuivio, duodecim; quos nominavi Cardinalibus cōiuvit, me ad huiusmodi scriptionem incitasti; vocem, ipse Dei existimaui, afflatum Spiritus Sancti, ut de Benedictionibus Agnorum Dei historico more non scriberem, sed Benedictionem eorūdem Agnorum Dei à te

Gre.

**Gregorio XIV.** decimo octauo die Aprilis, Anno millesimo quingentesimo nonagesimo primo factam meditando, quædam colligerem, quæ ad alendam in Sacro Collegio, & in omnibus Ecclesijs ordinibus deuotionem, & vniuersum populum Dei ad veram pietatem excitandum pertineant; non inutile opus, inueniendum potius pijs mentibus, nec quod ipse sciam copiosè ab alijs tractatum. Grata tibi erunt (vt spero Sanctissime Pater) huiusmodi meditationes meæ, quia vir meditationibus deditus, conatibus meis, & scriptionibus pro tuo in me amore delectari es solitus. Probat in hac Agnorum Dei Benedictione, quod plures hoc anno, quam ab ullo vnquam Pontifice antea sint Benedicti: non enim illorum mihi probatur sententia, qui dicunt copiam, cõtempum, & fastidium parere, rara omnia esse pretiosa; tres tantũ Agnos Dei ab Urbano V. Constantinopolitano Imperatori esse missos cũ carminibus quibusdam; atque vnum solum à Leone Tertio Carolo Magno. Illis iemporibus raritatem illam deuotionem aluisse, & muneris præstatiã indicasse crediderimus. Verum cum Agnorum Dei virtus inuenerit magis, & eorundem in pijs hominibus creuerit desiderium; piè, & prudenter admodum à Christi Vicarijs à Romanis Põtificibus à Christia-



ni Populi patribus factum est, vt rem pretiosam Sancta Matris Ecclesiæ precibus, ita Spiritu Sæcto edocente, munitam communicarent; Quæ autem de sacris ritibus, & cæremonijs in vniuersam scripta sunt, nimirum esse vtilis, & partes quasdam diuini cultus; quia vt ab interiore deuotione oriuntur; ita eandem deuotionem, & pietatem alunt; conferre plurimum ad memoriam conseruandam illustriam, & maximorum beneficiorum, quæ à Deo accepimus, nempe Natiuitatis, Passionis, Resurrectionis, Ascensionis, Missionis Sancti Spiritus, quæ beneficia in sanctis solemnitatibus, sacris, & solemnibus ritibus singulis annis Ecclesia representat; exercere sacras illas cæremonias fidem nostram, cum signo Crucis veluti clypeo armemur, & aqua Benedicta contra varias Satanae insidias, conseruare etiam religionem; efficiunt enim maxime ne vilescat, imò vt propagetur potius & in vniuersum, vt sacri ritus, & cæremoniæ augeant cultum erga Deum, qui exhibendus est non solum animo, hoc est fide, spe, & charitate, verum etiam cum animo, & corpore constemus, ipso corpore, eleuatione scilicet oculorum in Cælum, genuflexionibus, suspirijs, & significationibus huiusmodi. Hæc omnia accommodari possunt maximè ad Benedictionem Agnorum Dei;

M

quan-

quandoquidem sacro hoc ritu, insigni hac caeremonia Sancta Mater Ecclesia Spiritu Sancto edocta deuotionem nutrit, & auget precibus ad Deum fufis, memoriam renouat redemptionis Agni immaculati effigie Crucis, alijsque myfterijs in cera effictis.

Exercet hic ipse ritus fidem, cum Agnus ille immaculatus cernitur, cum admirabile redemptionis myfterium in Agni forma confideratur, cum vim maximam, quam habuerunt hi Agni Dei ad expellendas incurfiones Dæmonum, & ad calamitates varias auertendas pij homines confiderant, & ad pietatem in Deum excolendam, & augendam profunt valde huiusmodi Agni, qui ante pectus deferuntur, ita vt qui illos cum fiducia deferunt, & sibi ipsi obicem non afferunt, tentationes Sathanae se facile superaturos sub illo vexillo possint sperare; interiorum etiam librum secum habeant semper, in quo res altissimas contēplari queant, & maxima documenta ad hanc vitam nostram ærumnis plurimis plenam felicitetraducendam.

Magistra optima, Sanctissime Pater, etiam pia Mater Populi Christiani est vniuersalis Ecclesia, cuius Sponsus est Rex noster Christus, qui te hoc tempore in Terris Vicarium constituit; varijs, & admirandis modis inuictissimus,

mus, & benignissimus Rex Sponsæ contulit suæ Sanctissimis Sacramentis, remedijs humanarum omnium calamitatum, & instrumentis salutis nostræ, testimonijs perpetuis diuinæ beneficentiæ, & eximiæ charitatis suæ in nos; Tribunal illud excelsum, & salutare in tot Tribunalia diuisum, Tribunal inquam sacre Pœnitentiæ, quod ad vsum Ecclesiæ, & Populi Christiani erexit Christus; cum potestatem dedit Sacerdotibus dimittendi peccata rite, illa confitentibus; Angelicus item ille panis cibus cælestis, Ambrosia illa, panis vitæ, sacramenta sacramentorum Sanctissimæ Eucharistiæ ( vt cætera sacramenta eximiæ eius bonitatis testimonia prætereā ) summam Regis nostri benignitatem, & immensam charitatem testantur. Eiusdem charitatis Sponsa Christi Mater nostra à Spiritu Sancto instructa Ecclesia Catholica Romana eodem salutis humanæ desiderio incensa, rationibus varijs Populū Dei erudire, ad pietatem excitare, ad diuina beneficia cogitanda accendere, salutare meditationes proponere, vt fugiantur peccata, vt remoueatur iniquitas, nunquam destitit. Natiuitatem B. Marię Virginis Matris Dei aduocatæ nostræ Reginæ Cælorum commemorat; vt ad venerandam Matrem Dei, Matrem nostram, ad eiusque auxiliū nobis in hac valle

lacrymarum necessarium implorandum excitemur. Celebrat Natiuitatem Filij Dei Regis nostri Iesu Christi, à quo nomen ducimus, Regis pacifici, per quem Deo reconciliati sumus, per quem mors deuicta est, & Sathanas debellatus, portæ Cæli nobis apertæ sunt. Item Passionem, & Mortem, per quam à peccatis liberati, & credentes, ac operibus nostris fide comprobantes iusti effecti sumus, varijs sepulcris, vt sepulta esse peccata hominum ostendat. Resurrectionem itidem eiusdem Regis nostri celebrat, vt resurrecturos omnes, qui Christo cōmortui sint à peccatis, demonstret; Ascensionis solemnitatem proponit, vt iter ad Cælum nobis apertum esse declaret, solemnitatem itidem, omnium veluti terminum, Missionem Spiritus Sancti. Sanctissimo Pentecostes die, vt in huius vitæ periculoso certamine, & in huius peregrinationis tenebris consolatorem, & magistrum habeamus Mater nostra lætabunda filiis suis exhibet. Feria, quarta Cinerum, ne veluti hæretici mortis obliuiscamur proferri vult Magistra optima Mater nostra, per ministros suos, per Dei etiam Vicarium, hic Romæ illa verba: Memento homo, quia cinis es, & in cinerem reuerteris; & in die primo magnæ, & sanctæ hebdomadæ, qui Palmarum dies nominatur, Benedictione Palmarum

memo-

memoriam ingressus Regis nostri in Hierusalem renouat sapientissima Magistra nostra Sancta Mater Ecclesia, vt voluntariam fuisse mortem Christi indicet, inconstantiam popularis aure ostendat, cum ab eodem Populo, à quo magnis laudibus fuerat celebratus Dei Filius, paucos post dies fuerit crucifixus. Illa ipsa Benedictione Palmarum, illis ipsis ramis oliuarum ad excipiendum Christum sedula, & benigna Mater inuitat Ecclesia; vt bis, feria nimirum quinta magnæ hebdomadis, & die sacratissimo Corporis Christi dicati solemn, processione ad adorandum Sanctissimum Corpus Christi, excellenti, & diuino beneficio nobis relictum, proponit, vt utroque die tanti, tamque excellentis beneficij memoria in animis fidelium inculpatur; lotionem etiam pedum ad humilitatem informat, exemplo Christi Sancta Mater Ecclesia, & toletantiam in animis nostris imprimit, vt alter alterius onera portemus. Et dies omnes Festi Sanctorum Apostolorum, Martyrum, & Virginum, Doctorum iidem Ecclesiæ, solemnitatum inprimis sanctissimæ Matris nostræ, excitationes quædam sunt ad verum cultum Dei. Iuuat infirmos filiorum suorum animos solers Magistra rationibus varijs, quas attigi, Sanctissime Pater, iuuat pictura, iuuat sculptura, iuuat sacris ima-

ginibus, iuuat Sanctissimæ Crucis signis, Benedictione Episcoporum, tua in primis, qui es Episcopus Episcoporum, Christi Vicarius, & successor Petri, iuuat aquæ Benedictione, contulit etiam mirabiliter sanctis Indulgentijs & thesauro Ecclesiæ per te Patrem Populi Dei, supremum Pastorem distributis. Pari ratione (ne omnia perstringam, quibus diuinitas erudita Magistra instruit filios Dei) Agnorum Benedictione, idque vetere instituto, temporibus etiam Zosimi pontificis, vt multorum traditionibus, & libris colligere potuimus; qua Benedictione sapientissimè eadem Mater pios viros ad hæc meditanda videtur accendere, & hunc in modum alloqui illos, quibus contigit Vicarij Christi beneficio Agnum Dei ad collum deferre, vt Sanctus scribit Apostolus ad Timotheum, Memor esto Dominum Iesum Christum resurrexisse à mortuis, ita tu fili memor esto te Agni immaculati sanguine redemptum esse. Et quia, Beatissime Pater, in ista tua Benedictione nouo, sancto, & laudabili inuento, non solum Crux Christi in cera efficta est, & Agni immaculati forma; sed in quibusdam alijs memorabilis illa oblatio Abrahamæ; quæ omnia pertinent ad commendandam obedientiam, & ad sacrificium Christi pro peccatis nostris oblatis in animis nostris.

magis

magis imprimendum : quæ sacrificia ita effecta cum cernimus oculis , illæ grauissimæ sententiæ nobis in memoriam redeunt ; Respexit Deus ad Abel , & ad munera eius , & non percisti Filio tuo vnigenito propter me ; quæ verba meditantes ad faciendam oblationem , animæ nostræ , atque etiam cogitationum , & ad sacrificandam voluntatem nostram Deo Altissimo inducimur , & etiam Noe sacrificantem post diluuium , & clementissimum Patrem Deum promittentem se vltra non maledicturum terræ meditamur , Filium Dei Regem pacificum Christum agnoscimus , & militare nos sub tanto Rege , qui nunquam non vincit , mirandum in modum , si sapiamus , lætatur . Cum autem Agnos Dei candidissima cæra effictos in aqua à te Benedicta à religiosis viris nobis delatos de more ablueremus , & videremus Agnum paschalem , qui ab Hebræis comederatur , dum ab Aegypto discederent , cum illis verbis : *In una domo comedetur* , quod nihil indicat aliud quam columnā , & firmamentum veritatis esse Sanctam Romanam Ecclesiam hanc esse Sedem Petri , hanc Magistrā esse veritatis , illum , qui hanc non agnoscit matrē , non posse verè appellare Deum Patrem , eum , qui extra Ecclesiam viuit , esse profanum ; mirabamur nos Cardinales , qui eadem in pelui ,

multo fegnius ipse, quam ceteri, abluēbamus, varietatem, & pulchritudinem formarum. Erat in quibusdam (Gregori) efficta imago tua ad pedes Crucifixi, & videbaris commendare Regi redemptori nostro gregē tuæ fidei traditum, & in quibusdam alijs erat imago Christi suas tibi commendantis oues, dicentis, pascue Agnos meos, pascue Oves meas. Ita ex varijs formis meditationes plurimæ, & illæ quidem salutares elici possunt, vt quædam sunt iaculatoriæ orationes, quæ magnam vim habent ad implorandum auxilium Dei, quemadmodum illæ, quæ paucissimis verbis exprimuntur, Domine miserere, Deus adiuua me, Dominus meus, & Deus meus, Deus in adiutorium meum intende, & perbreues etiam pētionēs commemorantur, vt illa. Domine, vt videam, & nouerim me, nouerim te, & aliæ quamplurimæ. Ita singulis illis, qui Agnos Dei ad collum deferunt, summo mane oculis in illos defixis singulis diebus licebit commemorare, & meditari illa verba: Misit Dominus redemptionem populo suo; Redemisti nos Deus veritatis, & in huiusmodi meditatione persistenti licebit addere, tanto pretio redemptus sanguine immaculati agni, peccati denuò seruus efficiar, siam transfuga, ingratus ero, Rege Christo relicto subdar Sathanæ? Immaculati Agni purissimos



simos mores deferens, humilitatem, & mansuetudinem negligens, huius sæculi tenebras sequens, me ipsum, & alios fallam, perniciosæ prudentiæ regulis me ipsum commaculem ! Paucis complectar multa (Sāctissime Pater) cerea hæc candida Agni Dei effigies figuris plurimis hoc anno expressa, pietatis, deuotionis, humilitatis, mansuetudinis exempla ostendit; maximorum, quæ in nos clementissimus pater Deus contulit, beneficiorum memoriā continet amplissimam, meditationis materiam exhibet, consolationem magnam populo Dei affert. Vicarios Christi ad munus suum cogitandum, & agendum, nos Cardinales, Episcopos, & omnes Ecclesiasticos ordines ad officium nostrum præstandum incitat, vniuersos, & singulos fideles illos deuotè meditātes recreat, telum est quoddam aduersus malignos spiritus; incendia interdum extinguit, inundationes fluminum cohibet, vim tempestatum, & grandinum nonnunquam impedit; si fide viva in Christum, & nihil hesitantes sacratissimo, & saluberrimo hoc remedio mortales viantur : O Pater sanctissime, o Pontifex dolorum, o vir Dei, & sanctorum desideriorum, copiosa ista tua Agnorum Dei Benedictione, tam infirmo corpore quotidianis doloribus confecto, tam sereno animo, & hilari vultu nobis cum

Car:

Cardinalibus, quos paterno amore complecteris, facta, consolatus es Urbem modis varijs afflictam insolita, & miserabili annonæ caritate, & inopia, facinorosorum itidem hominum flagitijs, non procul ab Vrbe, incoumoda plurima ei afferentibus; intestinis etiam bellis, & ciuilibus discordijs, quietem amplissimi Regni Galliæ magno cum tuo, & Urbis dolore perturbâtibus, Hæreticis in primis in sua perfidia persistentibus, & scelera plurima aduersus Catholicam fidem molientibus, nos etiam Cardinales recreasti. Me vero, quem quadraginta ab hinc annis diligis, qui pro tua bonitate amoris in me tui semina Patauij iacta, & in omni nostra vita rationibus varijs exculta, adhuc excolere pro tua benignitate non desinis, præcipui cuiusdam in me amoris illustriora ostendis indicia; die etiam Sabbati in Albis vocari iussisti, vt bis in prandio, tuo aspectu fruerer, & sanctissimis sermonibus tuis. Ministerio etiam in abluendis cereis aquis minus segniter, quàm priore die feceram, defungerer. Erat in eadem Mensa, in qua vndecim eramus Cardinales tuæ proxima, Albertus Baduarius eques Reipublicæ Venetæ Legatus, quem hac ipsa participatione conuiuij, ac magna significatione honoris, Reipublicæ Venetæ causa non minus etiam ob eius egregias virtutes ornandum

dum censuisti ; qui illius diei memoriam iucundam, & honorificam semper putabit.

Benedictionem istam tuam (Gregori) primo anno tui Pontificatus, anno memorabili, anno difficillimo, anno quo modis varijs Coeli, at terrę Christus Deus Urbem Romam visitat, inter multos dolores factam, nobis Cardinalibus Ecclesię Sanctę institutum sequentibus, & opus conficiendorum Agnorum Dei adiuuantibus, humanitatem, prudentiam, & alias virtutes tuas in conuiuio in sermonibus tuis agnoscentibus, de Coelo confirmet bonorum omnium, & cunctarum Benedictionum auctor Deus. Agni cerę plurimi, quos magna deuotione adhibita emissis etiam interdum lacrymis Benedixisti, spiritum pietatis in Regibus, & in Principibus conseruent, & augeant, in nobis Cardinalibus, Episcopis, & omnibus Ecclesiasticis viris deuotionem in dies maiorem excitent, excitentur omnes, in quorum manus tuo beneficio peruenerint, ad meditandum diuinum beneficium maximum illud in primis redemptionis humanę, habeant hi, vt aliquādo habuerūt, vim ad acertēdas calamitates ab Vrbe, & à populo Dei, amouendas, vt vnum ex illis à Pio Quinto sanctę memorię Benedictis habuisse memini Veronę anno Domini millesimo quingentesimo sexagesimo octauo, quo

quo anno inundantem Athesim totam Vrbem  
proiecto, à me Episcopo, Agno Dei in fluuium  
diuino beneficio obseruatum est cœpisse de-  
crescere. Quid egi Beatissime Pater ! libellum  
fatis longum paucorum dierum spatio ad Pon-  
tificem summum scripsi, nihil dignum lectio-  
ne Vicarij Christi, nihil reconditum, nihil præ-  
clarum, nihil fortasse nisi communia, & om-  
nibus nota excogitare potui de tua ista Agno-  
rum Dei Benedictione ; obsequutus sum tamē  
voluntati Pontificis summi, quem venerari,  
cui parere vniuersus debet Christianus popu-  
lus, in quem Cardinalium singulorum perpe-  
tua extare debent obsequia. Nullam ego ex  
hac mea lucubratiuncula, vel minimam laudē  
quæro; Gregorio XIV. Christi Vicario de me  
optime merito Pontifici obsequutum esse sit  
fatis ; si quid à me in huiusmodi scriptione la-  
boratum est, satis ampla merces laboris mei  
sit voluptas, quam scribendo, & obtemperan-  
do percepi. Tria extabunt opuscula mea; vnum  
ad Cardinalem Cremonensem, de Pastoralium  
rentationum remedijs inuestigandis, cui ante-  
quam responderet ad altissimam istam Ponti-  
ficatus Sedem est euectus, secundum inscriptū  
est : Consolatio ad Gregorium XIV. quando-  
quidem eius Pontificatus primitiæ fuerunt la-  
crymæ ; hoc tertium tuo, vt cætera, iussu con-  
scri.

scriptum de Agnorum Dei Benedictione ;  
 quam proximis diebus fecisti. Hæc opuscula  
 non satis digna, quæ à doctis viris legantur,  
 magno tamen amoris, & pietatis affectu con-  
 scripta vnum in librum collecta, erunt omni-  
 bus, qui in familia mea nascentur, vete-  
 ris, & singularis Cardinalis Vero-  
 nensis erga Cardinalem Cre-  
 monensem primùm,  
 deinde  
 erga Gregorium XIV. obser-  
 uantiæ perpetuum mo-  
 nimentum.

*Laus Deo, Beatissimæque Virg. MARIAE  
 Dei Genitrici, & omnibus Sanctis.*



*Errata sic corrige.*

A pag. 41. ad 81. supra paginas pro Honuphrij  
Panuini Veronensis leg. Iosephi Mariæ Sua-  
resij Auenionensis.

p. 51. Paschalis.

52. λαθεβιώσας.

53. obscœna.

ex aduerso offerebatur.

54. ea mellis.

58. scholacibus pro scolacibus.

61. æmula. significant.

63. τάξι.

64. Hesychium.

69. vineis.

83. coelestem.

96. Sabbato.

103. in casto.

104. prædescribit, leg. depingit; ostentauit.

110. cum.

111. plumbeos.

117. Ψ 7. post *loquitur*, nec est omnino is  
eius sensus.

Ψ 15. post *Micrologo* c. 56. si quidem illius est  
auctor, & Honorio Augustodunensi.

c. 137. Ψ 19. post *consequabatur* quamuis à  
paucis vsquam obseruaretur.

p. 132. vigilandum.

p. 133. Encausticum.

p. 126. ἰξομολογίας.







222

